

9

# „ივერიის ბიბლიოთეკა“

9

დაუბადიეზელი —

მორის მეტერლინკისა.

სხვათა შორის —

ია. ეკლადისა.

ხალხის წარმომადგენლობა და

საარჩევნო უფლება —


ვორგასლიძისა.

კ რ ი მ ი ა

№ 2

1905

ტფილისი



2 25  
„ივერიის ბიბლიოთეკა“

35115

დაუბავიყებელი —

მორის მეტერლინკისა.

სხვათა შორის —

ია. ეკალაძისა.

ხალხის წარმომადგენლობა და

საარჩევნო უფლება —

გორგასლიძისა.



Дозволено цензурою. Тифлисъ, 1-го декабря 1904 года.

---

## ს ა რ ჩ ე ვ ი

გვერდი

**დაუკატიხებაელი**—დრამა ერთ მოქმედებად, შოტის  
შეტეკლინკისა, თარგმანი მ. ადამაშვილისა . . . . . 3

**სხვათა შორის**—მოთხრობა იან. კვალაძისა . . . . . 27

**ხალხის წარმომადგენლობა და საარჩევნო**

**უფლება** (ხალხის წარმომადგენლობა.. არჩევნების შემზა-  
დება. საარჩევნო ოლქები, საარჩევნო უფლება. საყო-  
ველთაო საარჩევნო უფლება. თანასწორი საარჩევნო  
უფლება. პირდაპირი საარჩევნო უფლება. ფარული სა-  
არჩევნო უფლება. აქტიური და პასიური საარჩევნო უფ-  
ლება. არჩევნების წარმოება)—გორგასლიძისა . . . . . 113

# დაუკატიჟელი.

დრამა ერთ მოქმედებად, მორის მეტერლინკისა.

თარგმანი მ. აღამაშვილისა.

## მომქმედნი პირნი:

პაპა (ბრმა).

მამა.

ბიძა.

სამი ქალი-შვილი.

სათნოების-დაა.

მოახლე.

მოქმედება ჩვენ დრამს სწარმოებს. ჩამობნელებული ოთახი ძველ ციხე დარბაზში. ერთი კარები მარჯვნივ, ერთი მარცხნივ; კუთხეშია ც პატარა ფარული ოთახია. სცენის სი-დრამეში ფანჯრები სხვა-და-სხვა ფერისა და უფრო კი მწვანე შუშებით. იქვე შუშებიანი კარები, რომელიც ტერასაზე გადის. კუთხეში დიდი, ფლამანდიური სავატი. ღამთა ანთია.

**სამი ქალიშვი.** აქეთ, აქეთ, პაპა, აქეთ, ლამფასთან დაბ-  
ძანდით.

**პაპა.** აქ, მგონი, საკმაო სინათლე არ არის.

**მამა.** ტერასაზე გავიდეთ, თუ აქ დავრჩეთ?

- ბიძა.** მე მგონია, აქ დარჩენა სჯობია. მთელი ერთი კვირაა, წვიმს და ღამეებიც ცივი და ნესტიანია.
- უფროსი ქალიშვი.** ვარსკვლავები მაინცა სჩანს.
- ბიძა.** ვარსკვლავები არაფერსაც არ ამტკიცებენ.
- პაპა.** აქ დარჩენა სჯობია. მარტო ღმერთმა იცის, რაც მოხდება.
- მამა.** საშიში არაფერია. ხიფათმა განვლო და ისიც გადარჩა.
- პაპა.** მე კი მგონია, რომ საქმე ცუდათ არის.
- მამა.** ეგრე რაღა გგონიათ?
- პაპა.** გავიგონე, როგორც ღაპარაკობდა.
- მამა.** კარგი, მაგრამ ექიმებმა ხომ გვითხრეს—ღამ-შვიდებული ბძანდებოდეთო.
- ბიძა.** თითქო არ იცოდნენ, რომ შენ სიმაშრას ჩვენი წვალება სწორედ მაშინ მოუწდება ხოლმე, როცა ეს წვალება საქირო არ არი.
- პაპა.** თქვენ თვალხილულნი ხართ, მე კი ბრმა ვარ.
- ბიძა.** მაშასადამე, თქვენც თვალხილულთ უნდა დაენდოთ. დღეს სადილ შექმდე ძალიან. კარგად გამოიყურებოდა, ძილიც მაგარი იცის. ტყუილად რად უნდა მოვიწამლოთ ის პირველი და კარგი საღამო, რომელსაც ბედი გვიგზავნის... მე მგონია, რომ ნება გვაქვს, ამ საღამოს დავისვენოთ და უშიშრადაც ვიხუმროთ.
- მამა.** ეგეც მართალია: ამ საშინელ მშობიარობის შემდეგ ვგრძნობ, რომ შინა ვარ, ჩემს მახლობლებთან...
- ბიძა.** რაკი სახლში ავადმყოფობა გაჩნდა, ისე მგო-

ნია, თითქო ოჯახში უცხო ვილაც შემო-  
გვეყედლო.

**მამა.** ჰო და, სწორედ ამგვარ შემთხვევებში ჩვეუ-  
ლებრივზე მეტად ვგრძნობ, რომ, ოჯა-  
ხის გარდა, სხვა არავის იმედი არ უნდა მქონ-  
დეს.

**ბიძა.** მართალი ხარ.

**პაპა.** დღეს ჩემი საწყალი ქალი რატომ არ მაჩვენ-  
ნეთ?

**ბიძა.** ხომ იცით, რომ ეგ ექიმმა აგიკრძალათ.

**პაპა.** არ ვიცი, არ ვიცი, რა ვქნა...

**ბიძა.** ტყუილად შფოთავთ.

**პაპა.** (შარჯვენა კარებზე უჩვენებს) ის ჩვენს ლაპარაკს  
ხომ არ გაიგებს?

**მამა.** ხმა-მაღლა ხომ არ ვლაპარაკობთ? მაგრამ არა,  
კარები კარგად არის მიხურული და, ამას გა-  
რდა, სათნოების დაც იქ არის და, თუ მარ-  
თლა ვხმაურობთ, გვეტყვის.

**პაპა.** (შარჯვენა კარებზე უჩვენებს) არც ის გაიგებს  
ჩვენს ლაპარაკს?

**მამა.** არა-მეთქი, არა.

**პაპა.** სძინავს?

**მამა.** მგონი, სძინავს.

**პაპა.** კარგი იქნება, რომ შეჭხედოთ.

**ბიძა.** მე ბავშვი უფრო მაშინებს, ვიდრე შენი ცო-  
ლი. რამდენიმე კვირაა, რაც დაიბადა და თით-  
ქმის სულ არ ინძრევა და არც ხმას იღებს,  
თითქო სანთლისგან არის გაკეთებულიო.

**პაპა.** ძალიან მეშინიან, ვაი თუ ან ყრუ, ან მუნ-



ჯი გამოვიდეს. აი, რა შედეგი მოჰყვება ხოლმე ნათესავების ჩხუბსა და უკმაყოფილებას (ძაღდატანებელი და უხეჩხელი ღუმელი).

**მამა.**

მე იმ ბავშვზე გაჯავრებული ვარ, რადგან მან თავის დედას ბევრი ტანჯვა და წვალება მი-  
აყენა-

**ბიძა.**

ჰო, მაგრამ კეთილ-გონიერება მაინც უნდა იქონიოთ. საწყალი ბავშვი არაფერში დამნა-  
შავე არ არი. ოთახში მარტოა.

**მამა.**

ექიმმა დედასთან ყოფნა აუკრძალა.

**ბიძა.**

გამზრდელი ხომ იმასთან არი?

**მამა.**

არა. გამზრდელი ცოტა ხნით დასასვენებლად წავიდა. ამ უკანასკნელ დღეებში ისე იქცეო-  
და, რომ დასვენება ეკუთვნის. ურსულა, წა-  
დი და ნახე, მოსვენებით სძინავს თუ არა?

**უფროსი**

**ქალიშვი.** კარგი, მამა (სამივე ქალები ღგებიან, ერთმანეთს ხელს აძლევენ და მარჯვნივ გადიან).

**მამა.**

დაე რომელ საათზე მოვა?

**ბიძა.**

მგონი, ცხრაზე.

**მამა.**

ეხლა ცხრაზე მეტია. დღეს რომ მოსულიყო, კარგი იქნებოდა. ჩემ ცოლს მისი ნახვა ძა-  
ლიან უნდა.

**ბიძა.**

უეჭველად მოვა. ის ამ სახლში დღეს პირვე-  
ლად მოდის?

**მამა.**

პირველად. ამ სახლში არას დროს არა ყო-  
ფილა.

**ბიძა.**

თავის მონასტრის მოშორება ძალიან...

**მამა.**

ეძნელება.

**ბიძა.**

მარტო მოვა?

**ბიძა.** ალბად, მონაზონი მოაცილებს. იქიდან მართო გამოსვლა არ შეუძლიან.

**მამა.** კარგი, მაგრამ ეგ რომ უფროსია?

**ბიძა.** წესი ყველასთვის ერთია.

**პაპა.** თქვენ ეხლა აღარ გეშინიანთ?

**ბიძა.** რად უნდა გვეშინოდეს? მაგაზედ ლაპარაკი საჭირო არ არის. საშიში აღარაფერია.

**პაპა.** თქვენი და თქვენზე უფროსია?

**ბიძა.** დიად. ჩვენში ყველაზე უფროსი ის არი.

**პაპა.** არ ვიცი, რა მემართება, ვერ ვმშვიდდები. თქვენი და აქ მაინც იყოს!

**ბიძა.** დაგვიპირდა. მაშასადამე, უეჭველად მოვა.

**პაპა.** ეს ღამე მალე მაინც გათენდებოდეს! (საშივე ქაღიშივილი შემოდის).

**მამა.** რას შერება, სძინავს?

**უფროსი ქალი.** სძინავს, მამა. ძალიან მაგრად სძინავს.

**ბიძა.** სანამ ის მოვიდოდეს, რა გავაკეთოთ?

**პაპა.** სანამ ვინ მოვიდოდეს?

**ბიძა.** დაა.

**მამა.** ურსულა, გაიხედე, ხომ არავინ მოდის?

**უფროსი ქალი** (ფანჯარაში იყურება) არავინა სჩანს.

**მამა.** ქუჩაზე? ქუჩას ხედავ?

**ქალიშვილი.** ვხედავ, მამა. მთვარე ანათებს და თითო კუნძსაც კი ვხედავ.

**პაპა.** მაშ არავის არ ხედავ?

**ქალიშვილი.** არავის, პაპა.

**ბიძა.** როგორი ღარია?

**ქალიშვილი.** მშვენიერი. გესმით, ბუღბუღლები გალობენ.

**ბიძა.** ჰო, ჰო...

**ქალიშვილი.** ქუჩაში პატარა ქარი ამოვარდა.

**პაპა.** შენ ამბობ, ქუჩაში ქარი ამოვარდაო?

**ქალიშვილი.** დიაღ. მცენარეები ოდნავ ირხვევიან.

**ბიძა.** ძალიან მიკვირს, რომ დაე აქამდის არ მოდის.

**პაპა.** ბუღბუღების ხმაც აღარ მესმის.

**ქალიშვილი.** პაპა! მგონი, ბაღში ვიღაც შემოვიდა.

**პაპა.** ვინ შემოვიდა?

**ქალიშვილი.** არ ვიცი, არვინ არა ჩანს.

**ბიძა.** მაშასადამე, არაფინაც არ შემოსულა.

**ქალიშვილი.** ბაღში უეჭველად უნდა იყვეს ვინმე, რადგან ბუღბუღები უცებ ჩაჩუმდნენ.

**პაპა.** მერე რატომ ფეხის ხმა არ მესმის?

**ქალიშვილი.** უეჭველია, აუზთან ვიღამაც გაიარა, რადგან გედები როგორღაც აჩოჩქოლდნენ.

**მეორე ქალიშ.** აუზში თევზები მიიძალ-მოიძალდნენ.

**მამა.** შენ არავის ხედავ?

**ქალიშვილი.** არავის.

**მამა.** აუზი მთვარის შუქით არის განათებული?

**ქალიშვილი.** დიაღ, განათებულია. მე ვხედავ, რომ გედებს რიღასიც ეშინიანთ.

**ბიძა.** ნამდვილად, დაე შეაშფოთებდა. უეჭველად, ის პატარა კარებიდან შემოვიდოდა.

**მამა.** კარგი, მაგრამ საკვირველია, ძაღლებმა რატომ არ დაიყეფეს?

**ქალიშვილი.** ჯაჭვით დაბმული ძაღლი თავის ქოხში შევარდა... გედები მეორე ნაპირისაკენ მიცურავენ...

**ბიძა.** რასაკვირველია; დისა შეეშინდებოდათ. აი,

ენახავ... (უძახის) დაია! დაია! შენა ხაზ?...  
არავინ არ არი...

**ქალიშვილი.** მე დარწმუნებული ვარ, რომ ბაღში ვი-  
ლაც შემოვიდა, აი, ნახავთ, თუ არა.

**ბიძა.** დაე რომ იყოს, უეჭველია, პასუხს მომცემდა.

**პაპა.** ურსულა, ბუღბუღები გალობას აღარ იწყე-  
ბენ?

**ქალიშვილი.** მთელ სოფელში არც ერთი ბუღბუღლის  
ხმა აღარ ისმის.

**პაპა.** არავითარი ხმაურობა არ ისმის.

**მამა.** სამარისებური სიჩუმეა.

**პაპა.** უეჭველია, ბუღბუღები იმიტომ გაჩუმდნენ,  
რომ უცხო ვინმე დაინახეს და შეეშინდათ.  
ჩვენი ოჯახის რომელიმე წევრი რომ დაენა-  
ხათ, არ გაჩუმდებოდნენ.

**ბიძა.** რას ჩააცვივდით, რა ვქნა, ამ ბუღბუღებს?

**პაპა.** ურსულა, ეს რა ამბავია, თითქო ყველა ფან-  
ჯრები ღია არისო?

**ქალიშვილი.** არა, პაპა, მარტო შუშინანი კარებია გაღე-  
ბული.

**მამა.** ოთახში, მგონი, სიცივე შემოდის.

**ქალიშვილი.** ბაღში, პაპა ჩემო, პატარა ქარია... ვარ-  
დებს ფოთლები სცვივა...

**მამა.** უკვე გვიან არი. მიხურე კარები.

**ქალიშვილი.** ეხლავე, მამა... კარების მიხურვა არ შე-  
მიძლიან.

**სხვა ქალიშვ.** ვერ მივხურეთ.

**პაპა.** რა ამბავია, რა მოხდა?

**ბიძა.** რა ვქნა, თქვენ როგორის ხმით ლაპარაკობთ?

საშინელი არაფერი არა მომხდარა-რა. მე გი-  
შველი.

**მამა.** ხვალ ღურგალი გააკეთებს.

**პაპა.** განა ხვალ ღურგალი უნდა მოვიდეს?

**ქალიშვილი.** უნდა მოვიდეს. მოვა და ხვალ სარდაფ-  
ში იმუშავენს

**პაპა.** იმის ხმაურობა სახლშიაც ამოვა.

**ქალიშვილი.** მე ვეტყვი, რომ ჩუმად იმუშაოს: (უცებ  
ცულის ლესვის ხმა მთისმის).

**პაპა.** (შეკრთება) ო!

**ბიძა.** რა ამბავია იქ?

**ქალიშვილი.** ნამდვილად არ ვიცი, მგონი-კი, მებაღე  
უნდა იყოს. ჩრდილში დგას და კარგათ არა  
სჩანს.

**მამა.** მებაღეა, ცელვას აპირობს.

**ბიძა.** განა ღამ-ღამობითაც ცელვას ხოლმე?

**მამა.** ხვალ კვირა არი, არა? ჰო... სახლის გარშე-  
მო დიდი ბალახი ამოვიდა.

**პაპა.** ოჰ, ეს მებაღე თავის ცელს მეტის-მეტად  
აუღარუნებს.

**ქალიშვილი.** სახლის გარშემო ცელავს.

**პაპა.** ურსულა, მებაღეს ხედავ თუ არა?

**ქალიშვილი.** არა, პაპა, ვერა ვხედავ. სიბნელეში მუ-  
შაობს.

**პაპა.** ნეტავ, ჩემი ქალი კი არ გააღვიძოს და!

**ბიძა.** მისი ხმაურობა ძლივს ისმის.

**პაპა.** მე კი ისე მესმის, თითქო ამ ოთახში: ცე-  
ლავსო.

**ბიძა.** ნუ გეშინიან, ავადმყოფი ვერ გაიგებს.

**მამა.** ამ სალამოს ლამფა, მგონი, საკმაოდ კარგად ვერ ანათებს.

**ბიძა.** ზეთი უნდა მივუმატოთ.

**მამა.** დღეს ზეთი ჩემ თვალწინ ჩაასხეს. მას შემდეგ, რაც ფანჯრები მიხურეს, ლამფა ცუდათ იწვის.

**ბიძა.** მგონი, შუშა გაწმენდილი არ არის.

**მამა.** ეხლა უფრო უკეთ გაანათებს.

**ქალიშვილი.** პაპას დაეძინა. სამი ლამფა, რაც არ დაუძინია.

**მამა.** მეტის-მეტად შფოთავს.

**ქალიშვილი.** პაპა ყოველთვის გადამეტებულად შფოთავს. ზოგჯერ ვერაფერს ვერ შევასმენ ხოლმე.

**მამა.** ეგ მაგ ხნის კაცს ეპატიება.

**ბიძა.** ჩვენ რომ მაგის ხნისა მოვიყრებით, ვინ იცის, რა დაგვემართება.

**მამა.** ეხლა თითქმის ოთხმოცი წლისაა.

**ბიძა.** მაგ ხნის კაცს ნება აქვს ცოტა უგუნურიც იყოს.

**მამა.** მაგას ისეთი ხასიათი აქვს, როგორც საზოგადოთ ბრმებს.

**ბიძა.** ბრმები მეტის-მეტ ბევრსა ფიქრობენ.

**მამა.** თავისუფალი დრო ვერაფერში ვერ მოუხმარიათ.

**ბიძა.** სხვა საქმე რომ არა აქვთ, მეტს რას იზამენ?

**მამა.** არავითარი გასართობიც არა აქვთ.

**ბიძა.** ამ გვარი მდგომარეობა საშინელი რამ უნდა იყოს.

**მამა.** მაგვეარ მდგომარეობას, როგორც ეტყობა, თანდათან ეჩვევიან.

**ბიძა.** ვერ გამიგია, როგორ შეიძლება კაცი მაგვეარ მდგომარეობას შეეჩვიოს?

**მამა.** ძალიან საწყლები და საბრალონი არიან.

**ბიძა.** კაცმა არც ის იცის, თუ სად იმყოფება; არც ის იცის, თუ საიდგან არის და საითკენ მიდის; ვერც ღამესა და დღეს არჩევს ერთმანეთისგან, ვერც ზაფხულსა და ზამთარს... საუკუნო წყვდიადი... სიბნელე... არა, სიკვდილი სჯობია. მაგის მორჩენა სრულიად შეუძლებელია?

**მამა.** მგონი, შეუძლებელია.

**ბიძა.** ეგ სულ მთლად ბრმა არ უნდა იყოს.

**მამა.** ძლიერს სინათლეს გრძნობს, იგებს.

**ბიძა.** ჩვენ ჩვენს საწყალ თვალებს უნდა მოვეუაროთ.

**მამა.** ზოგჯერ აუჭანელი წამები დაუდგება ხოლმე.

**ბიძა.** ზოგჯერ მაგასთან ლაპარაკი და ყოფნა შეუძლებელია.

**მამა.** ყველაფერს, რასაცა ფიქრობს, უეჭველად იტყვის ხოლმე.

**ბიძა.** წინათ განა ეგეთი არ იყო?

**მამა.** სულაც არა: ოდესღაც ისეთივე ადამიანი იყო, როგორც ჩვენ, და არა-ჩვეულებრივ საგნებზედაც არ ლაპარაკობდა. ურსულა ყოველმის კითხვას პასუხს აძლევს და ამით, რასაკვირველია, გაანებივრა და წააქეზა.

**ბიძა.** არა, ისევ ისა სჯობია, რომ პასუხი არ გა-

ვცეთ ხოლმე. ამით ჩვენ მხოლოდ სარგებლობას მოვუტანთ (საათი ათჯერ დაჭკრავს).

**პაპა.** (იღვიძებს) მე პირისახე შუშთან კარებისკენა მაქვს?

**ქალიშვილი.** კარგათ გეძინათ, პაპა?

**პაპა.** პირისახე შუშთან კარებისკენა მაქვს?

**ქალიშვილი.** დიად.

**პაპა.** შუშთან კარებთან არავინ არა სდგას?

**ქალიშვილი.** არავინ არ არის. მე არავისაც არა ვხედავ.

**პაპა.** მე მეგონა, თითქო მანდ ვილაც იცდისო... არავინ არ მოსულა?

**ქალიშვილი.** არავინ.

**პაპა.** (ბიძას და მამას) არც თქვენი დაა მოსულა?

**ბიძა.** ძალიან დაგვიანდა: ეხლა აღარ მოვა. იმის საქციელი საქები არ არი.

**მამა.** იმის საქციელი ძალიან მაშფოთებს (ხმაყრდბა ისმის, თითქო კარებისკენ ვიღაც მოდის).

**ბიძა.** აი, მოვიდა! გესმით?

**მამა.** მესმის. ქვეითა კარებში ვილაც შემოვიდა.

**ბიძა.** მგონი, დაა უნდა იყოს. ის არის! იმის ფეხის ხმა არი.

**პაპა.** ვილაც მოდის ნელის ნაბაჯით.

**მამა.** ჩუმად შემოვიდა.

**ბიძა.** იცის, რომ სახლში ავადმყოფი წევს.

**პაპა.** ეხლა აღარაფერი მესმის.

**ბიძა.** ეხლავე ამოვა. უეჭველია, ეტყვიან, რომ ჩვენ აქა ვართ.

**მამა.** მისი მოსვლა ძალიან გამეხარდა.

**ბიძა.** მე დარწმუნებული ვიყავი, რომ დღეს ღამით მოვიდოდა.



- პაპა.** ძალიან იგვიანებს.
- ბიძა.** უეჭველია, ის არი, სხვა ვინ უნდა იყოს?
- მამა.** სხვა არავის ველით.
- პაპა.** სარდაფიდან არავითარი ხმაურობა არ გესმის?
- მამა.** აი, ეხლავე დაეუძახებ მოახლეს. რაშია საქმე — ის გვეტყვის (ზარის კანაფს ჩამოჰკრავს).
- პაპა.** ეხლა ხმაურობა კიბიდან მესმის.
- მამა.** ეგ მოახლის ფეხის ხმა არი.
- პაპა.** მგონი, მარტო მოახლე არ უნდა იყოს.
- მამა.** ნელის ნაბიჯით მოდის.
- პაპა.** მე თქვენი დის ფეხის ხმა მესმის.
- მამა.** მე-კი მხოლოდ მოახლის ფეხის ხმა მესმის.
- პაპა.** ეგ თქვენი დაა არი, თქვენი დაა არი! (ფარულ კარებს აბრახუნებენ).
- ბიძა.** ფარულ კარებს აბრახუნებს.
- მამა.** ამ კარებს მე თვითონ გავაღებ, თორემ ძალიან ქრიალებს. ამ კარებიდან მხოლოდ მაშინ შემოდინ ხოლმე, როცა ოთახში საიდუმლოთ უნდათ შემოსვლა (ფარულ კარებს ნახევრად გამაღებს. კარებს უკან მოახლე დგას). სადა ხარ?
- მოახლე.** აქ გახლავართ, ბატონო.
- პაპა.** თქვენი დაა კარებთან არი?
- ბიძა.** მე მხოლოდ მოახლეს ვხედავ.
- მამა.** მოახლის გარდა არავინ ად არის. (მოახლეს) სახლში ვინ შემოვიდა?
- მოახლე.** სახლში?
- მამა.** ჰო, ეხლა სახლში ვილაც შემოვიდა.
- მოახლე.** არავინ არ მოსულა, ბატონო.
- პაპა.** რომელი ქვინავთ?

- ბიძა.** მოახლეა, დაიღალა.
- პაპა.** მერე რათ ტირის?
- ბიძა.** არა ტირის, რა აქვს სატირელი?
- მამა.** (მოახლეს) მაშ სახლში არაფერ არ შემოსულა?
- მოახლე.** არაფერ, ბატონო, არაფერაც არ შემოსულა.
- მამა.** ჩვენ კარგათ ვავიგეთ, რომ ვილამაც კარები გააღო.
- მოახლე.** კარები მე მივხურე.
- მამა.** განა ღია იყო?
- მოახლე.** ღია გახლდათ.
- მამა.** მერე ამ დროს ღია რათ იყო?
- მოახლე.** რა მოგახსენოთ? კარები მე გადავრაზე.
- მამა.** კარგი, მაგრამ ვინ გააღო?
- მოახლე.** არ ვიცი, ბატონო. ალბათ ვილაც გასულა და მე არ დამინახავს.
- მამა.** უნდა თვალყური გეჭიროს. კარებს ნუ აწყდები! ხომ იცი, რომ ჭრიანლებს.
- მოახლე.** არა, ბატონო, მე კარებს არ ვაწყდები.
- მამა.** როგორ არ აწყდები? ისე აწვები, თითქო ოთახში შემოსვლა გინდაო.
- მოახლე.** ბატონო, მე კარებიდან სამ ნაბიჯის მანძილზე ვდგევარ.
- მამა.** ჩემად ილაპარაკე.
- პაპა.** რა ვქნა, მგონი ლამფა ჩააქრეთ, არა?
- უფროსი ქალიშვი.** არა, პაპა, არ ჩაგეიქრია.
- პაპა.** ისე მეჩვენება, თითქოს უცებ დაბნელდაო.
- მამა.** (მოახლეს) წადი, მაგრამ, როცა კიბეზე ჩადიხარ ხოლმე, ნუ აკაკუნებ.

- მოახლე.** მე არც დამიკაკუნებია.
- მამა.** მე გეუბნები, აკაკუნებდი-მეთქი. ნელა უნდა იარო, თორემ ქალბატონს გააღვიძებ. თუ მოვიდა ვინმე, უთხარი შინ არ არიან-თქო.
- ბიძა.** ჰო, უთხარი, შინ არ არიან-თქო.
- პაპა.** (შეკრთება) ეგ არ უნდა გეთქვოდ.
- მამა.** თუ ექიმი ან ჩემი დაა იყოს, მაგას ნუ ეტყვი.
- ბიძა.** რომელ საათზე მოვა ექიმი?
- მამა.** შუალამეზე ადრე არ მოვა (კარებს ჰეკეტავს, საათი თეწთმეტსა რეკავს).
- პაპა.** ოთახში შემოვიდა?
- მამა.** ვინ შემოვიდა?
- პაპა.** მოახლე.
- მამა.** არა, ქვეით ჩავიდა.
- პაპა.** ისე მეგონა, თითქო ის მაგიდას მოუჯდაო.
- ბიძა.** ვინა, მოახლე?
- პაპა.** ჰო.
- ბიძა.** ეგ-ლა გვაკლია!
- პაპა.** მაშ ოთახში არავინ შემოსულა?
- მამა.** არავინ შემოსულა, არავინ!
- პაპა.** მაშ ამ სახლში არც თქვენა დაა მოსულა?
- ბიძა.** ჩემი დაა ჯერ არ მოსულა.
- პაპა.** თქვენ ჩემი მოტყუება გინდათ.
- ბიძა.** თქვენი მოტყუება?
- პაპა.** ურსულა, თუ ღმერთი გწამს, მართალი მითხარი.
- უფროსი ქალიშვი.** პაპა, პაპა! რა დაგემართათ?
- პაპა.** რალაც მოხდა. მე დარწმუნებული ვარ, რომ ჩემი ქალი უფრო ცუდათ გახდა.

- ბიძა.** რა ვქნა, თქვენ გძინავთ, თუ ფხიზელი ხართ?
- პაპა.** თქვენ რაღასაც მიმალავთ! მე დარწმუნებული ვარ, რომ აქ რაღაც ამბავია.
- ბიძა.** მაშ, როგორც გეტყობათ, თქვენ ჩვენზე კარგათ ხედავთ.
- პაპა.** ურსულა, მართალი მითხარი!
- ქალიშვილი.** აკი მართალს გეუბნებიან!
- პაპა.** შენ შენის ხმით არ ლაპარაკობ.
- მამა.** თავის ხმით იმიტომ არ ლაპარაკობს, რომ შეაშინეთ.
- პაპა.** თქვენც გამოგეცვალათ ხმა.
- მამა.** რა ვქნა, თქვენ, მგონი, კკუაზედ იშლებით! (მამა და ბიძა ერთმანეთს ანიშნებენ, — პაპა კკუაზედ შესტდაო).
- პაპა.** მე კარგათ მესმის, რომ თქვენ რიღასიც გეშინიანთ.
- მამა.** რა ვქნა, რისა უნდა გვეშინოდეს?
- პაპა.** რათ გინდათ ჩემი მოტყუება?
- ბიძა.** მერე თქვენ მოტყუებას ვინ აპირობს?
- პაპა.** ლამფა რათ ჩააქრეთ?
- ბიძა.** არ ჩაგვიქრია, ლამფა ეხლაც ისე ანათებს, როგორც წელან ანათებდა.
- ქალიშვილი.** მგონი, ლამფა ეხლა ნაკლებათ ანათებს.
- მამა.** მე კი ეხლაც ისე ვხედავ, როგორც წელან ვხედავდი.
- პაპა.** თვალეებზე წისქვილის ქვები მადევს. შვილებო, მითხარით, რა ამბავი ხდება აქა? თქვენ, თვალხილულნო, მითხარით, თუ ღმერთი

გწამთ, მითხარით! მე აქ მარტო ვარ განუ-  
ჭვრეტ სიბნელეში! არ ვიცი, გვერდით ვინ  
მომიჯდება ხოლმე; არ ვიცი, ორ ნაბიჯის  
მანძილზე რა ხდება ხოლმე?! აი, ეხლა ამ  
წუთს რას ჩურჩულობდით?

**მამა.** ჩურჩული არავის ფიქრადაც არ მოსვლია.

**პაპა.** თქვენ კარებთან ჩურჩულობდით.

**მამა.** რაცა ვთქვი, ყველაფერი გაიგეთ.

**პაპა.** თქვენ ოთახში ვილაც შემოიყვანეთ!

**მამა.** რა ვქნა, აკი გეუბნებით, ოთახში არავინ შე  
მოსულა მეთქი!

**პაპა.** იქნება, ან თქვენი დაჟ, ან მღვდელი შემოვიდა?  
ჩემ მოტყუებას ტყუილად ცდილობთ... ურ-  
სულა, ვინ შემოვიდა ამ ოთახში?

**ქალიშვილი.** არავინაც არ შემოსულა.

**პაპა.** ნუ მატყუებთ-მეთქი. რაც ვიცი—ვიცი! ეხლა  
აქ, ამ ოთახში რამდენნი ხართ?

**ქალიშვილი.** აქ ექვსნი ვართ, პაპა!

**პაპა.** ყველანი მაგიდასთან სხედხართ?

**ქალიშვილი.** ყველანი.

**პაპა.** პოლ, თქვენ აქა ხართ?

**მამა.** აქა ვარ.

**პაპა.** ოლივიე, თქვენც აქა ხართ?

**ბიძა.** დიად, დიად, აქა ვარ; ჩემ ალაგზე ვზივარ.  
თქვენ, იმედი მაქვს, ხუმრობთ?

**პაპა.** ენევიევა, შენც აქა ხარ?

**ერთი ქალიშვ.** აქა ვარ, პაპა.

**პაპა.** შენ, გერტრუდა?

**მეორე ქალიშვ.** დიად, პაპა, აქა ვარ.

პაპა. შენ, ურსულა, შენც აქა ხარ?

უფროსი ქალიშვი. დიად, პაპა, აქა ვარ, — თქვენ გვერდითა ვარ.

პაპა. იქ ვილა ზის?

ქალიშვილი. სადა? იქ არავინ არი.

პაპა. აქა, აქ! აი, აქა, ჩვენ შორის.

ქალიშვილი. აქ არავინ არი.

მამა. გეუბნები, აქ არავინ არის-მეთქი!

პაპა. მაშ თქვენ ვერაფერსაც ვერ ხედავთ.

ბიძა. ეხლა კი მესმის, რომ ხუმრობთ.

პაპა. გარწმუნებთ, რომ ხუმრობის გუნებაზე არა ვარ.

ბიძა. მაშ თვალ-ხილულებს უნდა ერწმუნოთ.

პაპა. (გაუბედავთ) მე მაინც მგონია, რომ აქ ვილაც არი... როგორც ვატყობ, მე ამ ქვეყნისა აღარ უნდა ვიყო.

ბიძა. აბა, ერთი გვითხარით, რათ უნდა მოვატყუოთ?

მამა. ისე რომ ძყოს, როგორც თქვენა გგონიათ, უეჭველია, სიმართლეს გეტყობით.

ბიძა. რა აზრითა და რისთვის უნდა მოვატყუოთ ერთმანეთი?

მამა. სულ ერთია, ხომ დიდ ხანს ვერაფერს ვერ გაიგებდით.

პაპა. (ადგომა უნდა) ნეტა, შევიძლო და როგორმე განვსჭვრიტო ეს სიბნელე!

მ. მა. სად მიხვალთ?

პაპა. აგე, იქ...

მამა. ეგრე ნუ შფოთავთ...

ბიძა. დღეს საკვირველ გუნებაზე ხართ...

- პაპა.** მე მგონია, რომ, პირიქით, თქვენა ხართ საკვირველ გუნებაზე.
- მამა.** რას დაეძებთ?
- პაპა.** არ ვიცი, რა მემართება...
- უფროსი ქალი.** პაპა, პაპა! მითხარით, რა გნებავთ?
- პაპა.** ჩემო პატარებო! მოიტათ, მომეცით თქვენი პატარა ხელები.
- სამი ქალი.** აი, ინებეთ, პაპა.
- პაპა.** ჩემო პიტარებო, ეგრე რად კანკალებთ?
- უფროსი ქალი.** არა, პაპა, არა ვკანკალობთ.
- პაპა.** უეჭველია, სამივენი საშინლად გაფითრებული იქნებით.
- უფროსი ქალი.** შუალამემ მოატანა და, უეჭველია, დაილღებოდით.
- მამა.** წადით, დაიძინეთ. პაპაც კარგს იზამს, რომ ცოტა მოისვენოს.
- პაპა.** მე დღეს ვერ დავიძინებ.
- ბიძა.** მაშ ექიმს მოვუყაღოთ.
- პაპა.** სინამდვილის გასაგებათ მომამზადეთ.
- ბიძა.** არავითარი მომზადება არ არი საჭირო.
- პაპა.** მაშ არ ვიცი, რა საჭიროა სიმართლის დამალვა.
- ბიძა.** გარწმუნებთ, რომ არაფერიც არ მომხდარა!
- პაპა.** ჩემი საწყალი ქალის ნახვა მინდა.
- მამა.** ხომ იცი, რომ ეგ შეუძლებელია. უმიზნოდ მისი გაღვიძება საჭირო არ არი.
- ბიძა.** ხვალ ნახავთ.
- პაპა.** იმის ოთახში სიშინელი სიჩუმეა.
- ბიძა.** იმის ოთახში რომ საშინელი ხმაურობა იყოს, მაშინ შეგიძლიანთ აშფოთდეთ.

**პაპა.** დიდი ხანია, რაც ჩემი ქალი აღარ მინახავს! გუშინ საღამოს იმის ხელს ხელი მოვუსვი, მაგრამ თვითონ იმას კი ვერ ვხედავდი! არ ვიცი, რა დაემართა!... არ ვიცი, როგორ არი, იმის პირისახეს ვერა ვხედავ... ამ უკანასკნელ კვირებში, მგონი, ძალიან გამოიცვლებოდა. ლოყაზე ხელი მოვუსვი და მარტო ძვლები-ღა იყო... ჩემსა და იმის შუა მხოლოდ სიბნელეა. თქვენც ყველანი სიბნელე ხართ... არა, მე ესე ცხოვრება აღარ შემიძლიან. ეს ცხოვრება არ არი... ყველანი აქა ხართ, ყველანი უყურებთ ჩემს უსიცოცხლო თვალებს და არც ერთ თქვენგანს არ ვებრალები! არ ვიცი, რა შემართება... არას დროს არ ამბობთ იმას, რის თქმაც არის საჭირო... როცა მაგაზე დავიწყებ ხოლმე ფიქრსა—საშინელებათ! რას გაჩუმებულხართ?..

**ზიდა.** რა უნდა გითხრათ, როცა ჩვენი არაფერი გჯერათ?..

**პაპა.** თქვენ გეშინიანთ, ვაი თუ ლაპარაკში გამოვტყდეთო!..

**შამა.** კმარა, გეყოფათ! ცოტა კეთილ-გონიერებაც უნდა იქონიოთ!

**პაპა.** დიდი ხანია, რაღასაც მიმაღავეთ!... სახლში რაღაც მოხდა. მაგრამ ეხლა კი ყველაფერი მესმის თანდათან... გეყოთ, რამდენიც მატყუეთ! თქვენ გგონიათ, ვითომ მე არას დროს არ გავიგებ? მერე იცით, რომ ზოგჯერ მე უფრო კარგად ვხედავ, ვიდრე თქვენ, თვალ-



ხილულნი!.. მე მშვენივრად მესმის, რომ, რამდენიმე დღეა, რაც თქვენ რაღასაც ჩურჩულობთ, თითქო ამ სახლში ჩამოხრჩობილი ეკიდოსო! სათქმელადაც კი მეზარება ის, რაც დღეს საღამოს გავიფიქრე... მაგრამ მე სიმართლეს მაინც გავიგებ!.. მე იქამდის მოვითმენ, სანამ თქვენ თვითონვე მეტყვით, თუმცა კი ეხლა უთქვენოდაც ვიცი. აი, ეხლა ვგრძნობ, რომ ყველანი გაფითრდით, ყველას სიკვდილის ფერი დაგედოთ...

**სამი ქალი.** პაპა, პაპა! რა დაგემართა, პაპა!

**პაპა.** ჩემო პატარებო, მე თქვენზე არ ვამბობ. მე თქვენზე არ ვამბობ... მე კარგად ვიცი, თქვენთან ესენი რომ არ იდგნენ, მართალს შეტყობდით! მაგრამ სულ ერთია, მე დარწმუნებული ვარ, რომ ესენი თქვენც გატყუებენ. აი, ნახავთ!.. ჰო, მაშ სამივენი ტირით?

**მამა.** ნუ თუ, მართლა ჩემს ცოლს მაგისტანა ხიფათი მოეღოს?

**პაპა.** ეხლა ტყუილად-ლა მატყუებთ, გვიან-ლა არის. ეხლა მე თქვენზე უკეთ ვიცი სიმართლე.

**ზიძა.** კარგი, მაგრამ ჩვენ ბრმები არა ვართ.

**მამა.** კარგი, მაშ წამობძანდით ჩემი ქალის ოთახში და ყველაფერს გავიგებთ. გნებავთ?

**პაპა.** (უცებ, გაუბეჯად) არა, არა, მერე, მერე...

**ზიძა.** აი, ეხლა თქვენვე ხედავთ, რომ კეთილ-გონიერება გაკლიათ.

**პაპა.** ვერავინ და ვერას დროს ვერ გაიგებს იმას, რის თქმაც კაცს არ შეუძლიან. ეს რა ხმებია?..

**უფროსი ქალი.** ლამთა ინძრევა და იმის ხმაა.

**პაპა.** მგონი, ლამთა ძალიან შფოთავს... ძალიან...

**ქალიშვილი.** ცივმა ქარმა დაუბერა და იმიტომ.

**პაპა.** ცივი ქარი არსად არი, ფანჯრები მიხურულია.

**ქალიშვილი.** საცაა, ლამთაც ჩაქრება.

**მამა.** ზეთი აკლია.

**ქალიშვილი.** სულ ჩაქრა.

**მამა.** ამისთანა სიბნელეში ხომ ვერ დავრჩებით.

**ბიძა.** რატომ ვერ დავრჩებით? მე შევეჩვიე კიდევ.

**მამა.** ჩემი ცოლის ოთახშიაც ბნელა.

**ბიძა.** მოიცა, ექიმი მოვა, მაშინ გავანათებთ.

**მამა.** აქ საკმაო სინათლეა. სინათლე ეზოდან შემოდის.

**პაპა.** განა ეზოში სინათლე არი?

**მამა.** უფრო მეტი, ვიდრე ამ ოთახში.

**ბიძა.** მე სიბნელეში ლაპარაკი მიყვარს.

**მამა.** მეც მიყვარს (იხუმრე).

**პაპა.** მგონი, საათი ძალიან აკაკუნებს.

**უფროსი ქალიშვილი.** ეგრე იმიტომ გეჩვენებათ, რომ ჩვენ გაჩუმებულნი ვართ.

**პაპა.** მერე და რათა ხართ გაჩუმებულნი?

**ბიძა.** მაშ რაზე უნდა ვილაპარაკოთ? დღეს საღამოს თქვენ როგორღაც უცნაური ხართ.

**პაპა.** ოთახში ძალიან ბნელა?

**ბიძა.** ჰო, აქაურობა ძალიან არ არის განათებული.

**პაპა.** როგორღაც ცუდითა ვარ. ურსულა, ერთი ფანჯარა გამოაღე.

**მამა.** მართლა, შვილო, ერთი თანჯარა გამოაღე-  
მეც როგორღაც სული მეხუთება (ქალიშვილი  
ფანჯარას აღებს.)

**ბიძა.** ჰაერი საშინლად შეიხუთა.

**პაპა.** თანჯარა გამოაღეთ თუ არა?

**ქალიშვილი.** გამოვადე, პაპა, ღია არი.

**პაპა.** არ ითქმის, რომ თანჯარა ღია არი, არავითა-  
რი ხმაურობა არ ისმის.

**ქალიშვილი.** მართალია, არავითარი ხმაურობა არ ისმის.

**მამა.** საკვირველი სიჩუმეა.

**ქალიშვილი.** ანგელოზი რომ გაფრინდეს, იმის ფრთების  
ფრიალსაც კი გავიგებდი.

**ბიძა.** აი, სწორედ ამისთვის არ მიყვარს სოფელი.

**პაპა.** ცოტაოდენი ხმაურობა მაინც ისმოდეს... ურ-  
სულა, რომელი საათია?

**ქალიშვილი** საცაა, შუალამე გახდება.

**ბიძა.** (ჩქარის საბიჯით დადის ოთახში.)

**პაპა.** ვინ არის, რომ დადის? რომელი ხართ?

**ბიძა.** მე ვარ, მე, ნუ გეშინიანთ, ცოტა სიარული  
მინდა და დავდივარ (სიჩუმე). მაგრამ მეტი გზა არ  
არის, უნდა დავჯდე. არ ვიცი, რად დავდივარ-  
(სიჩუმე).

**პაპა.** სადმე სხვაგან ყოფნა მინდა.

**ქალიშვილი.** სად გინდათ. ყოფნა, პაპა?

**პაპა.** არ ვიცი, სადა... სხვა ოთახში... სულ ერთია...  
საცა უნდა ვიყო—სულ ერთია...

**მამა.** მაინც სად გინდათ, სად წავიდეთ?

**ბიძა.** ეხლა სეირნობის დრო აღარ არის (სიჩუმე)  
ვეკლანი გაუნძრევლად უსხედან მაგიდას).

**პაპა.** ურსულა, ეს რა მესმის?

**ქალიშვილი.** არათფერი, პაპა. მგონი, ფოთლები ცვივა. დიდ აივანზე ფოთლები ცვივა და კიდევ იმის ხმაურობაა.

**პაპა.** ურსულა, წადი და თანჯარა მიხურე.

**ქალიშვილი.** ეხლავე (ფანჯარას ხუროს და თავის ადგილს ჯდება).

**პაპა.** მცივა (სიჩუმე, დები ერთმანეთს ჰკოცნიან). ეს რა ხმაურობა მესმის?

**მამა.** სამმა დამ ერთმანეთს აკოცეს.

**ბიძა.** ესენიც დღეს როგორღაც გაფითრებულნი არიან (სიჩუმე).

**პაპა.** კიდევ რაღაც ხმაურობა მომესმა!

**ქალიშვილი.** არათფერია!... გულხელი დავიკრიფე და იმის ხმაურობას გაიგებდით (სიჩუმე).

**პაპა.** ეხლა?

**ქალიშვილი.** არ ვიცი, მგონი, ცოტათი ჩემი დები კანკალებენ.

**პაპა.** ჩემო პატარებო! მეც რილასიც მეშინიან (ფანჯარიდან მთვარის შუქი შემოდის და მთხს უცნაურად ანათებს. საათი შუადამეის დაჭკრავს. უკანასკნელად რომ ჩამოჭკრავს, გარკვევით ისმის ისეთი ხმაურობა, თითქმის ვიღაც თავის ადგილიდან სჩქარათ წამოდგათ.)

**პაპა.** (შიშისაგან კანკალებს) ეს ვინ წამოდგა?

**ბიძა.** არავინაც არ წამომდგარა.

**მამა.** მე არ წამომდგარვარ.

**სამი ქალიშვილი.** არც მე ამდგარვარ... არც მე... არც მე..

**პაპა.** აქედან ვიღაც ადგა.

**ბიძა.** სინათლე! (მარჯვენა ოთახიდან უცებ შეშინებული ბავშვის ტირილი მოისმის. ტირილი მჩქმედების გათავებად ისმის და მასში თანდათან მეტი შიში გამოიხატება).

**მამა.** გესმით? ბავშვი!

**ბიძა.** თავის დღეში ხმა არ ამოუღია!

**მამა.** წამოდით, ვნახოთ!...

**ბიძა.** სინათლე! სინათლე! (ამაჯ წუთს მარცხენა ოთახიდან ჩქარი ნაბიჯის ხმა მოისმის. შემდეგ სმარისებური სიჩუმე ჩამოვარდება. უველანი შეშინებული და თავზარ-დაცემული ეურს უგდებენ. მერე უცებ მარცხენა კარები ნელა გამოიღება; იქიდან ოთახში ნათელი შემოაშუქებს და დიკრეკად შავად ჩაცმული სათნოების დაჟ გამოჩნდება, რომელიც თავსა ღუნავს და ზირჯვარს იწერს; ამით ოთახში მეოფთ დედაკაცის სიკვდილს ატყობინებს... ოთახში მეოფნი მიხვდებიან... ჯერ თავზარ-დაცემული ეოემანობენ, მაგრამ ცოტახნის შემდეგ გარდაცვალებულის ოთახისკენ მიდიან. ბიძა სამ ქალი-შვილს ოთახში ზრდილობიანად შეუშვებს და თვითონაც უკან მიჭყეება. მარტოდ დაჩენილი ბრმა ზეზე წამოდგება და ხელების მაგიდის გაკშემა აფათურებს.)

**პაპა.** სადა ხართ? სადა ხართ? მარტოდ-მარტოდ ამტოვეს!



# სხვათა შორის

მოთხრობა.

(ალექსი კაკალაშვილის ნაამბობი).

## I

... ქალაქ დანიავებულის სასაფლაოზე, — დაიწყო, სხვათა შორის, ალექსიმ, — ხელ-მარცხნივ, პაწია გორაკის ძირში, ორ მდიდრულ მატურით მორთულ საფლავთა შუა ობლათ გამოიყურება მესამე საფლავი. ამ სამარეს ლურჯათ შეღებილი უბრალო ქვა ადევს და ზედ მრუდე ასოებით აწერია: „ამა ლოდსა ქვეშე განისვენებს მონაღვთისა კირილე იაკინთეს ძე ფიჩხაშვილი. გარდავიცვალე 189... წ. ნოემბრის თექვსმეტსა დღესა, შობილდგან ოცდა თვრამეტის წლისა. წამკითხველნო, შენდობა მიბრძანეთ“.

არ ვიცი, რათ, — მაგრამ, როდესაც-კი მომიხდებოდა ხოლმე ამ სასაფლაოზე ყოფნა, ყოველთვის ვნახულობდი ფიჩხაშვილის სამარეს, დიდხანს დავსცქეროდი უწვრთნელის ხელით ქვაზე ამოჭრილ ასოებს და, ათასგვარის ფიქრებით გარემოცული, ჩემდა უნებურათ ვბუტბუტებდი ხოლმე: „ღმერთმან შეგინდოს შეცოდებანი“-მეთქი.

მე არც მღვდელი ვარ, არც დიაკონი, მაგრამ სასაფლაო იმათზე ნაკლებ არ მიზიდავს. ცხოვრების სიავითა და წვრილმანობით გაბოროტებული, ხშირათ წამოვავლებ ხოლმე ქუდს ხელს და დაბარებულოვით სასა-

ფლაოზე მივეშურები. მიყვარს ეს მკვდართა ქალაქი!! იგია ერთად-ერთი ადგილი, რომელიც ყოველთვის მამშვიდებს და შაგონებს ჩვენს არარაობას, ჩვენს წუთი-სოფელს: ერთერთ საფლავის ქვაზე ჩამომჯდარი ხშირ-ბინდამდის გავყურებ ხოლმე სასაფლაოს და ჩემი აზ-ვირთებული გულის-თქმა ნელ-ნელა წყნარდება, ღმო-ბიერდება და თითქო ვურიგდები კიდევ ჩემ ბედს.

მართალია, ადამიანთა უსწორ-მასწორო ცხოვრებას სასაფლაოს გარეგნობისათვისაც დაუმჩნევია თავისი კვა-ლი, აქაც სიმდიდრე და სიღარიბე სუფევს: ძვირფასის ძეგლ-მატურების გვერდით ნაღვლიანათ გამოიყურება უბრალო საფლავის ქვები ღარიბთა მიცვალებულებისა; აქაც შეამჩნევთ ერთისაგან მეორის დაჩაგვრას, ნახავთ, რომ დიდებულ მოაჯირს, ყვავილებითა და სჯროთი მორ-თულ ერთის სამარეს სრულიად დაუჩრდილავს უპატრო-ნო სამარე მეორისა. მაგრამ თვით დედა-აზრი სასაფლაო-სი,—ის გარემოება,—რომ მდიდარი და ღარიბი, წარ-ჩინებული და მდაბიო, მილიონერი და გლახაკი, ყველა, ერთ ბედს სწევნიან და ამ ერთ ციდა ადგილაზე მტვრათა ქცეულან,—გავიწყებთ ზედამჩროთა გაუტანლობას და გულ-დამშვიდებით გაფიქრებინებთ, რომ, დღეს თუ არა, ზვალე მაინც, შენც გვერდით მოუწევები ამ მიცვალებუ-ლებს და დანაცრებულ სასაფლაოს გააპოხიერებ.

— მაშ რა არის ადამიანი, რა არის ცხოვრე-ბა? ეკითხები შენ თავს და დიადი საიდუმლოებით თავზარ დაცემულს სუნთქვა გეხუთება, ურჩი გონება გიჩლოუნგ-დება, გული გეკუმშება, ძარღვებში სისხლი გეყინება და სახეზე ნაღვლიან ღიმილ-გადაკრული შენდა უნებურათ ჰფიქრობ: არარაობა, არარაობაო!..

— მაშ რაღა გაბობოქრებს, ადამიანო! რათა ხარ გულზვიადი, ცრუ, მატყუარა, ბატონი, მონა, მდიდარი, ღარიბი? კვლავ ეკითხები შენ თავს, პირში ნერწყვ-გამშრალი: და სამარეებს უფრო და უფრო აცქერდები. საფლავნი კი სდუმან, სდუმან უდიერით, ურჩობენ პასუხის მოცემას, და შენც სდუმხარ და თვალე-დაღებულნი ზედ-მეტად შესაბრალისი ხარ, ვიდრე ისინი, რომელნიც მშვიდათ განისვენებენ უზარმაზარ ლოდების ქვეშ, ცივს მიწაში!.. საღლაა მაშინ შენი ამპარტავნება, შენი „მე“? იგი მარტო ბაქიაობათ, მარტო თავის მოტყუებათ-ღა გეჩვენება!..

— შენ ბალახი ხარ, მოვა ვირი და მოგძოვსო! — გამახსენდა ცინიკური ახსნა ჩემის არსებობისა, ერთის ჩემის მეგობრისაგან განმარტებული, და მწარეთ გამეცინა.

ახლაც სასაფლაოზე ვიყავ, ფიჩხაშვილის სამარესთან, მაღალ ბალახებში წამოწოლილი, და ჩვეულებრივით ვფიქრობდი...

— დიდი ხანია, აქა ხართ? — შემეკითხა მაშო, რომელიც ჩემდა შეუმჩნევლათ თავზე წამომდგომდა.

ადამიანის დანახვამ, ჩემი ადამიანობა, ჩემი „მე“ კვლავ გამახსენა და თვალის დახამხამებაზე ხორცი შევისხი, აზრები მოვიკრიბე, გულმა სიამოვნებით ცემა დამიწყო და ჩემკენ გამოწვდილი მაშოს ფუნთუშა ხელი მაგრა ჩამოვართვი...

მართლა, ჯერ შენ ხომ არ იცი, რომ ამ რამდენიმე წლის წინათ ჩემი ყოფნა, ჩემი სულიერი და ხორციელი მდგომარეობა ძალზე შეიცვალა.

ახლათ სწავლა უამთავრებელი დიდის რიხიძე ჩაკები ცხოვრების ფერხულში, მაგრამ ის, რაც მესწავლია და



წამეკითხა, ცხოვრებისათვის გამოუსადეგარი აღმოჩნდა და ნელ-ნელა დავეგორდი ოცნების მთიდან.

პირველ ხანებში, ცოტა არ იყოს, ვუმკლავდებოდი მიწიერ გულის-თქმათ, მაგრამ უბრალო მომაკვდავმა ბრძოლას ველარ გავუძელ და მეც იმ გზას დავადექ, რა გზასაც უმრავლესობა ადგია... გაჩინოვნიკდი, ყოვლადკეთილ-საიმედო ჯამაგირს კარგს ვიღებ, შწოიან ახალგაზღვას გასათხოვარი თუ გათხოვილი ქალები თავს მევლებიან და, განგებ დაბრმავებულ-დაყრუებულნი, მეც ისე ვატყუებ ქვეყანას, როგორც მე მომატყუა ცხოვრებამ. მართალია, ათასში ერთხელ სინიდისი მქეჯნის ხოლმე, მაგონებს-რა ქაბუკურ წმინდა იდეალებს, ვგრძნობ ხოლმე, რომ ყველაფერი ჩემი სიმხდალის ბრალია, მაგრამ ამ დროს ან ლობე-ყორეს ვედები, ან არა და სასაფლაოზე გავრბივარ ჩემის არარაობის გასათვალისწინებლათ. ერთის მხრივ, დიდი უბედურება კია ასეთი ყოფნა!..

ჩემის გაჩინოვნიკების დროს მაშოსაც დიდი უბედურება მოსვლოდა: საყვარელი ქმარი მოჰკვდომოდა და მის სამარის სანახავათ ხშირათ უხდებოდა სასაფლაოზე სიარული. მძიმე შავებით მოსილი მიუჯდებოდა. ხოლმე ფიჩხაშვილის სამარის მარჯვნივ მდგომარე მატურს და ქვაზე თავის-წყვეტებით დიდხანსა სტიროდა...

პირველათ ყურადღებას არ ვაქცევდი მაშოს, მაგრამ, ერთი-ორჯელ მისი ნამტირალევი თვალები რომ შეხვდნენ ჩემსას, რაღაც სითბომ დამიარა სხეულში და მას შემდეგ გულ-გრილათ ველარ ვუმხერდი მაშოს ტანჯვას. ალბათ, ქვრივიც ხედავდა ჩემს მისდამი თანაგრძობას და, მადლობის ნიშნათ, ნალვლიანათ მათვალიერებდა ხოლმე.

ერთხელ, ტირილით დაოსებული მაშო დიდხანს იყო მატურის კვარცხლობეკზე დამხობილი. შემოღამდა ხალხის ფეხის-ხმა მიწყდა. სასაფლაოს დარაჯებიც კი აღარსადა სჩანდნენ. საშინელმა სევდამ და სიჩუმემ მოიცვა მთელი სასაფლაო. მე გულმა კვნესა დამიწყო, — შემებრაღა მგლოვიარე ქალი და, როგორც იყო, გავბედე მასთან მისვლა.

— აბრძანდით, ქალბატონო! მეტის მწუხარებით რას მოუმატებთ-მეთქი. — ზრდილობიანათ ვუთხარი მაშოს და ხმა ამიკანკალდა... იმუამად გულწრფელათ თანავუგრძნობდი მაშოს უბედურობას.

მაშო შეკრთა, მწარეთ დაიგმინა და ქვითინით წარმოსთქვა:

— ოხ, რომ იცოდეთ, რა უბედური ვარ, რა უბედურიო?!.

— რას იზამთ, ბატონო, სიკვდილი ყველას თავს არის-მეთქი, გულმტკივნეულათ ვანუგეშე იგი და ვურჩიე შინ წასულიყო.

მაშო ხმა-ამოუღებლივ წამოდგა, ერთხელ კიდევ დააშტერდა მატურზე მარმარილოსაგან გამოქანდაკებულ ანგელოზს, „ვაი-მეო!“ წაილულლულა და გამოტრიალდა. მგონი, მხოლოდ მაშინ შენიშნა მაშომ, რომ დახშირბინდებულიყო. ერთხანს შესდგა, ცრემლით სავსე თვალები შიშით შემოავლო მიდამოს და სახის ისეთი შემადრწუნებელი გამომეტყველება მიიღო, რომ მე უნებურათ ავედევნე და სასაფლაოს ალაყაფის კარებამდის მივაცილე. აქ მაშო ჩაჯდა ეტლში, მადლობის ნიშნათ თავი მორცხვათ დამიკრა, შავი ძაძა სახეზე გადმოიფარა

და გასწია. მეც გავუდექ ჩემ გზას. ამ დროს ვფიქრობდი კაცთა ურთიერთობაზე, სიყვარულის უკვდაობაზე და ბედნიერათა ვგრძნობდი ჩემ თავს, რომ დაობლებულ-შეყვარებულს სასაფლაოს-მიერ ღამით აღძრული შიში მაინც არ ვაგრძნობინე.

## II.

მე და მაშო უკვე გავეცანით ერთმანეთს და არ ვიცი, განგებ თუ შემთხვევით, სასაფლაოზე სიარულს უფრო მოვუხშირეთ. მაშო ჩვეულობრივ თავ-ჩალუნული სტიროდა ხოლმე ქმრის მატურთან, მე კი ფეხ-აკრეფით დავხეტიალობდი ახლო-მახლო საფლაფთა შორის და, ცალი თვალით რომ წარწერებსა ვკითხულობდი, მეორეთი—გეშათ გავცქეროდი ხოლმე მაშოს. რათ მემართებოდა ასე, გადაჭრით ვერ გეტყვი, მაგრამ ჩემი მისდამი მისწრაფება, მარტო მაშოს მგლოვიარობის ბრალი აღარ უნდა ყოფილიყო!..

არც მაშო დარჩენილა უცვლელათ. თუ-კი თვალს შემასწრობდა, როდესაც მე მას ვუყურობდი, ისე გაიღიმებდა ხოლმე, გეგონებოდა მოღრუბლულმა ცამ გამოიღარაო. მისი ამგვარი ღიმილი გამბედაობას მიმატებდა და თამამად გამოველაპარაკებოდი ხოლმე.

— ნუ სწუხდებით, ყმაწვილო, მე ველარაფერი მანუგეშებსო, — მალი-მალ მეტყოდა ხოლმე მაშო, როდესაც მთელის ჩემის ძალ-ღონით ვცდილობდი გამომეფხიზლებინა იგი, მენ-უგეშებინა. მაგრამ, რაც დრო გადიოდა ჩვენ ურთიერთობას რაღაც სიახლოვე ემჩნეოდა. ერთმანეთის შეხვედრა, ერთმანერთან საუბარი მოთხოვნილებათ გარდაგვექცა. და ბოლოს დაეძმობილდით კიდევ. დაძმობილება კი ჩემი აჩქარების ბრალი იყო!

„ერთხელ ისე გამიტაცა მაშოსთან ლაპარაკმა, ისეთი აღტაცება მაგრძნობინა მისმა ნაწვიმარმა ეუუუნათვალეზმა, რომ უნებურათ მკლავი მკლავში გავუყარე და გატაცებით შევაშტერდი სახეში... მაშო აღვის ხეშავით შეირხა, წყნარის მოძრაობით მოიშორა ჩემი ხელი და ცოტა წამოწითლებულმა, მგონი, საყვედურის თვალით შემომხედა. მისი ეს მოძრაობა, მართალია, წუთიერი იყო, მაგრამ მე ლახვარივით მომხვდა გულში და მაფიქრებინა, რომ უდიერათ, შეუსაბამოთ მოვიქეცი. რითი უნდა გამესწორებინა ჩემი საქციელი, აღარ ვიცოდი! თავდახრილი ერთხანს უსიტყვოთ ვიდექი მაშოს წინ და ჯოხით მიწასა ვჩიჩქნიდი.

— რალას გაჩუმდით, ყმაწვილო? დაარღვია სიჩუმე ისევ მაშომ.

— არაფერს!... მგონი, თქვენ შეურაცხყოფათ მიიღეთ ჩემგან ხელის შეხება... ღმერთს გეფიცებით, დასავით გიყურებთ-მეთქი!— წამოვისულელე და ყურებამდე გაწითლებულმა თავი უფრო ძირს დავინარე.

— თქვენისთანა ძმის ყოლა დის სიამაყეაო!—ღიმილით მითხრა მაშომ და ისეთი თვალით შემომხედა, რომ წუმწუმასავით ავენთე. ამ წუთას მომწყურდა მისი გადაკოცნა და, მისი სამუდამოთ დაკარგვის შიშიც რომ არ აღმძვროდა, მარწყვივით გადავკლაპავდი მაშოს გიშერათვალეზს.

— მაშ, შენ დაე და მე ძმა-მეთქი!—არ ვიცი, რისთვის წამოვროშე და მაშოს ხელი გავუწოდე.

— ძალიან სასიამოვნოაო!—ღიმილითვე მიპასუხა მაშომ, ხელი მაგრა ჩამომართვა და განშორდა... შინ მიეშურებოდა.

მე კი დიდხანს ვიდექ ერთ ადგილს და, ნაგრძნობ-  
ნალაპარაკევით თავს-ბრუ დასხმული, ვბუტბუტებდი:

რაცდენ სისულელეს ჩმახავს-მეთქი ტვინ-ამღვრეული  
ადამიანი!

### III

გავიდა რამდენიმე დღე: სამსახურისა გამო სასა-  
ფლაოზე წასასვლელათ ველარ ვიცლიდი; მაშოს ველარა  
ვხედავდი, მაგრამ მასზე ფიქრი კი თავიდან არა მშორ-  
დებოდა.

ახლა ის იქ იქნება... ახლა ის ტირის... საწყალი  
ქალი, საწყალი-მეთქი! ვბუტბუტებდი ხოლმე და თან  
გაჩქარებით „ДЬЛО“-ებს ვათვალიერებდი.

უცბათ, „საქმეების“ ფურცელსა და ფურცელ შუა  
გამომეცხადებოდა ხოლმე ჩემის დობილის სურათი და  
რამდენიმე ხანი შეშმიშვირთა ვხდებოდი, რალაც ტკბილსა  
და თან მწარე გულის ტკივილსა ვგრძნობდი. მებრალებოდა  
თუ მიყვარდა ისა? — არ ვიცი, ღმერთმანი! ეს კია, რომ  
ჩემ ფიქრსა და ოცნებას შეუბრალებლათ ჰბორკავდა მა-  
შოს მშვენიერი სახე, ჯეირანივით მოღერებული ყელ-  
ყური, ზღვასავით მღელავი მისი გედისებური მაღალი და  
ფართო გულ-მკერდი, ლერწამას კონასავით შეკრული  
ტანი, ცრემლით დანამული მისი შავი ჯილა თვალები  
და... მთელ სხეულში ნეტარების ჟრუანტელი მივლიდა!

იმ დღეს, რა დღიდანაც ჩემი ამბავი იწყება, დი-  
დი უსიამოვნება შემხვდა ჩვენის უფროსისაგან: რალაც  
უმნიშვნელო მიწერ-მოწერა მომთხოვეს, ბევრი ვეძებე,  
მაგრამ ხელათ ვერ ვიპოვნე. ჩემი უფროსი გაცოფებული  
ღრიალებდა და ყველას ლანძღავდა. წვრილმან მოხე-  
ლევებს კინალამ თავი მაგიდაზე არ უცეცქეა, ხოლო მე,

როგორც სტოლის უფროსს, საჯაროთ საყვედური გამომიცხადა და მითხრა, რომ, თუ ამ ცოტა ხანში დასახელებულ ქაღალდებს არ იპოვნი, უფროსობას წაგართმევო. რაღა მეთქმოდა? ვირთაგვასავით შევძვერ სტოლის უჯრებში, ასი და ორასი „მწიგნობები გადავშინჯე, სამი ლიტრა მტვერი ჩავყლაპე, ოთხი ლიტრა სისხლი დავღვარე და, როგორც იყო, ვიპოვნე ის ბედ-უკუღმართი ქაღალდები. გულ-მოსულმა ბღვერით გადავხედე ჩემ ხელ-ქვეითებს და ოფლში გაწურულმა, უფროსის კაბინეტისაკენ გავწიე.

მათი კეთილშობილება მოქურუშებული მისჯდომოდა ძვირფასს მაგიდას და რაღაც ქაღალდებს ათვალიერებდა.

— აი, ბატონო, ის „პერეპისკა“-მეთქი! — წავიბურტყუნე და დამცირებულის ღრეჯა-ღამილით ქაღალდები გავუწოდე.

უმფროსმა აღმაცერათ გადახედა ქაღალდებს, უკანვე გადმომიყარა და მითხრა.

— საჭირო არა ყოფილაო!

ამის გაგონებაზე სისხლი თავში ამვარდა. ერთით, მზათ ვიყავ თავზე გადამეფხრიწნა მისთვის ეს ქაღალდები, მაგრამ თავი შევიკავე და მთლად აცახცახებული უკან გამოვბრუნდი... ადგილის დაკარგვამ შემაშინა! კანცელარიაში რომ შევედი, ჩემი გადამწერლები საფანტონაკრავ ჩიტებივით ქაქანებდნენ და სახეზე შემოხედვას ველარ მიბედავდნენ. ნაღვლიანათ გადავხედე მათ, და გული მომიკვდა, რომ ყველა ასე მშიშარა და დაბრიყვებული იყავით.

ლუკმა-პურის მონა და სხვის ხელის შემაყურებელი ადამიანი, ზიზღისა თუ არა, სიბრაღულის ღირსი მაინც არის!..

სამსახურში დიდ-ხანს გული ველარ მოვიბრუნე და, რადგანაც მეცადინეობის გათავებამდე კიდევ ბევრი დრო იყო დარჩენილი, თავის ტკივილი მოვიგონე და შინსკენ გამოვწიე.

ამგვარ ყოფნაში კარგია მეგობარი, დამამშვიდებელი, და ნასადილევს სასაფლაოსკენ გავწიე. მაგრამ, მაშო რომ იქ არ დამიხვდა, მძოვრთა შორის ყოფილის ადამიანებისა, მეც, ცოცხალმა მძოვრმა, მწარე ფიქრებს მივეცი თავი...

აი, ამ დროს მოსულიყო ჩემთან მაშო.

— დიდი ხანია, აქა ხართო? — კიდევ გაიმეორა მაშომ და ფიჩხაშვილის საფლავის ქვაზე ჩამოჯდა. მეც გვერდით მოვუჯექ.

— კარგა ხანია-მეთქი, — ვუპასუხე მოკლეთ და დავუმატე.

— თქვენ ახლა მოხვედით? თუ ხატრი გაქვთ, ბევრს ნუ იტირებთ, დღეს ველარ ვუყურებ თქვენ ცრემლებს, უიმისოდაც გულ-ამღვრეული ვარ-მეთქი. — ეს სიტყვები ჩემდა უნებურათ წამომცდა და, რომ მაშო არ გაჯავრებულიყო, მოწიწებით შევხედე.

— მე, უკეთურმა, ტირილით რომ ველარა ვუშველერაო! — ნაღვლიანათ სთქვა მაშომ და ჩაფიქრდა. ცოტა ხნის შემდეგ აღერსიანათ გადმომხედა და გაუბედავათ მკითხა:

— რათა ხართ გაჯავრებულიო?

ისეთის უცნაურის, არა-ჩვეულებრივის კილოთი იყო წარმოთქმული ეს სიტყვები, ისეთი სიტკბო და თანა-

გრძნობა იხატებოდა მაშოს ხმაში, რომ მე გუღმა აჩქარებით ცემა დამიწყო.

— ნუ-თუ?.. დავეკითხე ჩემ თავს, მაგრამ წამს ნათქვამი თავიდან მოვიშორე და აღელვებულის ხმით ვუამბე ჩემი იმდღევანდელი გაბოროტება. გულისწყრომით მოვიხსენიე ადამიანთა ურთიერთობა, გაუტანლობა და ძალ-მომრეობა, გავკიცხე ლაჩართა უმსგავსობა და ის გარემოება, რომ კაცი, ადამიანი, მონაა ჩვეულებათა და არ ძალუძს დასთრგუნოს, გაექცეს მის შემავიწროვებელ ცხოვრების პირობებს...

— რას იზამთ? ცხოვრება ასეთია! ნაღვლიანათ იმეორებდა მაშო ერთსა და იმავე წინადადებას და თან გატაცებით ყურს მივდებდა. ხოლო, როცა ლაპარაკი გავათავე და გამწარებით ხელი ჩავიქნიე, მაშომ აღერსიანათ მხარზე ხელი დამკრა და ახლა იმან დამიწყო ნუგეშინის-ცემა.

— ნუ თუ?— კიდევ გამირბინა თავში უცნაურმა აზრმა და სიამოვნებით თვალები მივლოლე. იმ დროს ჩემი თავი გმირათ წარმოვიდგინე და მაშოს სიახლოვით გამხნევებულს გული სასიცოცხლოთ მიცემდა. სიჩუმე ჩამოვარდა. მე ვიგრძენ ჩემში რაღაც ახალი ძალა და აღფრთოვანებული ენას ვეღარ ვიბრუნებდი. მაშოც თრთოდა, ლაპარაკს ვერ ახერხებდა...

— მე მინდა ეს მატური შევაკეთებინო და თქვენ რას იტყვიან?— როდის, როდის დაარღვია მაშომ სიჩუმე და თავისს ქმრის ძეგლზე მიმითითა.

— მე რა მეთქმის, თუ კი თქვენა გნებავთ-მეთქი.

— მაშ კარგი, რახან თქვენც საჭიროთ ხედავთო...  
ალარ დაათვა სიტყვა მაშომ.



სწორე გითხრა, გავკვირდი, რომ ჩემ თანხმობაზე ყოფილა დამოკიდებული მაშოს გარდაწყვეტილება, და, რომ ველარა მოვახერხე-რა, ღიმილით ვუთხარი:

— გმადლობთ-მეთქი—ყურადღებისათვის!

— თქვენ ძალიან დიდი ამაგი დამდეთ—ღაიწყო მაშომ.— თქვენ რომ ჩემ უბედურებაში თანაგრძნობა არ გამოგეჩინათ, ვინ იცის, რა დამემართებოდა... თქვენ ჩემი უპირველესი მეგობარი ხართ და განა თქვენი აზრი არ უნდა შეინტერესებოდეს?—დააბოლოვა მაშომ და ახლა უფრო ალერსიანათ შემომხედა.

მე გული ბუტიდან გადმომიფრინდა, თვალთ დამიბნელდა და მესამეთ კიდევ გამირბინა თავში იმ აზრმა, რომელსაც თურმე დიდხ ხანია გულით ვატარებდი:

— ნუ-თუ მაშომაც შემეყვარა?.. ნუ თუ ველირსები ამის ეუუუნა თვალების დაკონებასა-მეთქი?.. გავიფიქრე და სულ მთლად ავირიე. არ ვიცოდი, როგორ გამემჟღავნებინა მაშოსათვის ჩემი გულის-თქმა. შიში მისი დაკარგვისა და ნეტარება მისი სიახლოვისა, გამოურკვეველი აწმყო და იმედი მომავალისა—ქირის ოფლში მაგდებდა, ენას მიბამდა.

მაშოც კი არ იყო თავისს გუნებაზე. ხან ფითრდებოდა, ხან მაისის ვარდივით ლაყლაყდებოდა. ეტყობოდა, რაღაც ბრძოლა იყო მის გულშიც.

არის ხოლმე ქალ-ვაყის ისეთი მდგომარეობა, როდესაც ვერც ერთი ენას ველარ იბრუნებს და ლაპარაკის საგანს ველარ პოულობენ. ჩვენც ასე მოგვივიდა. პირზე კლიტე დაგვედო და დამუნჯებულნი დიდ ხანს ჩუმათ ვისხედით.

ბინდდებოდა, სასაფლაოს წყვდიადი ეფინებოდა.

— საწყალი ფიჩხაშვილი! — როდის, როდის დაარღვია სიჩუმე მაშომ და ბროლის თითით ქვაზე ამოჭრილ ერთ-ერთ ასოს გასუფთავება დაუწყო.

— განა თქვენ იცნობდით ამ ვაჟსა-მეთქი? — სიხარულით ჩამოვართვი სიტყვა მაშოს. გამეხარდა, იმიტომ რომ ხშირათ ადამიანის ხმა ისევე ჰფანტავს მხეცურ ფიქრებს, როგორც განთიადი — ღამის წყვდიადს.

— როგორ არა! ჩვენ სარდაფში დალია სული. საწყალმა ჩემმა ანდრომ უპატრონა უკანასკნელ დღეს... მართლა, იცი რა უნდა გთხოვოთ? — გადააბრუნა სიტყვა მაშომ, — თუ შეიძლებოდეს, მოდიოთ ჩვენთან და ანდროს წიგნები გადაშინჯეთ. მე იმ წიგნებისა არა მესმის-რა და ტყუილათ აცდებთან, გავყიდი მაინც... იქნება, ამ წიგნებში ფიჩხაშვილის დღიურიც იპოვოთ, სადაც დაწვრილებითაა თურმე აწერილი მისი თავ-გადასავალი... — ამ სიტყვებით მაშომ თავის სადარბაზო ბარათი გამო-მიწოდა და ჯერ მე დასტურიც არ მიმეცა, რომ სახეზე ცხვირსახოც აფარებული უკვე ანდროს მატურთან იდგა.

ისე განმაცვიფრა, ისეთ ფიქრთა ბურანში გამხვია მაშოს. დღევანდელმა მოპყრობამ და ჩვენმა უხერხულმა ნაწყვეტ-ნაწყვეტმა ლაპარაკმა, თვით ჩემი მისწრაფება მაშოსადმი ისეთი ძლიერი და გამოურკვეველი იყო, რაღაც ვერ გეტყვი, ბევრი იტირა. თუ არა მაშომ, ან იტირა-კი? მხოლოდ ის მახსოვს, რომ მთვარემ ორივეს ისევ ფიჩხაშვილის საფლავის ქვაზე მჯდომარეთ მოგვასწრო.

საარაკო ფასკუნჯივით დაილალა ბადრმა მთვარემ შავი ღრუბლები და ქვეყანა საიდუმლოებით აავსო. სა-საფლაოზე დარგულმა ხეებმა, თითქო გაიღვიძესო,

რხევა და ბუტბუტი დაიწყეს. ღამის ნიავი გრძნეულსა-  
ვით დაძვრებოდა ბაღახებსა და ბუჩქებში და მისი ყრუ სისი-  
ნი ძრწოლით ავსებდა იქაურობას. ძეგლ-მატურთა ჩრდილ-  
ები ვეშაპივით გაწოლილიყვნენ საფლავებზე და ისე  
გამოიყურებოდნენ, გეგონებოდათ, თვით მიცვალებულნი  
წამომჯდარან და საყვედურით შესცქერიან მთვარესაო.  
ირგვლივ მყუდროება გამეფებულიყო, მყუდროება უც-  
ნაური, თავ-ზარ დამცემი. რაღაც ყრუ გმინვა და შიში  
დაფარფატებდა მიდამოში, გეგონებოდათ, მიცვალებულები  
ოხრავნო. მთვარე კი მიცურავდა ფეხ-აკრებით და შავ-  
ლრუბლებს სადღაც მიერგებოდა.

მე და მაშო ვისხედით გაუნძრევლათ. შეგვკრა,  
შეგვბოჭა ბუნების სიღიადემ, მისმა უხილავმა ძალებმა,  
რაღაც საიდუმლო და თან ნეტარმა გულის-თქმამ და  
ადგომას ვერ ვახერხებდით. ისიც კი ვერ გავიგეთ, რომ  
ერთმანეთს ძალზე მივეკროდით და მხარი მხარს გადაგვება.

პირველმა მე ვიგრძენ მაშოს სიახლოვე. მისმა ცხელ-  
მა სუნთქვამ ლოყა ამიწვა და უნებურათ სახეში ჩავაც-  
ქვრდი... ქალის სიახლოვემ, ჩემ გულში დაგუბებულმა  
ძალამ სიცოცხლისამ ფუჩეჩივით ააპრიალა მთელი ჩემი  
არსება. ბუმბულივით ამიტაცა გულიდან წამონაბერმა  
ვნებათა-ღელვის ქარიშხალმა... გატაცებით მოვხვიე ხელი  
მაშოს და თავდავიწყებით დავეკონე იმის მაყვალა თვა-  
ლებს... მაშოც ჩაღნა ამ კოცნაშრ და თავისს გახურე-  
ბულის ტუჩებით ჩემს ტუჩებს ეძებდა... მთელი იქ მყოფი  
მიცვალებულები წივილ-კივილითაც რომ წამოშლილიყ-  
ვნენ, გონზე მაინც ვერ მოგვიყვანდნენ, მაინც ვერ დაგვა-  
თმობინებდნენ ამ ნეტარ კოცნასა!

ალარ მახსოვს, რამდენ ხანს ვიყავით ამ თავდავიწ-

ყებაში, ხოლო, როცა გამოვეფხიზლდით, შეშლილებივით წამოვცვინდით და ხელი-ხელ ჩაკიდებულნი თავქვე დავეშვიტ. მე შემრცხვა, შემეშინდა ანდრიას ძეგლისა. ალბათ ასევე მოუვიდა მაშოსაც, მოვრბოდით გამალეზულნი, უკან მიხედვას ველარა ვბედავდით. ასე მეგონა, მკვდრები ხარხარებენ, ხოლო ანდრია კი ნალვლიანათ მოგესძახის-მეთქი:

— აი, თქვე მხეცებო, მხეცებო!

გული მხოლოდ მაშინ დავიმშვიდე, როდესაც გადახურულ ეტლში ერთხელ კიდევ დავეკონე მაშოს მარჯანა ტუჩებს და აღვზნებულის ხმით ჩავჩურჩულე:

— მკვდრებს სამარე, ცოცხლებს კი დღეგრძელობა და სიამოვნება-მეთქი!... მაშოც რაღასაც ლულულულებდა.

#### IV

მთელი ორი-სამი თვე მე და მაშომ თავდავიწყებაში გავატარეთ. გარეშე ერთმანეთის აღერსისა ჩვენთვის აღარა სუფევდა-რა. აღარც სასაფლაო, აღარც ანდროს ხსენება, აღარც ფიჩხაშვილის თავგადასავალი, არც მზე და არც მთვარე, აღარაფერი აღარ გვეყურადლებებოდა. „ძმობილმა უთხრა დობილსა, მოდი შემოწექ ლოგინსაო!“ — გრძნეულსავით გადიხარხარებდა ხოლმე მაშო და უზრუნველი ბავშვებივით ერთი ოთახიდან მეორეში დავრბოდით, დავკისკისებდით.

ხალხმა, მეზობლებმა დანიშნულებათ მიგვიღეს და, თუმცა ბევრი მანდილოსანთაგანი ბალიახტომში იღებდა (სწევდიდა) მაშოს ქმრის მალე დავიწყებისათვის, მაგრამ მაინც ბედნიერებათა გვთვლიდნენ. ჩვენ კი გვეჯავრებოდნენ ის ხილხი, რადგანაც მათი ცნობის-მოყვარეობა, ცოტა არ იყოს, გვავიწროვებდა. იმჟამათ, ჩვენ გარდა,

ყველა რომ ამოჟღერდებოდა, არას ვინაღვლებდით!..

ახლა რომ ვუკვირდები ჩემს მაშინდელ ყოფნას, სარცხვილის აღმური მწვამს და ჩემ თავს ვუდარებ იმ ოთხფეხს, რომელიც ყარაულობს ხოლმე თავის ძუს! ადამიანი?!. ყოველ-პირუტყვზე უარესია, თუ კი იგი აპყვავთ თავის მხეცურ გულის-თქმას!! — ხორციელათ გატაცებულნი, მე და მაშოც, ვერიდებოდით ნათელ აზრს და აწმყოთი დარეტიანებულებს ერთხელაც არ გვიფიქრნია მომავალზე. მაგრამ დროთა სვლამ თავისი გაიტანა, საზოგადოებრივმა გრძნობამ ანგარიში მოგვთხოვა და, როდესაც დაგვიდუღდა ამღელვარებული სისხლი, როდესაც თვალიდან ჩამოგვეხსნა პირველ გატაცების რიდე, მხოლოდ მაშინ ვიგრძენით, რომ ჩვენ შუა საშინელი უფსკრული ყოფილა, უფსკრული, ერთი მეორის სხვადასხვაობითა და სხვა-გვალობისაგან გამოწვეული. მაგრამ ორკოფი კაცის საქმე, ხომ იცი, საალაღბედოა. იმდენი ვაჟკაცობა ვერ გამოგიჩინე, რომ ერთის დაკვრით ამომეგსო ეს უფსკრული: სამუდამოთ განვშორდებოდი მაშოს, იმის მაცდურ სიყვარულს! მართალია, იყო ხოლმე ისეთი წუთები ჩემ მაშინდელ ცხოვრებაში, როდესაც მზათ ვიყავ მაშო მიმეტოვებინა, მაგრამ ამავე დროს რაღაც სულელური ეჭვი შემიპყრობდა ხოლმე, რაღაც ბრიყვეული თავმოყვარება მიმონაევდა... მაშო კი, დიდი ხანია, გამოფხიზლებულიყო და ნელ-ნელა შენ-ჩემობა, ანგარიშობანა დამიწყო. — ახლა, ჯვარი როდის უნდა დავიწეროთ? — ხუმრობის გარეშე მითხრა ერთ დღეს მაშომ და მწარეთ ამოიოხრა, ზითქო ამითი უნდა ეგრძნობინებინა ჩემთვის, რომ ახლა კი დროა შევუდგეთ ერთ-ფეროვან, მოწყენილ ცხოვრებას, რომელსაც მეო-

ჯახეობა ჰქვიანო.—მართალი გითხრა, მე, დიდი ხანია, მოველოდი ამ წინადადებას, მაგრამ მის გაგონებაზე გული მაინც გადმომიქანდა და ერთის თვალის დახამხამებაზე ჩემი თავისუფალი „მე“, ჩემი გამოფხიზლებული არსება, საწინააღმდეგოთ მოემზადა. ჰო თუ არა—გრიგალივით დატრიალდა ჩემის გულის სიღრმეში და ისეთი თავზარი დამცა უკულმართ მომავლის მოლოდინმა, რომ კინალამ ხარივით არ დავიბლავლე; არა, მე ჯვარის დამწერი არა ვარ-მეთქი!.. მართლაც, განა მე საოჯახო კაცი ვარ? ერთი რალაც მხდალი და უხასიათო ადათიანი, განა შევძლებდი რიგიან მეოჯახეობას, მერე იმისთანა მეუღლესთან, როგორიც იყო მაშო? „ჯვარი დავიწვროთო?“—უდიერათ შითხრა მაშომ და მე კი ამ დროს საშინელი სურათი წარმომიდგა: ერთის მხრივ, ვნებათა-ღელვით გარდაქცეული ცოლი, რომელიც მუდამ გართობაზე, კაბებზე, ცეკვა-თამაშზე და არშიუობაზე ჰფიქრობს, ხოლო, მეორე მხრივ, ქედ-მოხრილი და ჩაფიქრებული ქმარი, რომელიც სულ იმის ზრუნვაშია, რომ გროში გროშზე გადააბას ცოლ-შვილის გამოსაკვებათ. მუდამ წელში მოღუნული, უუკიდურესის სასოწარკვეთილებით შესცქნავის უფროსებს, სამსახურიდან არ დამითხოვონო... ხელ-მოკლე ყოველსავე საზოგადო საქმეს ივიწყებს, უბრთხის... შვილებს მოწიწებასა და მორჩილების ქვეშა ზრდის, ყოველსავე თავისუფალ მისწრაფებას უხშობს ნორჩ არსებათ, თითონაც ემალება სინათლეს და, მთელი დღე პირუტყვივით მომუშავე, ყოველ-გვარ დამცირებას იტანს, რომ ლუკმა-პური, გაძალღებული სიცოცხლე შეინარჩუნოს. არა, არა! მე არ მინდა მუდამ მონა, ქვეწარმავალი ვიყო-მეთქი!— გადავწყვიტე გუნებაში და შევე-

ცადე მაშოსთვის სიტყვა ბანზე ამეგდო, რადგანაც მაშოს კანონიერათ გადამკიდე მისი ყურ-მოჭრილი მონა და ყარაული უნდა შევქმნილიყავ.

— სანამ შეილები მოგვეცემოდეს, ვიცხოვროთ ჯვარ-დაუწერლათ, თავისუფლათ, ვინაიდან მარტო თავისუფალი დამოკიდებულება აფაქიზებს-მეთქი ადამიანს! — როდის როდის ვუთხარი მაშოს და თავი დაეხარე.

— მერე ხალხი, საზოგადოება? ხომ თითოთ საჩვენებელი გავხდებითო! — დაიწუწუნა მაშომ და მადლობა ღმერთს, რომ იმყამათ მეტი არა სთქვა-რა.

— ხალხი, საზოგადოება? — გავიმეორე მე დაცინვის კილოთი და დაეუმატე: მართალია, ჩვენი საზოგადოება, ჩვენი ხალხი ჯერ ისეა დაქვეითებული, რომ თვალთმაქცობა ურჩევნია პირდაპირობას, მაგრამ ჩემის რწმენით კი თავისუფალი პიროვნება უფრო სასარგებლოა ამავე საზოგადოებისათვის და, მოდი, ამ შემთხვევაში ყურს ნუ დაეუგდებთ უფიცთა მითქმა-მოთქმასა-მეთქი.

მაშო გამებუტა. ოჯახურ მონობასა და ცრუმორწმუნოებაში აღზრდილი ვერ შეერიგებოდა საყვარელ კაცთან თავისუფალ ცხოვრებას და ყოველგვარ ხრიკებსა ხმარობდა, რომ ჩვენის ურთიერთობისათვის კანონიერი არშია შემოევლო. — შენი პირადი სიღარიბე ნუ გაშინებს, ჩემო კარგო, მე ხომ მდიდარი ვარ! აი, ეს მოწყობილი ბინა, ეს სახლი და კარი, დავიწეროთ ჯვარი და ბედნიერათ ვიცხოვროთო! — აღარ ისვენებდა მაშო და ჩემს სიღარიბეს, რომელსაც მე, სხვათა შორის, მოვებლაუჭე, თავისს სიმდიდრეს უნაცვლებდა. შეიძლება ბევრმა სულელიც დამიძახოს, რომ არ ვისარგებლე მზა-მზარეულის ქონებით, მაგრამ მაშოს წინადადებას კი მე ძალიან ამაღელვებდა.

უნდა გამოვტყდე, რომ ამჟამათ, როდესაც ყველაფერი უკვე გადახდა, განვიცადე, ჩემი დანიშნულება ცხოვრებაში უფრო ნათლათა მაქვს წარმოგენილი, ზედ-მეტათ მეზიზღება ჩემი მაშინდელი ყოფნა და გულის-თქმანი და, ამდენი რაზმა მცოდნოდა, იმ თავითვე იქნება სულის სიმშვიდეც არ დამეკარგნა. მაგრამ არც მაშინ ვყოფილვარ იმდენათ გათახსირებული, რომ თავი გამეყიდნა და, საზოგადო გარემოებათაგან დამონავეებული, კერძო ადამიანის მონათაც შევექმნილიყავ. მაშოს სახლ-კარი ოდესმე ეკუთვნოდა ანდროს, იმ კაცს, რომელსაც ისე ჰყვარებია თავისი ცოლი, რომ სულ იმის სახელობაზე დაუმდკიცებია თავისი მონაგარი. ეს თითოეული სტოლი, თითოეული სკამი, ოთახის თითოეული კუთხეც კი მოწმე ყოფილა მაშოს ქმრის სულის კვეთებისა, იმის ზრუნვისა, ოცნებისა მომავალზე. მე წარმოვიდგინე ჩემი თავი ანდროს ყოფნაში და ხისხლი ამემღვრა, დამამცირებლათა, და გამათახსირებლათ ვიგრძენ ჩემი აწმყო... არა, არა! მე არ შემიძღვლია დავებატრონო იმას, რაც მარად-ჟამს, შენის ყოფილის ქმრის აჩრდილს გამახსენებს-მეთქი, არასოდეს! — დაფუყვირე მაშოს და სულ მთლად ავკანკალდი. უნამუსობისა და უპატიოსნობის ჭირის ოფლმა დამასხა. მაშოს ხმა აღარ გაუცია, უარესათ გაიცხვირა, ბუზღუნსა და ტირილს მოუმატა. იმისი აზრით, მე ვიყავ დამნაშავე, რომ იგი გზიდან გადავარდა, ქმრის ხსენებაზე ხელი აიღო.

— ნუ თუ?-მეთქი, ვეკითხებოდი ჩემ თავს, ჩემს წინილისს, მაგრამ სინილისი ხმას არა მცემდა და ვგრძნობდი კიდევ, რომ ჩვენ დაახლოვებაში მეც იმდენად ვი-



ყავ დამნაშავე, რამდენათაც თვით მაშო. უკეთ რომ ვსთქვა, არც ერთი არ ვიყავით პირდაპირი დამნაშავე... ხორცს ხორცი მოეწონა და ამ მოწონებამ, ამ გატაცებამ ერთხანს დაჩრდილა, დააჩლუნგა ჩვენი გონება ხოლო, როდესაც გამოვფხიზლდი, ჩემმა შემცოდე გულის თქმამ მაშოსთან თავისუფალი, პატიოსნური ურთიერთობა მირჩია.

— ნუ სტირი, გეთაყვა, ჯვარის-წერა ადამიანს არ გამოსცვლის... შენ შენი თავის ბატონი იყავ, მე ჩემის თავისა და ჩვენი შემაერთებელი კი სიყვარული და ერთგულება იყოს. ასე უფრო დამოუკიდებელნი ვიქმნებით და, თუ ვინიცობაა, შემდეგში ვერ შევთანხმდით, ორივეს გზა ხსნილი გვექნება: იქნება ხასიათები ვერ შევეუწყეთ ერთმანეთს, იქნება კიდევ მოგეწონოს ვინმე და მაშინ საჯლა მოვნახოთ ისეთი მოწმები, რომელთაც უექველათ მრუშობის სარეცელზე უნდა გვნახონ მეთქი! — ხუმრობის კილოთი დავაბოლოვე ჩემი გრძელი სიტყვა და თან სასაცილოთ ვიღმბიჭებოდი, მინდოდა მაშო გამეცინებინა. მაშო კი ისე სტიროდა... ოხ, ეს ქალის ცრემლები!! რაც უნდა არ მოგწონდეს ქალი, თუ მთლად გამხეცებული არა ხარ, მისი ცრემლები მაინც გაღბობენ და შენდა უნებურათ საალერსო სიტყვებს გამოგტყუებენ. მაშო კი ჯერ ისევ მომწონდა, მიყვარდა, როგორც დაუმტკნარი იის თაიგული. მისი მხსნელი მისივე თვალ-წარმტაცი გარეგნობა იყო!

— ჰო, კარგი, ნუ სტირი!.. როცა იქნება, ჯვარსაც დავიწერთ, შეილებს ხომ უკანონოთ, ბოგანოთ არ დავტოვებთ-მეთქი! — დავემორჩილე მაშოს.

— თვალმც გამოხეთქიათ შენს შეილებს... მე

შვილები არ მეყოლება, არა!.. ზომები მაქვს მიღებული მე შვილები კი არა... მე მძნდა კანონიერათ ვიცხოვრო შენთან .. მინდა კვლავ საზოგადოებაში გავფერიო. .. ახლა კი სადღა გამოვჩნდები შენი ხასაო!.. სლოკინებდა მაშო.

ამ უკანასკნელმა მისმა საიდუმლომ თავზარი დამცა! დედა-კაცს ძალათ დაუკარგავს თავისი თვისება, მაშ რაღა. დაუტოვა ქმარს, საზოგადოებას, მომავალს? მოტყუება, ორგულობა, ფლიდობა?... ფუი!! გავაფურთხე ბრაზმორეულმა და ოთახში აღელვებით ბოლთის ცემა დავიწყე. სხვა უჩემო, მაგარი ხასიათისა და მტკიცე აზრებს კაცი, ერთ წუთსაც აღარ მოიცილდა მაშოსთან და ცხრამთას იქით გადიკარგებოდა, მაგრამ ჩვენში ბევრზე ბევრია უნიადაგო, ისე ალალ-ბედზე, მცხოვრებელი, და ერთი იმათგანი, ჩემდა საუბედუროთ, მეც ვიყავ!..

დაღამდა. ქალაქის სანთლებმა მორცხვით შესცივნეს ცაში მოციმციმე ვარსკლავებს. მაშომაც გოგოს აანთებინა საღამური ლაზარი და იდაყვებით მაგიდაზე დაეყრდნო, აღმაცერათ დაანდო თავი ხელებზე და, ჩემკენ სახე შემობრუნებული, თვალეხათ გარდაიქცა. შავი ხუჭუჭი თმები შუბლზე საყვარლათ გადმოეჯარა და ფართო მკერდი, რომელიც სიცხისა გამო ნახევრათ მოეტიტვლებინა, ზღვასავით უღელავდა. სკამზე უკმეხათ მჯდომარე მაშო სწორეთ განხორციელებული გრძობათაღელვა გეგონებოდა... დაღახვროს ღმერთმან მაცდური! თითოეული მისი შეხედვა თანდათან მამშვიდებდა, მისდამი გულის-წყრომას მიქარებდა და, ბოლოს, მისმა სიმშვენიერემ თავი კიდევ წამართვა. ფეხ-აკრეფით მივედი და გამოველაპარაკე.

— იქით დამეკარგე! — გამიჯავრდა მაშო და ისე, არც თუ ძლიერის წყრომით და არც თუ აღგრსის გამოსახატავათ, გულში ხელი მკრა. ხელის ამ გვარის კვრითა და ბუზღუნით არა ერთხელ და ორჯელ დაუტყუენია ჩემთვის ალერსის ფიცი, მაგრამ ამჟამათ თავი შევიკავე, ხელახლათ გაღვიძებული მხეცი უმალ ჩავკალ ჩემს გულში და ისევ ბოლთის-ცემა დავიწყე. მაშო ალბათ არ მოელოდა ჩემს ამგვარ საქციელს და, ცოტა არ იყოს, განცვიფრდა.

— საზიზღარი მამაკაცებიო! ბუტბუტებდა ჩემს გასაგონათ მაშო და თან გულ-მკერდს იღელავდა. მე პირს ვაჩრიდებდი, მაგრამ...

— როდემდისო? — თითქოს მეკითხებოდნენ მაცდურის თვალები!...

## V.

ჩვენ ურთიერთობას ნაძალადევობა დაეტყო. მართალია, მაშო სახლიდან არ მითხოვდა და არც მე ვმორიდებოდი, მაგრამ სამსახურსა, ჩემ ამხანაგებთან ლხინსა და ქეიფს უფრო ბევრ დროს ვანდომებდი ხოლმე და მაშოსთან მარტო საღამოობით დავიარებოდი. მაშოც აპყვა თავისს ტოლ ქალებს და, მათის დახმარებით, კანონიერ საქმროის ძებნას შეუდგა. მაშოს, უეჭველად, ცოლის სახელი უნდოდა და, რაკი მე ჯერ-ჯერობით ვერ დამითანხმა, თვალი განზე დაიჭირა.

მართალი გითხრა, მაშოს ასეთი ქცევა საშინლად მაბრაზებდა და, ერთ გარემოებას სამუდამოთ რომ არ გამოვეფხიზლებინე, იქნება ბოლოს მაშოს დავეძლიე და «ცოლის ქმარი» გავმხდარიყავ.

შარშან, დეკემბრის ერთ სუსხიან საღამოს, წამოვიკუ-

ხე პალტო და აჩქარებით მაშოსკენ გავწიე. მაშო შინ არ დამიხვდა. გოგომხალაში მიმილო და მითხრა: „ქალბატონი მალე მოვაო“. მე ლოდინი დავუწყე. უაზროთ დავხეტილი 'დი ხალის ერთის კუთხიდან მეორემდის, თუმცა კი გული მეთანადრებოდა, რომ მაშო ამ დრომდის კარში იყო. ჩემ გულის კენესას გარედან ქარი ქვითინით ბანს აძლევდა და ეს უფრო მაწუხებდა: ოთახში ყიალით გაქოლენჩებული გავჩერდი წიგნებით დატვირთულ საწიგნესთან და დიდის მზრუნველობით დალაგებულ წიგნებს თვალიერება დავუწყე.

— საწყალი ანდრო, წიგნები კი ჰყვარებია-მეთქი—წავიდუდუნე და ერთი მათგანი ხელში ავიღე...

მეშიდღე თუ მერვე თვე იყო, რაც მე მაშოსთან ვცხოვრობდი და დღეს პირველად ვახსენე ანდრო. დღესვე გამახსენდა მაშოსთან პირველი შეხვედრა, სასაფლაო, ფიჩხაშილის სამარე და მწარეთ გამეცინა. რა არის ადამიანი? რა არის მისი წვრილმანობითა და გაიძვერაობით სავსე ცხოვრება-მეთქი?—გავიფიქრე და ცივმა ოფლმადამასხა... პირველად მაშომ ამ წიგნების გადასარჩევად მომიწვია და ჩვენ კი წიგნებიცა და მისი პატრონიც დავიწყებას მივეცით! ჯერ დავმეგობრდით და მერე ანგარიშობა დავიწყეთ, ჯერ თავისუფლად გვიყვარდა ერთმანეთი და მერე ურთიერთს დამონება მოვუნდომეთ! რად მოხდა ყველა ეს? ნუ თუ არ შეიძლება დავუბრუნდეთ პირვანდელ თავ-დავიწყებას, ნუ თუ არ შეიძლება სამუდამოდ გვიყვარდეს ერთმანეთი-მეთქი?—დავეკითხე ჩემ თავს და ამ კითხვათა პასუხის მიცემამ გამაბრუა, თავს რეტი დამასხა... იმჟამად მაშო რომ გვერდითა მყოლოდა, შეიძლება ფეხებში ჩავვარდნოდი, შენდობა და მოტყევა მე-

თხოვნა, შეიძლება გამეტაცუნა იგი და მასთან ერთად გაექცეულიყავ შორს, გარდავხვეწილიყავ ისეთ მხარეში, სადაც სულ სხვაგვარად ფიქრობს და იღვწის საზოგადოება, სადაც პიროვნება, მისი სხვასთან ურთიერთობა და გულის-თქმანი უფრო თავისუფალი; უფრო თავიზიან. მაგრამ მაშო იქ არ იყო...

— ვინ იცის, ახლა ვისთან არის მეთქი?! — წამოვიდახე გულ-მოკლულმა. საშინელმა ექვებმა შემიპყრეს... წარმოვიდგინე, რომ მაშო სხვას ეალერსება; სხვას, ეფიცება სიყვარულს და სიამოვნებით თავბრუ-დასხმული ეს სხვაც ეხვევა და კოცნის ჩემ მაშოს, ჩემ ყოფილ ნანდაურს, საყვარელს... გულზე ცეცხლი მომეკიდა და, რომ ველარა გავაწყვე-რა, გაშმაგებით წამოვუსვი ხელი საწიგნეს და წიგნები სულ ძირს ჩამოვყარე...

ბრახა-ბრუხზე გოგო ზალაში შემოვიდა. გამოვფხიზლდი... გოგოს ვუბრძანე წიგნების ალაგებაში მომშველებოდა და, გოგოსაგან რომ ჩემი მღელვარება დამეფარა, შორს გატყორცნილ წიგნებისაკენ გავწიე. იმ წიგნიდან, რომელიც პირველად ხელში ავიღე, ერთი რვეული გამოვარდა. თავზე ეწერა „ფიჩხაშვილის თავ-გადასავალი“ო. — ჰმ... ვნახოთ, რა კაცი ბრძანდებოდა ეს ფიჩხაშვილიც-მეთქი, — წავიდულუნე და რვეული უბეში ჩავიდე. წიგნები ისევ თავიანთ ადგილას დავალაგე... კარგა ხანიც გავიდა. დაჰკრა საათმა 11, 12, 1, მაგრამ მაშო არსადა სჩანდა... გაჯავრებულმა დავავლე ქუდს ხელი და შინისკენ გაქანდი. გზადაგზა ვლანძღავდი მაშოს, ვლანძღავდი ჩემ თავს და ვწყევლიდი იმ წუთს, როდესაც მაშოს შევხვდი! საშინელი აღრენილი ვიყავი... ცრემლი და ბოლმა მარჩობდა. ერთ ადგილას, გაკაშკაშებულ ბუფეტის

მორთულობამ ისე მაცდურად შემომცინა, რომ კინაღამ არ ჩავუხვიე და არ დავითვერ ხარივით, რომ გულის დარღვილი ღვინოში ჩამეკლა. მაგრამ ისეთი კოცონი მენტო გულში, რომ ღვინოც ველარ მიშველიდა!.. მაშინ არ ვიცოდი, რათ მომდიოდა გული ასე, მაგრამ ახლაც, რომ ვუკვირდები, ვგრძნობ, რომ თურმე ჩემი თვითმოყვარება, ჩემი შებღალული ხვადობა მამოქმედებდა. ცხოველებმაც ხომ ასე იციან ხოლმე!..

შინ გამთბარი და განათებული ოთახი დამხვდა. მაშინვე გავიხადე ტანთ, ჩავწექი ლოგინში და შავის ფიქრების თავიდან ასაცილებლად, ფიჩხაშვილის რვეულის კითხვას შევეუდექი. ბედნიერი იყოს ის წუთი!.. ცოტა არ იყოს, გამომაფხიზლა... ჩემი ცუდი და ავი გამითვალისწინა, შემაძულა!..

## VI

„189... წლის ოქტომბერი. ამ ცოტას ხანში შემისრულდა ოც-და-თვრამეტი წელიწადი, — ასე იწყებოდა ფიჩხაშვილის თავგადასავალი — ოც-და-თვრამეტი წელიწადი!.. სიზმარივით გაიარა ამ დრომ ჩემ თვალთა წინ და მერე რა მომცა? დაძაბუნებული სხეული, გარყვნილი გულის-თქმა, წამხდარი ხასიათი!.. ვინ იცის, კიდევ დავესწრობი თუ არა ახალწელიწადს! შეიძლება, რომ დავესწრო, რადგანაც ძვალ-ტყავათ ქცეული სხეული ადამიანისა ხშირათ რამდენიმე წელიწადი ატარებს ხოლმე განაწვალებულ სულს, ქვეყნისა და თავისდა სავალალოთ. მე კი აღარ მინდა სიცოცხლე ამ ყოფნაში!.. ნეტავ, ახლავე მოვიდოდეს სულთამხუთავი და შემისვამდეს თავისს გამხმარ მხრებზე!..

„მაგრამ... არა! ცოტა კიდე დამაცალე, შავო სიკვდილო, დამაცალე, ვიდრე ჩემის ცხოვრების აღწერას დავასრულებდე. იგი დამამშვიდებს მე, ხოლო სხვას კი ჭირის ოფლს დაასხავს და დააფიქრებს. ოხ, რა კარგი უნდა იყოს აზრიანი, დაკვირვებული სიცოცხლე!.. მაშ, დავიწყოთ.

„მაგრამ საიდან დავიწყო? ვსთქვა, ვინ იყო ჩემი დედ-მამა, როდის დავიბადე, სად ვისწავლე, რა ვნახე და რა განვიცადე? მაგრამ ჩემი დედ-მამა ჯერ რა სახსენებელია იმ ერთან, რომელსაც შთამომავლობით ვეკუთვნი...

„მე შვილი ვარ იმ ერისა, იმ უქნარა საზოგადოებისა, სადაც ჩემისთანა უბედურის ადამიანის სიკვდილი კი არა, თვით ცნობილის მოღვაწის ცოცხლათ დაკარგვაც კი არავითარ საზოგადოებრივ აღშფოთებას არ იწვევს... მე შვილი ვარ იმ ერისა, რომელიც ჟამთა ვითარებისაგან ისე დაძაბუნებულა, რომ მტერს და მოყვარეს ველარ არჩევს და რომლის მეთაურებიც შინ ერთმანეთს მამულიშვილობას აყვედრიან, გარეთ კი ქედწახრილნი, უფიცნი და მშიშარნი არიან... მე შვილი ვარ იმ ერისა, რომლის რჩეულნიც ჯვარს გაცმენ, თუ ქათინაური არ უთხარი, და რომელიც არა ზრუნავს თავისიანების კეთილ-დღეობისა, თითოეულის თავის წევრის დახმარებისა, გამოფხიზლებისათვის... მე შვილი ვარ, — მაგრამ... კმარა! ჩემისთანა შვილი თვალსაჩინო მაგალითია, სარკეა, ჩემიანებთა დაქვეითებისა, გათახსირებისა. მაშ, ისევ კერძოთ ჩემ თავზე ვილაპარაკებ.

„მე დავბადებულვარ სასულიერო კაცის ოჯახში. მამა არ მახსოვს, დედას კი მოვესწარ და კარგათაც შევისწავლე მისი თვისება-გულისთქმანი. საცოდავი ერთი რა-

ლაც უწვრთნელი და უცნაური ადამიანი იყო. გეგონებოდათ ბუნებას აფთრათ სდომებია და შეცდომით ადამიანათ-კი გაუჩენიაო. მუდამ მოწუწუნე, მუდამ ბელის მომდურავი, სულ თავისს თავს სტიროდა და, პაჭარა გამოცდილება რომა ჰქონოდა, ქვეყანას ამოაგდებდა. თავმომწონე, ამაყი, გულზვიადი თვით დამცირებული უვიცობითა და გონების სიბნელით—თავის სწორათ აზრებისა სთვლიდა. მუქთა ტაბლა-ხორაგს დაჩვეული, საყვედურით ავსებდა ქვეყანას. უკიდურესმა სიღარიბემ, რომელიც თავზე დაატყდა ქმრის (მამიჩემის) სიკვდილის შემდეგ და რომელმაც ყველაფერი აკადრებინა, უარესათ გამოათაყვანა საბრალო ადამიანი, გული შურით აუესო.

„არავითარი საზოგადოებრივი აზრი არა ჰქონოდარა, სწამდა მარტო ერთი მცნება: კაცი იმიტომ არის გაჩენილი, რომ კარგი სვას, კარგდ სჭამოს, სხვას გაუბატონდეს, გაჩინოვნიკდეს, გამედიდურდეს, გაივსოს ქონებითა და დოვლათით, რომ ქვეყანა მას შენატროდეს და ქვეყანა კი მისი ყურმოჭრილი ყმა იყოსო.

„იმდენათ უვიცი იყო საბრალო დედა-ჩემი, რომ ჩვენის ხეობის იქით ქვეყანა არ ეგონა. არ იცოდა, იყო თუ არა ქვეყნად ჩვენებურ ბოქაულზე უფრო გავლენიანი კაცი, მართლა არსებობდა თუ არა სახელმწიფო, დიდრონი სამრეწველო და საფაბრიკო ქალაქები, გადავარდა თუ არა ბატონყმობა, არსებობდა თუ არა მანქანები, ელექტრონი, რკინის გზები და ათასი სხვა საკვირველებანი ბუნებისა და მეცნიერებისა. იქნება გაეგონა რამ, მაგრამ ყველა ეს ზღაპრათ მიაჩნდა. თვით სარწმუნოება, რომლის წარმომადგენელიც იყო მისი ქმარი, დედა ჩემს თავისებურად ესმოდა: სწამდა სალო-



ცავები, ხატები, ეკლესიები, მღვდლები, ბერები სანკვირ-  
ველთ-მომქმედნი. მაგრამ ეს რწმენა რალაც ფანტასტი-  
ური და ძალზე ცრუმორწმუნეობრივი იყო. მაგალითათ,  
მამა-ღმერთისა უფრო ეშინოდა ხოლმე და, როდესაც  
ჩვენის სოფლის ეკლესიაში დახატულ სამების წინ სან-  
თელს ანთებდა; სანთელს მამა ღმერთის წინ დარგამდა  
ხოლმე, ხოლო ძე-ღმერთს კი ევედრებოდა—მამა ღმერთს  
შემახვეწეო.

სიყვარულით კი ძლიერ ვუყვარდი საბრალოს და  
ვუყვარდი ისე მხეცურათ, როგორც ძროხას უყვარს  
თავისი ხბო! მუდამ მანებებდა, მილოლიავენდა, მარ-  
ჩევე და დანარჩენ ბავშვებში, მაგრამ მარტო სიყვარული  
ხომ არა კმარა ბავშვის აღზრდისათვის?! მომავალი თაობა  
მატარებელია უკეთესის მერმისისა, მაგრამ დედა ჩემს თა-  
ვისი აწმყო რომ არ ესმოდა, მომავლისათვის რას მომამ-  
ზადებდა! „იყავ, შეილო, მორჩილი ღვთისა და უფრო-  
სისაო“. აი, ამ ორ სიტყვაში გამიხატებოდა დედაჩემის  
სწავლა. სოფელი, ბუნება, მისი მოვლენანი, ტოლ-ამ-  
ხანაგი, ხალხი, ერთ, კაცობრიობა და ყველა ის, რაც კი  
იზიდავს ბავშვის ყურადღებას, ჩემთვის გაუგებარნი რჩე-  
ბოდენ და მეც ცრუმორწმუნეობითა და ცრუ აზრებით  
მევესებოდა ნორჩი გული.

წელანვე ვსთქვი: — მამაჩემი არ მახსოვს. მეთქი-  
სულ ხუთი წლისა ვყოფილვარ, როდესაც იგი მომკვდა-  
რა. ვინ იცის რა გულისა, ხასიათისა და თვისებათა კაცი  
იყო! მართალია, დედა-ჩემი ყოველთვის აქებდა ხოლმე,  
მაგრამ დედაჩემის დაფასება რა ანგარისში ჩასაგდება,  
როდესაც იმას ამ ქვეყნისა და ადამიანისა არა გაეგებო-  
და-რა. გარეშეთ ხომ სულ არა დაეჯერებათ-რა! ერთნი

ამბობდნენ, რომ მამაჩემი დიდი ნიჭიერი, მაგრამ ლოთი და ქალების მოყვარული ყოფილა, მეორენი კი ანგელოზს უდარებდენ. ერთის სიტყვით, მე არ ვიცი რა სულიერი და ზნეობრივი განძი გადმომცა პირადათ ჩემმა წინაპარმა.

თუ ჩემის მოქმედებისა და გულისთქმა-ხასიათის მიხედვით დავაფასე ჩემი წინაპრები და ლომბროზოს თეორიით ვიხელმძღვანელო\*), ბევრ სანაქებოს ვერას ვიტყვი, რადგანაც ჩემისთანა სუსტი ნების ადამიანი იშვიათად მოიძებნება.

მეორეს მხრივ, ნებას ვაძლევ ჩემ თავს ერთ მგლისკენაცა ვსთქვა. მე ისეთი მოხერხებული, ნიჭიერი, მჭევრმეტყველი და წინაგრძნობის კაცი ვიყავ, რომ რიგიანი აღზრდა უთუოდ გამომაჩენდა. მაშასადამე? მაშასადამე, ვაი თუ უდანაშაულონი იყვნენ ჩემი წინაპარნი და მე წავებდინე ჩემ თანამედროვე ცხოვრებას, ხალხს და საზოგადოებას. ერთით ესეც საკვირველი არ არის, ვინაიდან საქვეყნოთ სულელებათ აღიარებულთა გარდა, ჩემს სიცოცხლეში ერთი გულწრფელი ადამიანი არ შემხვედრია. ყველა ერთი მეორეს, ან თავისს თავს ატყუებს! უკაცრავაი ვარ ჩემ მკითხველებთან, მაგრამ ეს ასეა და ყველა ჩემსავით ერთ დღეს რომ მოქკვიანდეს, ყველამ რომ აღიაროს თავისი ცოდვები და სხვაც ისე შეიყვაროს, როგორც თავისი ჯერ-ჯერობით გათახსირებული და მოტყუებული თავი უყვარს, ქვეყნათ ცხოვრება

---

\*) ლომბროზო იტალიელი გამოჩენილი ექიმი და მეცნიერია, რომელიც წინაპართა შთამომავლობაზე გაკლენას იკვლევს.

სამოთხეთ გარდაიქცეოდა. დიახ, მართალს მოგახსენებთ!..“

— სრული ქეშმარიტება-მეთქი! გულწრფელათ წამოვიძახე და ფეხზე წამოვიჭერ. ოთახის დაყრუებულმა კედლებმა, თითქოს ბანი მომცესო, ზანზარი დაიწყეს... აღელვებული დიდხანს დავყილობდი საცვლების ამარა და არ ვიცოდი განმეგრძო კიდევ კათხვა, დამეწყო აწ გარდაცვალებულის უჩინაშვილის სულში და გულში ხელის ფათური, თუ დამეხია. ეს მისის სისხლით დაწერილი რვეული და დავიწყებისათვის მიმეცა მისი ცხოვრებაც ისე, როგორც თვით იგი დავიწყებოდა ქვეყანას.

რალაც უცნაური, თითქოს ჩემი შემმაურაცხმყოფელი წინაგრძნობა გულს მიღრღნიდა, ჰო-არაობის საბურთავოთ გავეხადნე... მაგრამ ბოლოს ისევ ცნობის-მოყვარეობამ დამძლია, მივვარდი საბანს, ბეჭებზე წამოვისხი, ფეხები ფლოსტებში ჩავყავ და ახლა მაგიდას მოვუჯექი, რომ უფრო გულ-დასმიტ გადამეკითხნა ამ უცნაურის კაცის უცნაური ამბავი.

— „ჰო, იმას ვამბობდიო—ჩავიკითხე ქვევით—ბევრია მეთქი წამხდარი დაცემული ადამიანი, რომელიც ბოროტათა ხმარობს ნიქს, სიცოცხლის კეთილმყოფელობას და თავის მოძმეს კისერს ატეხინებს. პირველი ამათგანი გახლავარ მე, — ნატერფალი ყოველივე სიავისა — ქვემორე ამისა ხელისა მომწერი კირილე იაკინთეს ძე ფიჩხაშვილი. მერე რამ დამცა ასე? თვით ცხოვრებამ, უვიცობამ, თვით ხალხმა! მაშ მე რა შუაში ვარ? რისთვის, შემომკენესი შურით სავსე ჩემო გულო, რატომ არ მასვენებ ჩემო ამღვრეულო სინიდისო? იმიტომ რომ მეგრძოლი უნდა ვყოფილიყავ უსამართლობისა და მე კი დავემონე წუთიერ მაცდურებათ, განა? ოხ, უბედურო, ჩემო თავო!..“

ჩემი თავი კი იმ დღიდან მახსოვს, როდესაც 7—8 წლისა გადავხტი ჩვენი მეზობლის ბაღში, დავიპარე კიტრები და მერე მთელი ბოსტანი ძირიანათ გადავაბრუნე. ეს მოხდა ზაფხულის ერთ საღამოს. . კალოობა იყო და გლეხები მინდვრათ იყვნენ გასულნი.

მეორე დღით საწყალი გლეხი თავ-დავიწყებით ილანძღებოდა და შვილ-მკვდარივით იხლანკებოდა თავისს განადგურებულ ნაამაგარს რომ დაჰყურებდა. მე კი ვიდექ ჩვენის სახლის ბანზე და გლეხის უწმაწურ ლანძღვაზე გულიანათ ვხარხარობდი!

არ ვიცი, ჩემში არსებულ სიცოცხლის ზედმეტ ძალთა ბრალი იყო, თუ შთამომავლობითი ვერაგობისა, ეს კია, რომ იმ დღიდან ჩემი ხელი და ფეხი აღარ დამდგარა. მთელი დღეები დავხეტიალობდი ქალებში, ვენახებში, მინდვრათ. ვიჭერდი ჩიტებს, ვხოცდი მათ, ვუნგრევდი ბუდეებს, ვიპარავდი ხილს, ბოსტნეულობას და, მგონი, მთელი სოფელი გამენადგურებინა, რომ მეორე შემოდგომაზე, მოულოდნელათ ერთ, სამაზრო ქალაქში არ წავეყვანეთ და იქ ერთ-ერთ სასწავლებელში არ მივებარებინეთ.

როგორც ტყის ნადირი, როგორც ხაფანგში გამო-მწყვდეული თავვი, ისე დავფრთხი, აუარებელი მოწაფეები რომ დავინახე. მეუცხოვა, შევდრკი, შევშინდი. პირველ ხანებში საშინლათ ვერიდებოდი ამხანაგებს და არც გული მიდგებოდა სასწავლებელში. ხშირათ დამიწყია ხოლმე ღრიალი დაჰრილ მხეცივით და თფალები სულ ტყისკენ მეჭირა. . . სოფელი მენატრებოდა. . .

ოხ, სოფელო, სოფელო, დიდებულო ეტრატო, დიადის ბუნებისაო!! ქალაქის ბინძურ ცხოვრებით გა-

ბინძურებული აღრე მოვაკლდი შენ მზერას და ამ მყრალ სარდაფში ისე ვკვდები, რომ უკანასკნელათაც კი ველარ ვიხილავ შენ მთა-გორით დასერილ გულ-მკერდს, ვერ შევისუნთქავ შენ უკვდავება სუფთა ჰაერს, ყურს ვერ დაუფედებ შენ ანკარათა ჩქეფა-ხვივილს, ვერ დავსტკბები ამომავალის მზის ცქერით; ძღვევა-მოსილის გვირგვინოსანისათვის რომ გადმოდგება ხოლმე მთის ქედზე და უხვის ხელით აბნევს, სხივთა კონას ყრუ, ჯანლით დაბურულ ხევ-ხუეებში. ტყე-ველათ გაღვიძებულ ფრთოსანთა ჟივილ-ქიკქიკი ველარ დამიტკობს ყურთა სმენას და მთის გიჟი სიო შავი ფიქრებით გახურებულ შუბლს ველარ გამიგრილებს... ვკვდები ძალივით და მხოლოთ ახლა ვგრძნობ, რა დიადი საუნჯე წამართვეს შენის მოშორებით, როგორ დამღუპეს, რომ არ შემასწავლეს შენის დიადის ბუნების დიდი კანონები! ან კი ვის უნდა შეესწავლებინა, ვნსა ჰქონდა ჩემი ჯავრი!! ჩვენი ხალხი ხომ ისე, ალალ-ბედზე, სცხოვრობს და სხვის გაკეთებულ ქოჭინათი დატაატაობს!...

პირველ წელიწადს სასწავლებლიდან რამდენჯერმე გავიქეც სოფლათ (დედა მაშინ ჯერ ისევ ცოცხალი მყავდა), მაგრამ ორჯელ გზიდან დამაბრუნა ჩემმა სახლის პატრონმა, ხოლო მესამეთ თვით დედაჩემმა გამომიგდო წინ და ცემა-ტყეპით ისევ ქალაქში ჩამომიყვანა. მეტი გზა არ იყო უნდა დავმორჩილებოდი ჩემ ბედს.

ნელ-ნელა ამხანაგებსაც შევეჩვიე, რომლებიც მე ბევრით არა მჯობდნენ. მომეტებული ნაწილი სოფლელები იყვნენ და მალეც დაუმეგობრდით ერთმანეთს. მხოლოდ ქალაქელი ბავშვები განირჩეოდნენ ჩვენგან: უფრო თავაზიანები, ლამაზათ თმა-დავარცხნილები და სუფთად გა-

წყობილნი, გვრიტებივით დაგოგმანებდენ სოფელ ოტრო-  
ველათა შორის და ისედაც გვიფრთხოდენ, როგორც  
მგლებს. მე შურით მევსებოდა გული მხიარულებს, დედ-  
მამის გვერდით მყოფთ რომ ვხედავდი და როცა კი მო-  
ვიხელებდი ხოლმე რომელიმე მათგანს, ცემითა ვკლავდი...  
მაშინ აბა რა გამეგებოდა, მაგრამ ახლა კი მრწამს, რომ  
ჩემი ვერაგობა იმ ბოლძისა და დარდის ბრალი იყო,  
რომელმაც ჩემ გულში სოფლის, თავისიანების მოშო-  
რების შემდეგ დაიბუდა. ჩვენი დედ-მამა არ დასდევს,  
ბავშვის თვისებათ, არა ცდილობს გაიგოს მისი ნორჩი  
სულის კვეთება, მისი უმანკო გულის ტკივილები, იგდ  
უაზროთ აპყროლია სხვის ფეხის ხმას და თუ შვილი ლო-  
გინათ არ ჩავარდა, ჯან-სალი და ბედნიერი ჰგონიათ!  
ვაი, ამ გვარის დედ-მამის შვილს და აკი მეც, უვიცი  
დედ-მამის შვილი, იმ თავითვა ვაებაში ჩავვარდი?!

„ჩემგან ნაცემ ბავშვებს ჭირივით ვეჯავრებოდი და  
პირდაპირ რომ ვერას მიბედავდენ, უფროსებთან ჩუმ-  
ჩუმათ მბეზლებდენ. უფროსებიც პირველათ გამიჯავრდენ.  
მერე გამასილაქეს და შემდეგში კლასში მამწყდევდენ  
ხოლმე და „ბაზაბეზა“ მაყენებდენ (ასე ვეძახდით უსა-  
დილოთ დატოვებას). ამ გვარ მოპყრობასაც შევეჩვიე,  
შევეჩვიე თვით სასწავლებელს, მისს გამგე-პატრონებსაც...

ღმერთო ჩემო, რა იყო ეს სასწავლებელი!?!... ახ-  
ლაც რომ მაგონდება; სიმწარით თმები ყალყზე მიდგე-  
ბა. ეს სასწავლებელი კი არა, ერთი რაღაც, გარყვნილე-  
ბისა, უწეს-რიგობისა, დაბრიყვებისა და გადაგვარების აფუ-  
რხანა იყო? ორას-სამასი სხვადასხვა წლოვანებისა და  
წოდების ყმაწვილი, სხვადასხვა ოჯახისა და ცოდნის პა-  
ტრონები, ღორ-ხბოლავით ვიყავით ერთმანეთში არეული

და გულ-შემატკივარი არავინა გვყავდა, რომ იმ თავითვე რიგიან გზაზე დავეყენებინეთ. ფლიდობა, ორპირობა, თვალთმაქცობა, შიში, მუქარა და ჩვენთვის გაუგებარი და გამოუსადეგარის საგნების სწავლება, აი, ეს იყო მთელი შინაარსი იმ უკულმართი სასწავლებლისა!..

წლითი-წლობამდის ვიკრიბებოდით ხოლმე დილა-ადრიან სასწავლებელის ეზოში. რვა-ცხრა საათზე ირეკებოდა ზარი—ნიშანი გაკვეთილების დაწყებისა, — ვილაც უზნოე და უნიადაგო ხალხი ხბორებივით შეგვლალავდენ ხოლმე კლასში, და მთელი საათობით გვაჭყვირებდენ: „ბა, ბუ, ბაა, ბუო!“ გარეთ კი ცხრა-თვალა მზე საოცრებოთ ანათებდა ქვეყანას, ამაყ მთებს, გრუზა, სიცოცხლით სავსე ხეებს, ბაღებს, ვენახებს, მინდვრებს, ყანებს! რამდენი საიდუმლოება, რამდენი ცოდნა, რამდენი სიტკბო და სიამე მოგვენიჭებოდა იმ თავითვე ბუნებრივად რომ აღვეზარდეთ, იმ თავითვე დედა-ენაზე რომ ესწავლებინათ ბუნებისა და ადამიანთა ურთიერთობა, მაგრამ ჩვენ ხომ მომავლისათვის არ გვამზადებდენ?

მ. ხსოვს (და ან კი რა დამავიწყებდა!) ერთი დღე ჩემის სწავლისა... კლასში სულგანაპულნი ვისხედით. ჩვენი მასწავლებელი ძერასავით დაგვტრიალვდა თავს და მოზვერივით იბღვირებოდა. ერთი მოწაფეთაგანი წიგნში გასაკვეთს ხმა მალლა კითხულობდა და დანარჩენი ყურს უგდებდენ. ზოსაწყენი, გაუგებარი რალაცა იყო.. მე გულის-ყური ველარ მივადევნე და ფიქრით სულ სხვაგან წავედი...

გული სიაეოვნებით მიცემდა: წარმოვიდგინე ჩვენი სოფელი. წარმოვიდგინე დედაჩემაც, ვითომ ისა ზის კაკალ ქვეშ და წინდებს მიქსოვს. მე კი დავრბივარ ვე-

ნახში, ვგორაობ ბალახებში... თავისუფალი ვარ, თავისუფალი, როგორც შვილის ნუკრი და ბედნიერი, როგორც ლაბუა ჩიტი...

ამ დროს საშინლათ დავიკვივლე! მასწავლებელს გაბუცებული რომ დაუნახივარ, მოსულა ჩემთან და... ისე, მაგრა ამიწია ყურის ბაბილო, რომ ყური ნახევრობამდის ამახია, მერე წამომავლო ზეზე, ამომკრა ფეხი და კლას გარეთ გამომიძახა. ამხანაგებმა ყრუთ დაგმინეს და უფრო გაფაციცებით ჩააცქერდნენ წიგნებს. მე კი მივჯექი დერეფნის ყრუ კუთხეში და ვიტირე გულ-ამოსკვნით. ცხარე, უმანკო ცრემლით დავალბე ჩემი ოცნება და სისხლნარევი ნალველი ჩავიწვეთე გულ-ღვიძლში... მე მგონია, ამ დღეს დიდი ღვაწლი მიუძღვის ჩემ გაცერანებაში!

„ეჰ, მწარეა ჩემთვის ეს მოგონებანი, მაგრამ ბარემ ბოლომდის შევსვამ ტანჯვის ფიალას!

გაკვეთილებს შიგა და შიგ, დასვენების დროს, ან ყივილ-ხივილით ვედებოდით ღობე-ყორეს, ვიკრიბებოდით ყრუ ადგილას პაპიროსს ვეწეოდით და ვილანძლებოდით უწმაწურის სიტყვებით, ან შიგ კლასშივე მალაყებს გადავდიოდით, ვბლლამუნობდით და ვირთავგვებს დავსდევდით დასაჭერათ, რადგანაც სასწავლებლის შენობა, მისი ჭერ-იატაკი სიძველისა და სინესტის გამო დაცხავებული და ვირთავგვებით იყო სავსე. ხან კიდევ ვიგონებდით სხვადასხვა ეშმაკობათ მასწავლებელთა შესაშინებელ-მოსატყუებლათ, ვამტვრევდით და ვამსხვრევდით იქაურობას. ვინ იყო ჩვენი ყურის-მგდებელი? პირიქით ყოჩალი და ამხანაგებში მიღებული ის იყო, ვინც კარგათ კრივობდა, მადიანათ ილანძლებოდა, უსირცხვილოთ ცრუობდა და მასწავლებლებს ატყუებდა. ან კი



სხვა რა დაგვრჩენოდა? ჩვენი მასწავლებელნი მთვრალე-  
ბი, გახეთქილები მოდიოდენ კლასში და მთელი საათო-  
ბით ან ილანძლებოდენ, ან ეძინათ და ან გვაქიდავებდენ  
ხოლმე.

ახლა თქვენა გკითხავთ, როგორ წავიდოდა სწავლის  
საქმე ამ სასწავლებელში?

ყველაფერი გარეგნულათ იყო მოწყობილი. სასწავ-  
ლებელის ზედამხედველი სულ იმის ცდაში იყო, რომ  
მასწავლებლები დაებრიყვებინა, თავის ყრუ მოქრილ მო-  
ნათ გაეხადნა. მასწავლებლები კიდევ ჩვენზე ყრილობდენ  
გულის ჯავრს და ჩვენგან თხოულობდენ უსაზღვრო მორ-  
ჩილებასა. ჩვენ და მასწავლებელთა შორის უფსკრული  
იღო, რომელიც ამოვსებული იყო კონდუიტებით, ჟურ-  
ნალებით, სასწავლო ნივთებით, ჯაშუშობით, ქრთამით,  
სიფლიდით, თვალთმაქცობით და გაკვეთილების უაზრო-  
კბილვით. ბევრი მასწავლებელთაგანთ გონებრივით გამო-  
თაყვანების გარდა, ზნეობრივათაც ხრწნიდა მოწაფეთ და  
ეს სოდომ-გომორი, ეს ფარისევლობაზე აშენებულ-აგე-  
ბული აგურხანა იყო ის სასწავლებელი, რომელზედაც  
წელიწადში ასი და ათ-სი მანეთი იხარჯებოდა (რასა-  
კვირველია, მშობელთა ჯიბიდგან ამობღებულის), რომ-  
მელსაც ყოველ შემოდგომაზე მოზარდთა დედ-მამა ბუხე-  
ბივით ეხვეოდენ და რომლის ზღუდეთა გარეშე დაშთე-  
ნილი მათი შვილები, უბედურათა და გზა დაბნეულოთ  
ითვლებოდენ“.

„მე ვკვდები და იმიტომ ვლაპარაკობ ასე თამამათ,  
თორემ, ვიცი, ბევრი ჩემი ნაამხანაგარი, რომელიც ჯერ  
ისევ თავ-დავიწყებაში ცხოვრობს, ჩვეულებრივის ფარი-  
სევლოურის ღიმლით მოისმენს ამ ჩემ სიტყვებს და გადა-

ქარბებულათ ჩამომართმევს. მაგრამ კარგათ რომ ჩაუკვირდეს თავის გულისთქმას, ჩემგან აწერილი საერთო შთაბმქდილება სიმწარის, სიმართლის ქირის ოფლს დაასხავს და დამეთანხმება, რომ ამ არა-ბუნებრივმა, მშობლიურ აღზრდას მოკლებულმა სასწავლებელმა, არა ერთი და ორი გაანადგურა, ხოლო ვინც ამ სასწავლებელში გამოზრდილი ახლა კარგ კაცათ ითვლება, იგი სხვა პირობებში ასი-ათასჯერ უკეთესი იქნებოდა... ნეტა იმას, ვინც გაუძლო, გაუმკლავდა უკუღმართ სწავლის უკუღმართ ზეგავლენას! ქეშმარიტათ იგი დიდ-ბუნებოვანი ადამიანი უნდა იყოს! მე, კი მოხარული ვარ, რომ უშვილოთ გადავეგე, ვინაიდან უკმეხ აღზრდის მეღხებით ჩემი გასაგისი მაინც აღარ დაწვრილმანდება!

„ჩემი ოცნება, ჩემი ჯერეთ გამოურკვეველი მისწრაფებანი, ბუნებისაგან მოყვასთა სასიკეთოთ მონიჭებულნი ძალნი სიცოცხლისა იმ თავითვე, პატრობაში მოსთუთქა, დათრთვილა და დააზრო პირველ დაწყებითმა არა სასურველმა სწავლამ, მაგრამ უარესი და უძნელესი იყო ჩემი ყმაწვილური ცხოვრება სასწავლებლის კედელთ გარეშე, — ჩემს ბინაზე.

ის სამაზრო ქალაქი, სადაც ჩვენი ღირს შესანიშნავი სასწავლებელი იმყოფებოდა, ყველა ქალაქებზე დაცემული და ზნე-წამხდარი ქალაქია! არ ვიცი, როგორ ატარებდა დროს მაშინდელი უმაღლესი საზოგადოება ამ ქალაქისა, მხოლოდ ის უბანი კი, სადაც მე ვბინადრობდი სიღარიბისა, ყომარბაზობისა და გარყვნილების უბანი იყო. მთელი ქალაქის ზნე-დაცემულ ჯიბგირებს, ქურდებს და გლახაკებს, თითქოს განგებ, აქ მოეყარათ თავი და მთელი დღე ერთი ჩხუბი, აურ-ზაური და გან-

გაში გაჰქონდათ... ღმერთო ჩემო! ახლა რომ ვუკვირდები ჩემ მაშინდელ ყოფნას ჭირის ოფლს მასხამს და სულით და გულით მეჯავრებიან ის დედ-მამანი, რომლებიც ხელმომჭირნეობის გულისათვის თავისს შვილებს განგებ ამ უბანში აყენებდენ. ამისთანა უბადრუკები კი იმ დროს ძალიან ბევრი იყო! როგორც ღარიბთა უბანი, თვეში სამ-ოთხ მანეთად იბარებდენ მოწაფეთ გამოსაკვებათ და ჩვენი დედ-მამანიც, რომლებიც გროშისათვის თვით იესოს გაჰყიდდენ, თაფლის გუდასავით ეხვეოდენ ამ უბანს და თავისს შვილებს ვიღაც საეკვო ყოფა-ქცევისა და მდგომარეობის ხალხს სიხარულით უტოვებდენ. უხაროდათ, რომ შვილს თვეში სამ მანეთათ ჰკვებავდენ, უხაროდათ, რომ მათ აღზრდაზე ბევრი არ ეხარჯებოდათ, ხოლო შვილი კი „ნასწავლი“ გამოუვიდოდათ! ოხ, ხარბო და უწვრთნელო ადამიანო, რა ადვილათ იცი გულის დამშვიდება?!..

მე კი, — მართალი უნდა ვსთქვა, — დედი-ჩემის უილაჯობისა და უვიცობის მეოხებით მოვხვდი ამ უბანში. ვიღაც სომხის ოჯახმა ამიბარა თვეში სამ მანეთ-ნახევრათ. მოთინთლეს, თანხები შეუკრეს საცოდავ დედაჩემს და დამშვიდებული სოფელში დაბრუნდა.

მე დავრჩი ერთ ჭუჭყიან, ბნელ, ნესტითა და შმორის სუნით სავსე ოთხში, რომლის ერთ კუთხეშიაც დამიდგეს ხის, ფეხ მონგრეული ტახტი, ერთი გაუჩორკნავი დანჯღრეული ხისავე სკამი და ასეთივე მაგიდა. მეორე კუთხეში იდგა საწოლი დიასახლის-მამასახლისისა. ერთ-ერთ კედელზე ეკიდა თუნუქის პაწია ლამფა, რომელსაც, მთელი შუშა თავის დღეში არა ჰქონია: ოთახის კუთხეებსა და ტახტის ქვეშ აქა-იქა ეყარა: ვობი, ტაშტი,

თუნგი და ათასი ოჯახური ხურდა-მურდა. ოთახს იატაკი მიწისა ჰქონდა, ჭერი დამბალ-დახავსებული და მიწურივე ბანი. ავდრობისას სახლშიაც ისე სწვიმდა ხოლმე, როგორც გარეთ და, აბა მაშინ უნდა გენახათ ჩემი ბინა, რომ შეგებრალეზოდით! ქუქყითა და ტალახით სავსე სალოარეს, საქათმეს უფრო ჰგავდა იგი ბინა, ვიდრე ბავშვის, ადამიანის სადგომს...

თვით ოჯახი დიდი არ იყო. ბაგრატა, მისი ცოლი კეკე და მე—რვა-ცხრა წლისა, — აი, ესენი ვიყავით ამ ოთახში მობინადრენი. ბაგრატას ერთი კუდა ვირიცა ჰყავდა, რომელიც გარეთ, ჩემ ფანჯრის წინ, ება ხოლმე და ბზის გოდორში თავ-ჩაყოფილი, ყურების ბარტყუნით ბზეს უგემურათ ახრამუნებდა. ხოლო როცა აუშვებდენ ხოლმე, დინჯათ შემოდრიოდა ოთახში და თავისს პატრონს სიამოვნებასა ჰგვრიდა.

ბაგრატას იგი ვირი მთელ ქვეყანას ერჩინა. მას ანაცვალებდა ცოლსაცა და შვილსაც, რადგანაც იგი იყო ერთად-ერთი მისი მრჩენელი. როგორც ფეხზე მოვაჭრე, აჰკიდებდა ხოლმე ბაგრატა ზურგზე საწვრილმანოს, გაიგდებდა წინ და სოფელ-სოფელ დაახეტებდა. საწვრილმანოს ნაცვლათ სოფლებიდან ჩამოჰქონდა კვერცხები, სიმინდრ, პური, ქათმები, ჰყიდდა ბაზარში და ასე სცხოვრობდა.

როგორც შემდეგში მიხვდი, გარდა იმისა, რომ ჩემ შენახვაში აღებული ფული ხელუხლებლათ რჩებოდა, ბაგრატას მე ცოლის საყარაულოთ უფრო ვყავდი. ბაგრატა მთელ ორ-სამ კვირაობით გადიოდა სავაჭროზე, მე და კეკე კი ვრჩებოდით მარტოკანი და საშინელ გაჭივრებას ვიტანდით, მთელი წლის განმავლობაში არ მახსოვს, რომ მუცელი გამაძლარი გვქონოდა.

კეკე არ იყო ბოროტი დედავაცი, პირ-იქით მეტი-მეტათ შემიყვარა კიდეც, მაგრამ ბაგრატას ძრიელ ეჯავრებოდა ფულის ხარჯვა, გროშს არ ჩაუგდებდა ხოლმე ცოლს ხელში და სულ ილანძლებოდა: „ბევრს ნუ სჭამთ, თქვეამოსაწყვეტებო, პურის ყიდვას ველარ ავდივარო“. ისე დაურჩა იმას თავი, რაც ის ჩვენზე არას ხარჯავდა!..

პირველათ, შემოდგომაზე, კიდეც აჩა გვიჭირდა-რა, მაგრამ ზამთარში, როდესაც გზა შეიკრა თოვლისაგან და ბაგრატა მთელის თვით სოფელში მოემწყვდა, მე და კეკემ მოხარულ სიმინდზე გადავიარეთ, ცეცხლი და სანათი საიდგან-ლა გვექნებოდა? დალამდებოდა თუ არა, მოვგულავდით ხოლმე კარებს და ჩავეყრებოდით ლოგინში..

ეხ, კეკე, კეკე! დღეს შენ ცნობილი „კუპეწის“ ცოლი ხარ. ბაგრატამ აუარებელი ქონება შეიძინა და შენ საკუთარი ეტლითაც კი გატარებს, მაგრამ გახსოვს კიდეც ის შავი დღეები, გახსოვს კიდეც, რომ შენთვის წყალის ზიდვით მხრები მქონდა გადატყავებული? გახსოვს კიდეც შენი ეშმაკობა, შენი გარყვნილება?.. იქნება შენი თავი წმინდანი გგონია?!

„სიწმინდისა კი რა მოგახსენოთ, მაგრამ კეკე მაშინ რომ ძლიერ ლამაზი იყო, ამას ლაპარაკი აღარ უნდა. როგორც მთვარე ღრუბლებიდან, ისე ანათებდა ხოლმე მისი ბადრი სახე და მშვენიერ, ხავერდოვან თვალებს. ჯერიანივით ატრიალებდა. ჩასკენილ-ჩასუქებული ვარდისავით აღუოდა და სიცოცხლით სავსე, მარწყვივით მომწიფებულიყო. მაშინ კეკე შესაფერ ცხოვრებაში რომ ყოფილიყო, სწორეთ მშვენიერთა. ხელმწიფე იქნებოდა, მაგრამ ტიალ სილარიბეს, — თუ განგებ თავის მოლარიბებს, კუჭყსა და ქონში ამოეთხუპნა ეს მარგალიტი. იმ-

დენ ღარიბულათ სცხოვრობდა მაშინ კეკე, რომ რიგიანი ლოგინიც კი არა ჰქონდა. დღისით სიცივისაგან გაყინული, ღამეც-გათენებამდის—ძალღვივით კავკავებდა. მართალია, მეც კი გაღელელებული ვეგდე ხოლმე დედიჩემისეულ დიდ საბანში გახვეული, მაგრამ გარეთ, მოზუხუნე ქარის ბლულის ზეგავლენის ქვეშ, მალე მიმეძინებოდა ხოლმე და ტკბილ სიზმრებს ვხედავდი...

შუა ზამთარი იყო. გათამამებული ქარაშოტი ეშმა კეულივით დაჰქროდა ჩვენ უბანში და იქაურ ქოხ-მახებს განადგურებას უპირობდა. ჩვენის ოთახის ფარღალალებში ქარი შემოჰქროდა და სიცივით ვიხოცებოდით.

— ამაღამ დიდი ყინვაა, ერთ ლოგინში დავიძინოთო! — მითხრა კეკემ და თავისთან დამიწვინა. ჩემი და მისი ლოგინი შევაერთეთ. რამდენიმე ღამე მეძინა ანგელოზივით კეკეს მკერდში ჩაკონებულს და მთბილოდა ისე, როგორც ლუმელში. ბედნიერი ვიყავ იმ დროს, უმანკო, როგორც მჭრედი და უზრუნველი, როგორც ფრინველი! მაგრამ ღმერთმა დასწყევლოს ეშმაკი! კეკეს ბორგვამა და ოხვრამ ერთ ღამეს აღარ დამაძინა! მალე-მალ აიღებდა ჩემ ჰაწია ხელებს, იკრამდა მკერდზე, იქ-ღვლემდა მაგრათ, მეხუტებოდა და ძროხასავით მლოზნიდა... მეჯჯავრობდი, ვეძღმურტულობდი, ვებუზლუნებოდი, მაგრამ იგი თავისას არ იშლიდა და დასამშვიდებლათ სააღერსო სიტყვებს მეუბნებოდა. მეორე დილით კამფეტებიც კი მომცა და სკოლაში ისე გამისტუმრა...

ასეთ ყოფაში გამატარებინა კეკემ რამდენიმე დღე და ღამე და... ცხრა-ათი წლის ბავშვი უკვე გავირყვენ... ბავშური, უმანკო ოცნება მომეშხამა. წინათ არა ერთხელ მი-

ფიქრია, როგორ დამელწია თავი ბაგრატას ოჯახისაგან, მაგრამ ახლა, ძალითაც რომ გავეგდეთ, აღარ წავიდოდი.

მთელი დღე ლეკვივით შევცქეროდი კეკეს, ღამე მასთან ნეტარებით მეძინა და მზათ ვიყავი მისი ყურ-მოჭრილი მონა ვყოფილიყავ!..

ეს იყო ჩემი პირველი სიყვარული!..

როგორც გინდა ბრძანეთ, და მე არ მახსოვს... არა! მე ვერ მომიხერხებია დავასურათო. ის კვთებანი და ეშ-მაკობანი, რომლებიც კერძოთ მე მშველოდა და რომელთა მეოხებითაც მე გავიარე ორი მოსამზადებელი და ორი უმთავრესი კლასი. იმ დროს ხუთმეტ-თექვსმეტის წლის ბიჭი ვიყავ, უკვე კარგათ ვიცნობდი ჩემ თავს და, კეკეს ხელში დახელოვნებული, გოგოებს თვალებს ვუბრიალებდი. დიახ, ვერ დამისურათებია, რა მანქანების წყალობით გადავდიოდი კლასიდან კლასში, მახსოვს მხოლოდ, რომ მესამე, მეოთხე კლასში სულ დარკვეთელი, ტალიკ-ტალიკი ბიჭები ვიყავით და გაკვეთილებიდან თავისუფალ დროს ლაზღანდარობასა და გოგო-ბიჭობას ვანდომებდით...

საქმე აქამდის მოსვლა იყო, თორემ აწი აღარა გვიჭირდა-რა! ზნე-დაცემულ და გამოთაყვანებულ მასწავლებელთა გარდა, ორი-სამი რიგიანი და თავისს საქმის მოყვარული მასწავლებელიც შეიქმნა ჩვენი ხელმძღვანელი და, ცოტა რომ ჭკუა მომეკრიკნა, იქნება სამუდამოთ გამოვკეთებულიყავ, მაგრამ გარშემო სიკეთეზე უფრო ბევრი სიავე მეხვია და მაცდურებამ თავისი გაიტანა.

არ ვიცი, საიდან, მაგრამ ბევრი ჩვენთაგანი წიგნე-

ბის მაგიერ (მართლა, რიგიანი წიგნების კითხვაც — გარდა ბერების თავგადასავალის აღწერისა, — აღკრძალული გვექონდა) — შოულობდა ჟინის აღმძვრელ სურათებს, მოჰქონდა კლასში, შეჰყრიდა ხოლმე ამხანაგებს და აჩვენებდა. ჯანითა და ღონით სავსე ყმაწვილები წუმწუმასავით ვენტებოდით და მთელ ჩვენ ოცნებას ვშხამავდით...

გარყვნილნი გონებით, გაფუქსავატებულნი ხასიათით, სწორეთ აფთრები ვიყავით, შეგირდობის დროს, და არა ერთი და ორი სისაძაგლე ჩაგვიდენია. ლოთობა, კრივი, არიფანა, ჩხუბი და დავიდარაბა ჩვენი თანაგზაურნი იყვნენ. მართალია, სასწავლებლის მთავრობა ათასში ერთხელ გაგვიგებდა ხოლმე ეშმაკობას, რისთვისაც გვამწყვდევდნენ კარცერში, ყოფაქცევის ნიშნებს გვიკლებდნენ, გვრიცხავდნენ კიდევ სასწავლებლიდან, იმის დასანახვებლათ, რომ „ასე არ უნდა მოიქცეთო“, მაგრამ ეს ზომები აღამიანათ ვერ გვაქცევდნენ.

„ასე არ უნდა მოიქცეთო!!“ მაშ როგორ უნდა მოვქცეულიყავით?..

ჩვენ გვინდოდა სიცოცხლე, მოძრაობა, საღი სწავლა-ცოდნა და ჩვენი მასწავლებლები კი რაღაც უტვინო საგნებით „გვწვრთნიდნენ“, ჩვენზე უარესი გარყვნილები იყვნენ, ჩვენ სულოსა და გულს ვერ უდგებოდნენ!.. ღვთის ანაბარა მიგდებულნი, უპატრონონი, რასაცა ვხედავდით და ვგრძნობდით, იმასვე ვასრულებდით...

სასწავლებლის უკანასკნელ კლასში ვიყავი. ახლათ უღვაშებ ამწვანებული ვყოყლოჩინობდი, თავი ნასწავლკაცათ მომქონდა, უვიცსა და უტვინო ნათესავ-ნაცნობებს ვებრანქებოდი. ვგრძნობდი კი, რომ ცოდნა არა მქონდა-რა, მაგრამ ჩემ მახლობელთა შორის მაინც პირ-



ველი ვიყავ და ეს კი რაღაც კმაყოფილებით ავსებდა ჩემს არსებას. მასწავლებელი და ამხანაგებიც გვარიან ყმაწვილათ მთვლიდნენ. განსაკუთრებით მოვწონდი ქალთა სკოლის უფროსს, ახლად შეღერებულ მოწაფე-ქალებს: ალბათ ისინიც ჩემსავით გულ-ტვინი ამღერებულნი თუ იყვნენ, რომ ჩემ გაცნობას ბედნიერებათა სთვლიდნენ. თარა-თარა დამდევდნენ უკან, ათას გვარ წერილებსა მწერდნენ, მეც ვუბასუხებდი ხოლმე. ერთსა და იმავე დროს, მგონი, ცხრას გამოვუცხადე „სიყვარული“, თუმცა მე არავის სასიყვარულოთ არა ვარ დაბადებული, რასაც მაშინვე ვგრძნობდი.

ქალების მარტო მოლორება—მოტყუება მიყვარდა და ასეთი ჩემი საქციელი კი დიდ სიამოვნებას მანიჭებდა ხოლმე, ვიდრე ის გრძნობა, რომელსაც სიყვარულს ეძახიან. მიყვარს ქალთა ცრემლები, მათი ნაწვიმარი თვალები! მე გულში მეცინება ხოლმე, როდესაც იგინი, ვითომ სიყვარულით დამწვარ-დადაგულნი, მეხრუკებიან და ციცასავით თვალებსა სკუტავენ. მე ამ დროს მეფე ვარ მათი, ისინი კი ჩემი მონანი. ამას იქით ქალთან ურთიერთობა მე ვერ წარმომიდგენია... ახია, მათზე! რათ არიან ცბიერები, მატყუარანი და გულ-ზვიადები, ნუ თუ არ მოსწყინდათ ტიკინობიას თამაში? მათი თვალთმაქცობით არის ქვეყანა დაღუპული!..

ჰო—იმას ვამბობდი, —ძრიელ მოვწონდი-მეთქი ქალთა სკოლის შეღერებულ, სისხლათა და ხორცათ გარდაქცეულ გოგონებს, მაგრამ მე ისინი არ მომწონდნენ. ჩვენებურ, ჩემი დროის ქალთა, სკოლაში მარტო სიარულს ასწავლიდნენ: უცხო ენაზე გამოუსადეგარ საგნების სწავლებით აქლურტულებულნი, იგინი უკვე გახრწნილნი

იყვნენ, სხეულით თუ არა, სულით მაინც და ტანცი-მანცობა კავალერების არჩევაში დახელოვნებულნი ბევრ ჩემისთანა ბიქს ყინულზე გააცურებდნენ... მე იმ დროს მომწონდა ჩვენი ზედამხედველის მოახლე კესა.

ხშიადივით შეკრული და სატაცურივით ტან-აყრილი ბუნების ნამდვილა შვილი იყო. ისეთი მკვირცხლი თვალები ჰქონდა იმ დასაქცევს, გეგონებოდათ, ცეცხლს აწვიმებსო. ბელურასავით დაბუა, მწყერივით დაგოგმანებდა ხოლმე ეზოში—(ზედამხედველის ბინა სასწავლებლის ეზოშივე იყო)—და ტალღასავით მიაარხვედა ახლად აკოკრებულ გულ-მკერდს. გამიტაცა მისმა გარეგნობამ და დღე-ღამე სულ კესაზე ვფიქრობდი... ვფიქრობდი, როგორ დავახლოვებოდი, როგორ შემეცდინა ისე, რომ არაფის გაეგო... დიას, აჩაფის!

უნდა გამოვტყდე, რომ სასწავლებელში მუდმივმა ფლიდობამ, მუდმივმა თვალი-მაქცეობამ, იმ გარემოებამ, რომ სიმართლისათვის ხშირათ კისერში წაგვკრავდნენ ხოლმე, რისთვისაც თითოეული ჩვენთაგანი იძულებული იყო ეყალთაბანდნა და თავი მოეკატუნებინა,—ხასიათის ერთი იეზუიტური თვისება შემძღვნა. ეს თვისებაა: საზოგადოების მოტყუებაა. საზოგადოება არ სძრახავს იმას, ვინც თვალი-მაქცობს, თუმცა კარგად იცის მისი საქციელი. საზოგადოება მხოლოდ მაშინ აყაყანდება ხოლმე, როდესაც მისი ცრუ-მორწმუნობა, მასი ვითომდა სიწმინდე იბღალბება რომელიმე „ბრიყვისაგან“.

მე ვიცი, მაგალითად, რომ საზოგადოება არ იღებს ოჯახებში ჯვარ-დაუწერელად ერთგულ შეუღლებულთ,

ხოლო მრუმე ცოლ-ქმარს კი ორივე კარებს სიამოვნებით გაუღებს ხოლმე.

„ბერძნულის ენის გაკვეთილი გვექონდა. მოწაფენი გულ-მოდგინებით უგდებდნენ ყურს ბერძნულ ტროპარის კითხვას, რომელსაც ერთ-ერთი მოწაფე კითხულობდა მასწავლებელი „ლადნა“ (ასე ვეძახდით) ყვავის კიკოსავით წამომჯდარიყო მაგიდასთან და სთვლემდა. მე კი, სულ უკანა პარტაზე წამომხართეძობული, კარანდაშით ქალაღზე კესას სახესა ვხატავდი და თან ჩემ გუნებაში ვეაღერებოდი.

— ბ-ნო ფიჩხაშვილო! — დამიძახა „ლადნამ“ — გთხოვთ განაგრძოთ.

ჩემდა საუბედუროდ, იმ ტიალმა მარტო ჩემი გვარი იცოდა, რადგანაც ერთხელ იგი სიკვდილს გადავარჩინე — მთვრალი არხში გადავარდნილიყო.

მე დავფაცურდი. უბედურობა ის იყო, რომ არც თუ წიგნი მქონდა თვალ-ყურს არ ვადევნებდი და დანარჩენ მოწაფეთაგანაც ძალიან შორს ვიჯექ (ჩემ წინ რამდენიმე ცალიერი პარტა იდგა). ფაცი-ფუცში ფენი წამოვკარ ჩემ წინ მდგარ პარტას და ერთს ბეჯით მოწაფეს გადავაწყდი. იმან ბუზღუნნი შეჰქნა, დანარჩენებმა კი ასტეხეს უშველებელი ხარხარი.

— რა ამბავია? — დაიყვირა ლადნამ. მოწაფენი უფრო ახმაურდნენ. ლადნამ შემატყო, რომ ვცუღლუტობდი და დამიყვირა.

— **Вонъ изъ класса-**ო (გარეთ გაეთრიეო). მეც ეს მინდოდა. გაკვეთილი ახალი დაწყებული იყო, მოწაფენი — კლასში გამოწყვდევლნი, ხოლო კესა კი ეზოში

საფენსა ჰბერტყდა. მე ჯერ გავინაზე, მაგრამ, ლაღნამ მეორეთ რომ გამიმეორა თავისი ბრძანება, ერთი საცოდავად დავიღრიჯე—შეგირდების გასაცინებლად—და მოვცოცხე.

მოწათენი ხარხარებდნენ, ლაღნა კი გაცხარებული დარბოდა და გამწარებით იფურთხებოდა.

— კესა... კესა-მეთქი!—ვეღრიჯებოდი გოგოს, ხარხაზე გადაფენილ ხალიჩების უკან აფარებული, და თან ყელს ვუწევდი.

— კვნესა და შავი ქვა! რა გნებავსო?—ვითომდა გაჯავრებით დაიხურჩულა კესამ და საფენს უფრო გულმოდგინეთ დაუწყო ბერტყა.

მე აღარ ვუსვენებდი, ათას გვარ სააღერსო სიტყვებს ვეუუჩუნებოდი და იქამდის მივიყვანე, რომ გამიცინა და ბროწეულივით აწითლებულმა თვალი-თვალში გამიყარა.

ჩემმა შეხედვამ, რომელითაც გრძნობათა უძირო მორევი გამოვხატე, ისეთ-ნაირათ შეჰკრა, დაიმონა კესა, რომ იგი აღარაფერში უარს არ მეტყოდა... ზოგიერთ კაცის თვალი გველსაც კი დაიმორჩილებს, დაადუნებს ხოლმე.

უნდა მოგახსენოთ, რომ კესაზე რამდენჯერმე მქონდა იერიში მიტანილი და ისედაც ვექცეოდი, რომ იმან ჩემი ნდობა და სიყვარული გულში უკვე ჩავარდნილი ჰქონდა. შეყვარებული ქალი კი—მერე ისიც თუ პირველად არის შეყვარებული—საყვარელი კაცისათვის ცეცხლსაც კი არ მოერიდება, ამიტომ შევეხვეწე—სალამოზე ქილაქის ბალში, ყრუ ხეივანი რომ არის, იქ მოდი-მეთქი...

— კესას ხმა არ გაუცია, მაგრამ ისეთის თვალით შემომხედა, რომ სიტყვიერ დასტურსა სჯობდა.

— ჰა, მოხვალ თუ არა, ჩემო სალოცავო, ჩემო მტრედო? ვერ ხედავ, როგორ მიყვარხარ-მეთქი! — კიდევ დაველრიჯე და ხელით კოცნა გავუგზავნე. კესა ცელაბტარივით აენტო, შუბლ ქვეშიდან ალერსიანათ შემომხედა და წაიდუღუნა.

— თუ ჩემი ქალბატონი წამოვიდა სასეირნოთ, მეც წამოვყვებიო.

ის ის იყო, კიდევ რაღაცა უნდა მეთქვა, მაგრამ ამ დროს ჩამოფარებულ ხალიჩას ქვეშიდან ჩვენი ზედამხედველის მორგვის ოდენა ფეხები დავინახე — ჩვენკენ მოდიოდა. შიშისაგან მუშტის ოდენათ გარდავიქეც, კედელ-კედელ გავიპარე და ერთ წუთს ისევ კლასში გავჩნდი. ზედამხედველი ბეცი იყო და, მგონი, ვერ დამინახა...

გაკვეთილების შემდეგ გიჟივით ვისადილე, ფეთაანივით გამოვარდი კარში და ბალისკენ გავწიე. იქ სალამომდის მსურდა, კესას მოლოდინში, ტბილს ფიქრებს მივცემოდი...

კესას მოუსვლელობაზე ეჭვი არც კი მქონია. მისი ქალბატონი — ცოლი ჩვენის ზედამხედველისა, — იმგვარ ქალთაგანი იყო, რომელიც ტყუილათ, განგებ, ეპრანქება ქმარს, მუდამ ავადმყოფობს, მუდამ რაღაცას იტკივებს, ხაზხავეებს და სალამ-საღამოობით ხშირათ გარეთ დასეირნობს ხოლმე — ვითომდა საჰაეროთ. მე კი ვიცოდი, რომ პატივცემული ევგენია პავლოვნა — ასე ერქვა კესას ქალბატონს — ერთ კოხტა-პრუწა აფიცერს ეარშიყებოდა და ქალაქის გავერანებულ და მიყრუებულ ბაღში, ყოველ საღამოს, პაემანს უნიშნავდა. ხოლო ქმარს რომ ეჭვი არ

აელო, გოგოსაც თან იახლებდა ხოლმე. გოგო კი მოსყიდული ჰყავდა, როგორც არა ერთსა და ორ ქალბატონსა ჰყავს ხოლმე მოსყიდული, და, როდესაც ვეგენია ჰავლოვნა შეხვდებოდა სატრფოს, გოგოს რომელსამე სკამზე დაჯდომას და მოცდას უბრძანებდა ხოლმე...

ჯერ ისევ ბინდ-ბუნდი იყო. დანიშნულ ხეივანში, ბუჩქებით დამალულ სკამზე ჩამოვჯექ და ფოთლების თითოეულ გაფუჩუნებაზე ირემივით ყურებს ვწურავდი. რამდენათაც ახლოვდებოდა კესას მოსვლის დრო, იმდენათ გული უფრო საშინლათ მიძგერდა, და სიამოვნების თავს-ბრუ მესხმოდა. იმჟამად მიყვარდა კესა, თუ პირუტყვულ გრძნობას დავემონებინე, დანამდევ ლებით ვერ ვიტყვი, ხოლო კესამ რომ ჩემ გულში სამუდამო ხსოვნის ძეგლი აღმართა, ეს კი ეჭვს გარეშეა—კესაა ერთადერთი ქალი, რომელიც ყველაზე ღირსეულად მიმაჩნია, შეიძლება, იმიტომ რომ იგი სულითა და ხორციით გაურყვნელი, უმანკო იყო. ან იქნება იმიტომ მიმაჩნია ღირსეულად, რომ ყველაფერი მაპატია, უსინიდისოს სინიდიისიერად განშორდა...

თუ საიქიოს არის რამე, მეც-კი მონანიებული შევხვდები!...

ყრუ, ბნელი საღამო გამეფდა. 9—10 საათი იქნებოდა, და კესა კი არსად იყო. ბალის განათებულ ნაწილში ხალხი ქილყავივით დაფროტიალეებდა, და ეს უფრო მაბრაზებდა. მოთმინების ძაფი გამიწყდა... კესას უდიერათ ვიხსენებდი. ამ დროს ბუჩქები შეირხა და კესა ქურციკივით გადმოხტა.

— კესა! ლოდინით რად მომკალ-მეთქი!—ერთით კიდევ ვუსაყვედურე კესას და გულში ჩავიკარ. კესა

თრთოდა,,. განთავისუფლებას სცდილობდა და თან მე-  
ლულლულულებოდა.

— მე... მე... მაპატიე... ბატონი... ქალბატონი...  
აქ არიან... არ იქნება!... გამიშვი, ჩემო კარგო, აღარ  
გინდა, რომ მეორედ მოვიდე შენთან?..

— შენ სამუდამოდ ჩემი ხარ, სუყოველთვისაც ჩემთან  
იქნები, ჩემო ზიარებავ, ჩემო სიცოცხლევ! — ვუჩურობდი  
დი მეც და თან თვალებს ვუკოცნიდი. კესა მოდუნდა,  
დაითენდა და წურბელასავით დაეწათა ჩემ ტუჩებს...

დასწყევლოს ღმერთმა ბოროტი ადამიანის გულის-  
თქმა, თორემ რატომ არ დავინდე ის უმანკო არსება,  
რატომ არ შევიბრალებ, რომ მაინც ასე აღარ დავტანჯული-  
ყავ!...

ამ დღიდან ხუთი-ექვსი თვე თითქმის ყოველ დღე  
ვუნიშნავდი ხოლმე პაემანს. რაც დრო გადიოდა, კესა  
უფრო ჰგიჟდებოდა ჩემთვის, მე კი გული ამიკურდა და,  
ერთ მშვენიერ დღეს სამუდამოდ გამოვეთხოვე. სწავლა  
ახალი დამთავრებული მქონდა და საგუბერნიო ქალაქში  
ვაპირებდი სწავლის განგრძობას. იმ ხანებში დედაც მო-  
მიკვდა, და კესა მოვატყუე, როდესაც დედას გამოვი-  
გლოვებ, იქნება, მაშინ დავიწერო-მეთქი შენზე ჯვარი...

გავიდა რამდენიმე ხანი. მე კესა აღარც კი მომგო-  
ნებია. იმან კი ვეღარ აიტანა ჩემი დაშორება, ვეღარ  
გაუძლო კდმა-მოსილების დაკარგვით გამოწვეულ სირ-  
ცხილს და... წყალში თავი დაირჩო!...

კესას-მიერ თავის განწირვამ, ცოტა არ იყოს, გამო-  
მაფხიზლა, საგონებელს მიმცა. რალაც სინიდიისის ქენჯ-  
ნისებური ვიგრძენ და ერთ ხანს გულიც მწუხარებით

მიკენესდა... მაგრამ მალე ისევ გავფულგრილდი. ჩემმა ბურანში მყოფმა სინიდისმა ისევ მიიძინა, რასაც ხელი შეუწყო ორმა გარემოებამ. პირველი და უმთავრესი იყო ის გარემოება, რომ მე და კესას დამოკიდებულება არავინ იცოდა. თვით კესა მალავდა ამას ჩემის თხოვნისამებრ და ისე წმინდათაც შეასრულა ჩემი თხოვნა, რომ სიკვდილის დღესაც არავის გამოუტყდა, არავის შეატყობინა, რომ მე ვიყავ მიზეზი იმის თავის განწირვისა. მაშასადამე, ხალხის, საზოგადოების თვალში მე ისევე უბიწო დავრჩი და ჩემ თავთან ბრძოლა ხომ ჩემ ხელში იყო! მეორე გარემოება ჩემის თავდავიწყებისა კიდევ ის იყო, რომ მე გადმოვსახლდი საგუბერნიო ქალაქში და სწავლის განსაგრძობად ერთ-ერთ საშუალო სასწავლებელში შევედი.

ეს სასწავლებელი განგრძობა იყო სამაზრო სასწავლებელისა. აქაც ისეთივე სუნი ტრიალებდა, მხოლოდ იმ გარჩევით, რომ უფრო მოსაზრებული და წინდაწინ განზრახულ-შემუშავებული გეგმა იყო მოწაფეთა დევნისა. აქ უფრო დახელოვნებული ზედამხედველები, წინ დახედული ჯაშუშები და სასტიკი მთავრობა გვყავდა. რასაკვირველია, ჩვენი, ბავშვებით, დარიგება გვიან-და იყო, რადგანაც სულ-ყველანი დავაჟაკებულნი ვიყავით და ამიტომ ჩვენის გულ-შემატკივარის მთავრობის მთელი ყურადღება მიქცეული იყო იმაზე, რომ მოწაფეთ თავისუფალი აზროვნება არ გაღვიძებოდათ და შიშსა და მორჩილებას შესჩვეოდნენ...

ძნელია გამრუდებულის ხის გასწორება და ძნელი საქმე იყო ჩვენი გამოსწორებაც. ვინც როგორი ვიყავით, რსეთივე დავრჩით და ამიტომ უფრო სასტიკი მოპყრობა



და დამცირების ქარცეცხლი გავიარეთ, რამაც მეტი ფლიდობა და ორპირობა შეგვიძინა.

ის ნიადაგი ფლიდობისა და ურწმუნობისა, რომელიც დაბალ სკოლებში მოგვიმზადეს, აქ უარესათ გამტკიცდა... მაგრამ ბოლოს მაინც დიდებულმა პედაგოგებმა გაიმარჯვეს. ისეთები გამოვედით ცხოვრებაში, როგორიც იმათ უნდოდათ. მე კი რა ადამიანებში ჩასაგდები ვარ, მაგრამ ისინიც კი, რომელნიც ბუნებისაგან უხვად იყვნენ თავილდოვებულნი ნიჭით, ჯანსაღობითა და ხასიათის სიფაქიზით, განახევრკაცებულნი, თავანკარქუა-დაკარგულნი გამოვიდნენ ამ სკოლიდან და, აბა ვილასთვის რა საშიშარნი არიან? მაგრამ, მგონი, ცოტა წინ გადავხტი. მე ის უნდა მეთქვა, რომ საგუბერნიო ქალაქში გადმოსახლებამ გამართო, კესას სიკვდილით გამოწვეული დარდი გულიდან გადამფერა მეთქი.

გარდა იმისა, რომ დიდმა საგუბერნიო ქალაქმა თავის ათასგვარის მაცდურებით თავს-ბრუ დაბასხა, ხოლო ჩემმა ყოფილმა და ახალმა ამხანაგებმა თავის უზრუნველობით და უპატრონობით კვლავ ლხინ-ქეიფარშიყობისაკენ გამიტაცეს, თვით ჩემი სახლის პატრონებიც ისეთები აღმოჩნდნენ, რომ, ჩემისთანა სუსტი ხასიათის კაცს კი არა, თვით ეშმაკსაც კისერს მოატყუებინებდნენ.

უსახელო ქუჩაზე, სადაც ახლა შესანიშნავი და ძვირფასი ქარვასლა წარმოუდგავს ვილაც ყარაბაღელ სომეხს, მაშინ, — როდესაც მე ახლად ჩამოველ დიდ ქალაქში, — ჩამწკრივებული იყო პატარ-პატარა სახლები. ერთ მათგანის ფანჯარაზე გამოკრული იყო ქალაღდის პაწია ნაჭერი, რომელზედაც ეწერა: „აქ იძლევა ქირით ოთახი, წყალი, სადილი და ყოველივე მოწყობილება.

უპირატესობა დაეთმოება უცოლო, ახალგაზდა კაცსო“. მე ამ დროს სწორეთ ბინის დასაქერათ დახეტილებდი ქალაქის ქუჩებზე და ეს ქალღი რომ დავინახე, თამამად შევადე ეზოს კარები.

— რომელი სახლი იძლევა-მეთქი ქირით? — ვკითხეთ ერთ შუახნის, ძალზე ჩასუქებულ მანდილოსანს, რომელიც დაბალ აივანს გადმოჰყუდებოდა.

— აქეთ მობრძანდით — დაიბუბუნა იმ მანდილოსანმა და საი-ფეხა კიბეზე მიმიითთა.

მე აივანზე ავედი, ზრდილობიანათ მოვუხადე ქული და ჩემი თავი გავაცან.

სახლი მომეწონა... მაგრამ არა! სახლზე უფრო მომეწონა ერთი ქერა-თმხანი, ასე 20-23 წლის, ქალი-შვილი, რომელიც გაზაფხულის იასავით ლურჯ თვალებს ეშმაკურათ ატრიალებდა, და ხნიან დედაკაცს ბეცდავუტოვე. იმ დღესვე გადმოვზიდე ბარგი ჩემს ახალ ბინაზე და შევეუდექე შეგირდულ ცხოვრებას. მაგრამ შეგირდული კი იყო ჩემი ცხოვრება? ჰმ?...

სალამოს, ჩაის დროს, ვიჯექ ჩემთვის მოჩენილ ოთახში და ზარმაცათ ვათვალიერებდი ხვალინდელ გასაკვეთს. ეს გასაკვეთი ერთი რაღაც უაზრო, უშინაარსო და „ტექსტებით“ აქრელებული ვილაც ბერის განმარტება იყო ღვთის სამპიროვნების შესახებ. ბევრჯელ წავიკითხე და, რომ ვერა გავიგე-რა, გადავწყვიტე სიტყვასიტყვით დამესწავლა. წავიკითხამდი ხოლმე წერტილიდან წერტილამდე და მერე წაკითხულს თვალეხ დახუჭული თუთიყუშივით ვიმეორებდი.

ჯერ გასაკვეთის ნახევრამდისაც არ ვიყავ ჩასული, რომ თავს-ბრუ დამესხა და გულ-ამღვრეულმა ერთილაზა-

თანათ შევუკუროთხე მის დამწერს. წიგნი განზე გავწიე, დავეყრდნე იდაყვებზე და ისევ თავიდან დავიწყე ზეპირათ თქმა. მე რომ ურიების ხახამივით ვბურტყუნებდი, გაილოკარები და დიასახლისმა შემომძახა:

— მობრძანდი, ჩაი მიირთვიო!

მართალი გითხრათ, ძლიერ გამეხარდა, რომ ერთის წუთით მაინც მოვუმორღებოდი უაზრო „ზუბრვას“, და მეორე ოთახში გავედი.

მაგიდაზე მდგომ მტრედევით მოღუღუნე და ოქროსავით გალაპლაპებულს „სამოვარს“ შემოსხდომოდნენ, დილით რომ ქილი ვნახე იმის გარდა, კიდევ სხვა ქალებიც, ერთი-ერთმანეთზე უკუთესები.

— გთხოვთ იცნობდეთ! — მომმართა დიასახლისმა — ჩემი ქალებია.

— ძლიერ სასიამოვნოა-მეთქი! ვუბასუხე, სათითაოთ ყველას ხელი ჩამოვართვი და თავისუფალ სკამზე ჩამოვჯექ. რამდენსამე ხანს ხმა-ამოუღებლივ ერთმანეთს ვათვალიერებდით.

— ხმ!... ჩაახველა ერთმა და გაიღიმა.

— ხმ! ჩაახველა მეორემაც და აშანაც გაიღიმა.

— სად გაცივდით, ქალებო! მარა... თავს რომ არ უფთხილდებით!... უსაყვედურა დედამ.

მე ისევ მუნჯივით ვიჯექ და ყველას ვათვალიერებდით. ხანდისხან თვალეები სიტყვის მაგიერობას სწევენ ხოლმე, და მე ვიგვრძენ, რომ ყველას მოვეწონე (უსახური ახალგაზდა არ გახლდით.), და მეც — ცოდვა გატეხილი სჯობია — ყველანი მომეწონენ... დროა, ვალიარო ერთი თვისებაც ჩემის ხასიათისა, რომელიც იმთავით ამთავამდისე შმაკივით ამეკვიატა. ეს გახლავთ — ქალებით გატაცება.

ქალთან შეხვედრა, როგორც და რანაირიც უნდა ყოფილიყო იგი, ყოველთვის აღმიძრავდა ხოლმე მღვრიე გულის-თქმათ. გულ-გრილათ ქალის ყურება მე არ შემეძლო, თუ იგი ჩემი ძლიერ მახლობელი ნათესავი არ იყო. გავიცნობდი თუ არა ქალს, მაშინვე მასთან დაახლოვების სურვილი გამიტაცებდა ხოლმე და ეს სურვილი იქამდის ძრიელი, იქამდის მაცდური იყო, ხოლმე, რომ ხშირათ ვეძლეოდი თავ-დავიწყებას, რამაც არა ერთხელ და ორჯელ ჩამაყენა უხერხულს მდგომარეობაში. მაგრამ ამაზე ქვევით, ახლა კი უნდა მოგახსენოთ, რომ ეს სურვილი გამბედაობას, სითამამეს მიმატებდა ხოლმე. მთელი საათობით შემეძლო ქალებთან ლაყბობა, თავის-მოწონება. თუმცა ისიც კი მშველოდა, რომ ძლიერ კარგათა მქონდა ჩემი ღრრის ქალების ხასიათი შესწავლილი. ერთის გამოლაპარაკებით ვატყობდი, რაგვარ ქალთან მქონდა ხოლმე საქმე და მეც იქით მხარეს ვმართავდი ჩემს მჭევრმეტყველებს საჭეს. მე თითონ არ ვიცი, საიდან ვიგონებდი იმდენ სასაცილო ამბებს, სადა ვპოულობდი ხოლმე სიტყვებს, მაგრამ ეს კი ვიცოდი, რომ ჩემი მომსმენი ქალები მოხიბლულები რჩებოდნენ და ჩემთან ყოფნას ნეტარებათა სთვლიდნენ.

სამაგიეროთ კაცების საზოგადოებაში ვიყავ საშინელი უტყვი! მართალია, აქაც რიხს არ ვიტყვდი ხოლმე, ვღებულობდი სახის ჭკვიანურ გამომეტყველებას, და ისეთ ღრმა ფიქრებს ვეძლეოდი, გეგონებოდათ, ამ კაცმა რომ ლაპარაკი დაიწყოს, ქვეყანას გადააბრუნებს, ყველას აზრს გააბათილებსო, მაგრამ მე მაინც ვსდუმდი და ვსდუმდი. ამ ჩემ დუმილს ერთნი ჩემის სიღარბისლითა ხსნიდნენ, მეორენი — ჩემის ხასიათით, მხოლოდ მარტო მე

ვიცოდი, რომ არ ვიყავ მომზადებული, არაფერი გამე-  
გებოდა-რა და, ვაგლახათ ენის ქარტალს, ისევ ბრძნულ-  
სიჩუმეს ვამჯობინებდი...

— მიირთვით ჩაი—გაგიცივდებათ! ღიმილით დაარ-  
ღვია სიჩუმე უფროსმა ქალმა, რომელსაც ნატაშა ერქვა.

— გნებავთ, გამოვცვლი? — სიტყვა გააწყვეტინა შუა-  
თანამ, რომელსაც დაშას უძახდნენ.

— დაატკბეთ-კი? დამეკითხა მესამე—გლათირა.

— კარგი, ნუ მორცხვობთ, პოჟოლუსტაო! ღიმი-  
ლით მომმართა კატერინა ივანოვნამ—ქალების დედამ.

ახლა კი, — მართალი გითხრათ — ავირიე. ერთი კაცი  
და ოთხი ქალი! აღარ ვიცოდი, პასუხი რომლისათვის  
მიმეცა. ერთხელ კიდევ ავათვალიერ-ჩამოვათვალიერე  
მუხის ტოტებზე შემომსხდარ ქედნებივით დაბუა ქალები  
და უცბად ერთმა აზრმა გამიელვა, აზრმა გარყვნილმა და  
გათახსირებულმა: „მოდრი ჯერ-ჯერობით ყმაწვილ ქალებს  
თავს დავანებებ და მათ დედას გავუარშიყდები-მეთქი.“  
ერთის შეხედვით, აქ საკვირველი არა გეჩვენებათ-რა,  
მაგრამ მე კი იმ წუთში შემდეგი გეგმა დავიხატე: «ეს  
ქალები, როგორც ეტყობათ, ცოტა მსუბუქები უნდა  
ბრძანდებოდნენ და, რაც უფრო გავინახები, ჩემთვის უფ-  
რო სასარგებლო იქნება-მეთქი“ და...

ქალებს აღარ ვუყურებდი, მარტო კატერინა ივა-  
ნოვნას ველაპარაკებოდი

— ნურც ისეთი მორცხვი გგონივართ მეთქი, — ღიმი-  
ლით ვუთხარი.

— ღმერთმა ქნასო! შოკლეთ მიპასუხა ივანოვნამ  
და ისეთი თვალით შემომხედა, რომ ეს დედაკაცი წმინდა  
სულისა არ უნდა ყოფილიყო.

იმ საღამოთი დიდ ხანს არ დაგრჩენილვარ დიასახლისებისას. ნაჩაიევს ქალები მოიკაზმენ და სასეირნოთ გასწიეს. მე და კატერინა ივანოვნამ კიდევ რამდენიმე წუთი ვილაპარაკეთ. ამ ლაპარაკიდან შევიტყე, რომ კატერინა ივანოვნა ქვრივი ყოფილა. ასე 40x45 წლის (თუ არ იცრუა) და თავისს ქალებთან ერთად სცხოვრობდა თავისი შრომით. უფროსი ქალი ნატაშა ქმარს გამოჰქცეოდა, როგორც ლოთსა და მხეცს, შუათანა— დაშა—უდროოთ დაქვრივებულიყო, ხოლო უმცროსი— გლაფირა—ჯერ ისევ გასათხოვარიაო. —დაბოლავა ეკატერინა ივანოვნამ და ჩაი კიდევ შემომითავაზა. მე მადლობა გადაუხადე და ჩემ ოთახში გამოვედი.

ჯერ აზრები არც კი მომეკრიბა, ჯერ ვერც კი გამოვრკვეულიყავ იმ შთაბეჭდილებათაგან, რომლებიც ჩემზე ამ ქალებმა მოახდინეს, რომ ჩემს ოთახში შემოვიდა ეკატერინა ივანოვნა, დამიჯდა გვერდით და დარბევა დამიწყო, თანაც საშინლათ ოხრავდა და სწუხდა ქვეყნის გარყვნა-გათახსირებისა გამო, მხოლოდ თვალის კილოვებში და აღეწილ სახეზე ეტყობოდა, რომ ეს დიდი მორალისტი (ზნეობის მქადაგებელი) დიდი კუდიანიც უნდა ყოფილიყო.

— შენ ყმაწვილი ხარ, ჩემო კეთილო, —მეუბნევოდა კატერინა ივანოვნა—ქალაქი კი ათასის მაცდურებითაა სავსე, თავს უნდა გაუფთხილდეო.

— მე იმდენი სასწავლელო მაქვს, რომ ვინ მომაცლის ქალაქის მაცდურებისათვისა-მეთქი, —უმანკო კილოთი ვუთხარ კატერინას და წიგნებს დალაგება დავუწყე. არ ვიცი, მიმიხვდა თუ არა კატერინა ჩემ ეშმაკობას,

ხოლო, როდესაც იგი ჩემის ოთახიდან გავიდა, დავემხე ლოგინზე და დიდხანს ყრუთ ვიცინოდი...

ან კი რა მქონდა საცინელი მე უბედურსა, მაგრამ მოშხამული გულის-თქმა ადამიანის გამამხეცებელია. მეც დღემდე მხეცი ვიყავ! ხოლო კატერინას ოჯახში რომ სიმხეცე ჩავიდინე, იმისთანა ველურებშიაც არ მოხდება. მოკლეთ მოგახსენებთ. „ერთისა თუ ორის თვის შემდეგ ზემოდ ნათქვამისა, კატერინა ივანოვნამ პირდაპირ, ურცხვად შემომძღვნა თავი თვისი და მეც გავპირუტყვი, თუმცა იმაზე წინააჲ მისი ორი უფროსი ქალიშვილი ჩემთან უკვე დაახლოვებულნი იყვნენ... დამრჩა-ლა მეოთხე — გლაფირა, — რომელიც ძალზე მეხრუკებოდა და იმასთანაც დიდი ცერემონია აღარ გამიწევია.

ერთი კაცი ფაშასავით ვცხოვრობდი ოთხ დედაშვილებთან თითქმის მთელი წლის განმავლობაში. და ბოლოს მევე შემრცხვა ჩემის საქციელისა და ერთ დღეს იმათ სახლიდან ავიბარგე.., დედაშვილებმა ერთმანეთს გადააბრალეს ჩემი იმათი სახლიდან გაქცევის მიზეზი და ისეთი ორომტრიალი მოუხდათ, რომ, თუ მევე არ მივშველებოდი და არ დამემშვიდებინა, ერთმანეთს დაჰქოჩრავდენ... შემდეგ გავიგე, რომ ისე ხელოვნურათ ატყუებდნენ თურმე ერთმანეთს ეს ოთხივენი, რომ თითოეულს მარტო თავისი საკუთარი საყვარელი ვეგონე... მეც კი ყველას ვატყუებდი!..

ვწერ ამ ეპიზოდს ჩემის ცხოვრებიდან და მევე, მომქმედს ამ საზიზლარის საქმისას, მიკვირს და გამკვირვებია ადამიანის ბუნება. აქ გაჭირვებით, ხელმოკლეობით გამოწვეული, მისგან იძულებული გარყვნილობა არ იყო. მე რომ არა მქონდა რა, იმათ რას მივცემდი? მაშ რამ აი.

ძულათ? ნუ თუ ასე გათახსირებულია ხალხის გულის თქმა? ან იქნება მარტო მე ვარ ასეთი დაცემული, რომ ადამიანობა სულ დამიკარგავს და გავმხეცებულვარ? ოხ, ნეტა ასე იყო, ნეტა მე ვიყო პირველი და უკანასკნელი! დღეს-ხვალ შავი მიწა შთამთქავს და ქვეყანა მოისვენებს ჩემის ონავრობისაგან!..

სწავლის დამთავრებას ერთი თუ ორი წელიწადი-ღა მიკლდა, როდესაც ერთი შესმენილი ოჯახი გავიცან. ამ ოჯახში იმ დროის მთელი განათლებული საზოგადოება დაიარებოდა. ჰმართავდნენ კრებებს, ლაპარაკობდნენ მაღალ საგნებზე, მამულის შვილობაზე, ერის წინამძღოლობაზე, ლიტერატურაზე, მუსიკაზე და სხვა ამგვართა შესახებ.

მე, უკეთური, იმდენათ ვიყავ უვიცობის ქაობში ჩაფლული, რომ პირველათ მესმოდა ასეთი ლაპარაკი, პირველათ ვხედავდი მაღალის აზრების მქადაგებელთ და მით უფრო გული მტკიოდა, რომ არ შემეძლო მონაწილეობა მიმეღო მათ მსჯელობაში, მათ მოქმედებაში.

თოთხმეტ-ხუთმეტი წელიწადი სასწავლებელში ვეგდე და კი არა ვიცოდი-რა! ის ნაწყვეტ-ნაწყვეტი და ჩემ გამოთაყვანებულ მასწავლებელთა-მიერ თავისებურათ ახსნილ-განმარტებული შემეცნებანი, ის სქოლასტიურათ დაღეკილი და უაზროთ შესწავლილი ცნობები ლიტერატურისა, თუ ისტორიის შესახებ, რომლებიც სასწავლებელში შემეთვისებინა, სრულიად გამოუსადეგარნი აღმოჩნდნენ და ჩემი ცოდნა ისე არ უდგებოდა ცხოვრების მოთხოვნილებათ, ცხოვრების შეგნებას, როგორც ცა—დედამიწას... და რაკი უფრო შესმენილ და ცხოვრებისაგან გა-



მოწათფულ ხალხში ჩავევარდი, ჩემი თვალთა ხედვის გაბრუნდებული ისარი მაშინვე შუაზე გადატყდა.

თავ-ზარი დამცა ჩემმა უვიცობამ. გული მომიკლადაკარგულმა დრომ, თოთხმეტ ხუთმეტის წლის გათახსირებულმა წრთვნა-მდგომარეობამ და... უცბათ შემძაგდა ყველა ის, ვინც თურმე მარტო ჩემ გამოთაყვანება-გადგვარებას სცდილობდა. გადავწყვიტე ისევ თავიდან დამეწყო „ანა-ბანა“, მაგრამ იმთავითვე გზა აბნეულმა, კვალი ველარ გავიგნე და ჩემმა ამღვრეულმა გულის თქმამ, ჩემის წამხდარის ცხოვრების ნაკადულმა ისევ თავისი ნაგუბარი მოსძებნა.

ორი-სამი თვის გარეშეთ მეცადინეობის შემდეგ, კვლავ ავეტორლიალე ერთ ქალს. ეს იყო კარგი დედმამის შვილი, მეტის-მეტი სანდო აღამიანი და ლამაზი. იგი ქალი გავიცან ზემოთ—დასახელებულ ოჯახში, მაგრამ ჩემი უმეცრება, — შეგნება იმისი, რომ სრულებით მოწყვეტილი ვიყავ იმ აზრებისა და მიმართულებისაგან, რომელსაც ეს ქალი ემსახურებოდა, — ნებას არ მაძლევდნენ პირველ დღიდანვე იერიში მიმეტანა. გარდა ამისა, ჩემი თავი, ჩემი „მე“ ყოველთვის და ყველაზე უფრო ძალიან მიყვარდა და, ვიდრე ამ „მოწინავე საზოგადოების“ ჰანგსაც არ ავიღებდი, არა მსურდა, თუ ვერ ვახერხებდი ამ წრის ქალებთან არშიყობასა.

ბევრი კარგი აზრი, ბევრი თბილი და უებრო სიტყვა, ბევრი ბროლივით წმინდა და ცეცხლივით ძლიერი მსჯელობა მომისმენია ამ მოწინავეთაგან, მაგრამ მე მათში ვერა ვპოვე საქმე, სიტყვის შესადარი მოქმედება, ნალაპარაკების განმახორციელებელი სიმტკიცე, აზრის დამასაბუთებელი, თავ-განწირვა, უკეთესის ცხოვრების მომნი-

ქებელი. იგინიც, როგორც უმრავლესობა უბრალო მო-  
მაკვდავთა, ლოკოკინებსა ჰგავდენ. თუ მარტოკანი, გა-  
თავისწინებულნი, ან მეგობართა წრეში იყვნენ ხოლმე,  
მოგეცათ ღვთის წყალობა, რომ ისინი დევ-გმირებსა ჰგავ-  
დნენ, თავ-განწირვას ჩალათაც არ აგდებდნენ, ერთმანეთს  
ვაჟაკობას აკვებიდენ, მოძმის გულისათვის სწუხდნენ და  
გლოჯობდნენ, მაგრამ საკმარისი იყო ვისმე, გარეშეს,  
აღმაცერათ გადაეხედნა ამ კრებისათვის, რომ მაშინვე  
ჩიტებივით დამფთხალიყვნენ და თხუნელასავით მიწაში  
ჩამძვრალიყვნენ...

ჯერ ჯერობით მეტს აღარას ვამბობ, რადგანაც მა-  
თი გონებრივ-ზნეობრივი ავლა-დიდება შემდეგში განვი-  
ცადე, და ამიტომ ისევ ჩემ თავ-გადასავალს განვაგრძობ:

თუ დაჰკვირვებისხართ თქვენ ნაცნობებს და თუ იმ-  
დენი ვაჟაკობა მაინცა გაქვთ, რომ სიმართლე აღიაროთ,  
დამეთანხმებით, რომ, სასწავლებლის გარეშეთ დარჩე-  
ნილთა გარდა, თვით ნასწავლებლებში ბევრია ყოვლად უვი-  
ცი, უწვრთნელი, ხეპრე და სხვის თვალებათა-და გონე-  
ბათ გარდაქცეული მამაკაცი, თუმცა, იქნება, საუნივერსი-  
ტეტო ნიშანიც კი ჰქონდეს გულზე მიკრული. მაგრამ  
დედა-კაცები კი უფრო უვიცები არიან და ჩვენებურ  
დილეტანტს მათში უფრო შეუძლიან თავის გამოჩენა.

მეც, შევისწავლე თუ არა ცოტა რამ, მაშინათვე  
კოდნის მოსურნე ქალებს მივემხრე და ყველაზე უფრო  
დაუუახლოვდი ქეთოს (ასე ერქვა იმ ქალს). წინათაც  
მოგახსენეთ და ახლაც ვიმეორებ, რომ მეტის-მეტი მო-  
ქარგული ენა მქონდა. საკმარისი იყო ჩემთვის, ერთხელ  
გამეგონა ვისგანმე ათასჯერ გადაღეჭილი აზრი, რომ იგი  
ჩემებურათ გადამეკეთებინა, ლამაზ-ლამაზი სიტყვებით

შემემკო და დიდის რიხით წარმომეთქვა და, აი, შევიძღვალა ჟღერტული მალალ საგნებზე, პატრიოტობაზე, ლიტერატურაზე და სხვა, მაშინვე ჩავერიე ჩემი დროის ახალგაზდა ქალებში და მალე ყოვლად განათლებული ყმაწვილი კაცის სახელი დავიმსახურე... ნუ დავივიწყებთ, რომ ჯერ ისევ მოწაფე ვიყავ, მოწაფე საშუალო სასწავლებლისა და მით უფრო ჟუკვირდათ ჩემი განვითარება.

ყოველ ჩვენთაგანის უბედურება ის არის, რომ მალე ვეძლევით ხოლმე თავ-დავიწყებას და, თუ ერთი-ორჯერ მოვისმინეთ ვისგანმე ქება-დიდება, ან ორიოდე წერილი დავბეჭდეთ გაზეთში, ან რიგიანი ლექსი და სუბუქი მოთხრობა დავწერეთ, ჩვენი თავი დიდებული პუბლიცისტი, მწერალი და პოეტი გვგონია და ისედაც ვიქცევით, თითქოს მართლა ოლიმპზე დავბადებულიყოთ...

ვინ იცის, რამდენი მართლა ნიჭიერი ყმაწვილი კაცი გამოუთაყვანებია ამ ჩვენებურ თავ-დავიწყებას და, სასახლო მწერალ-პოეტის ნაცვლათ, მეშტივრე—მეაქიეთ გარდაუქმნია! მე კი ჩემს დღეში არა დამიბეჭდია-რა, თუმცა, შინაურულათ კი, მევლექსეობდი დი ახალგაზდა ქალებს ალბომებში საარშიყო რომანსებსა და ექსპრომტებს ვუწერდი... სხვათა შორის, ლექსი დავუწერე ქეთოსაც; ამ ლექსში ალტაცებით მოვიხსენიე ქეთოს მამულიშვალობა, მაგრამ უფრო ვამკობდი მის ჟუჟუნა თვალებს და იმ წყეულ ხალს მის ლამაზ ლოყაზე, რომელმაც მე ტვინი ამირია. ქეთომ რომ პირველათ ეს ლექსი წაიკითხა, აიღეწა, აიძრიზა, მაგრამ მისი ამხანაგები ალტაცებით მიეგებენ ჩემ ლექსს და ქეთოც, დამშვიდდა. ალბათ, გუნებაში თუ იამა ქათინაური და ამით ქალმა თაჭისი ქაღობს მაინც გამოიჩინა.

დღეს-ხვალიაობით შინაურებში სახელი და დიდება მემატებოდა. მალე ყველა ჩემი ნაცნობები დარწმუნდნენ, რომ მე „ნიჭიერი“ კაცი ვიყავ და უექველათ რომელსამე ასპარეზზე თავს გამოვიჩინდი. ზოგნი ჩემგან თურმე გენიოსობასაც კი მოელოდნენ. რა იცოდნენ გულ-უბრყვილოებმა, რომ მთელი წლოვით არა-ბუნებრივ აღზრდაში მყოფი ტვინი ადამიანისა ჩლოუნგდება: ხოლო გულის-თქმა კი კნინდება და ფუქსავატდება!.. მე ეს ჩემ თავზე გამოვცადე და წინააღმდეგში ვერავინ დამარწმუნებს...

გამაბრუვა, დამარეტიანა ნაცნობების ჩემდამო ყურადღებამ, ფრთები შემასხა ახალგაზდა ქალების ჩუმმა ტრფობა-აღერსმა და წარმოვიდგინე, რომ მართლა ვყოფილვარ რამე, სხვაზე მალლა ვმდგარვარ რილათიც და გავდიდგულდი... დამწიფებულათ მომეჩვენა ჩემი თავი. მაგრამ ყველაზე ძრიელ ის უფრო მახარებდა, რომ ქეთოს დავუმეგობრდი.

დასწყევლოს ღმერთმა ჩემი გაჩენის დღე! იმ თავით ამ უკანასკნელ დღემდე თვალთ-მაქცობაში დავლიე ჩემი სიცოცხლე, ყველას ვატყუებდი, მაგრამ ყველაზე მოტყუებული კი მევე დავრჩი. ახია ჩებზე!

ჰო, იმას ვამბობდი, ქეთოს დავუმეგობრდი-მეთქი. იმ დროს, როდესაც შინაურულ კრებებზე, თუ კერძოთ დანარჩენ ქალებს სხვადასხვა მალალ საგნებზე ვესაუბრებოდი, გულში ქეთოსთან პირუტყვულ დაახლოვებაზე ვფიქრობდი...

ერთ საღამოთი ისე გამიტაცა ქეთოს სიმშენიერემ, რომ, როდესაც მარტოკანი დავრჩით, მკლავი მაგრა დავუჭირე და რალაცა სააღერსო სიტყვა ჩავჩურჩულე.

ქეთომ არც აცივა, არც აცხელა და ისეთი ლაზა-

თიანი სილა მკრა, რომ ყურებმა სულ წივილი დამიწყეს...  
თურმე ის, დიდი-ხანია, მიხვედრილიყო ჩემ ეშმაკობას.

გავშრი, თავ-ზარი დამეცა. გაბრაზებულმა, მიმოვი-  
ხედე, მაგრამ ოთახში აღარაფერ იყო. ქეთო გარეთ გა-  
ვარდნილიყო...

ჩემისთანა ხალხს საზოგადოების აზრისა ძრიელ ეში-  
ნია და მეც, ამ სკანდალის შემდეგ, შიშის ზარმა ამიტა-  
ნა. ფეხ-აკრებით გამოვედი სახლიდან, ერთხანს ქუჩა-  
ზედაც დინჯათ მივდიოდი, მაგრამ, მივეფარე თუ არა ქე-  
თოანთ სახლს, გიჟივით მოვკურცხლე.

სად მივდიოდი? მეც არ ვიცოდი, მაგრამ, ის იყო  
და ის, ქეთოანთ უბნისკენ ფეხი აღარ დამიდგამს...

ერთით ჭკუა კი მასწავლა ქეთომ! შემდეგში უფრო  
ფრთხილად ვექცეოდი ქალებს და მართო თვალთ-მაქცო-  
ბა-თხოვნით-ლა ვატყუებდი. მაგრამ კმარა ჩემ შეგირდულ  
ცხოვრებაზე ლაპარაკი. მეტი მეტი ერთ-ფეროვანი, უმ-  
ნიშვნელო და უნიადაგო იყო იგი ცხოვრება და ჩემი  
ნამოქმედარის ჩამოთვლა უკვე თქმულის გამეორება  
იქნება.

როგორც იყო გავათავე საშუალო სასწავლებელი,  
ჩავიდე ჯიბეში ის ქალაღის ფარატინი, რომელსაც დი-  
პლომი ჰქვია და დავიწყე სხვადასხვა დაწესებულებებში  
ყიადი, ადგილის თხოვნა...

ადგილის თხოვნა!.. იცით, რა მნიშვნელობა აქვს  
ამ სიტყვებს? იცით, რა დამცირებასა და დაკნინებასა  
თხოულობს ადგილის შოვნა, თუ კარგი პროტექცია არა  
გაქვთ? ოხ, ეს პროტექცია! ესეც ნაყოფია იმ თვალთ-

მაქცობისა და ნათლიმამობისა, რომელიც ცხოვრებაშია გამეფებული!

მთელი ექვსი თვე ვიარე, ადგილის ძებნაში მუხლები ჩამომაწყდა, მაგრამ ჯორსად რასა ვშოულობდი. ნაცნობი გყავთ ვინმე? პროტექცია გაქვთ?—მეკითხებოდნენ აქეთ-იქით და ჩემ ატესტატს თავში მახლიდნენ. თუმცა იმ ოხერში ოცი, თუ ოცდაათი საგანი მაინც იყო ჩამოთვლილი, მაგრამ ასეთი ჩემი დიდი ცოდნაც არა სჭრიდა.

— შენი ცოდნა ახლად დაბადებულებსა და მიცვალებულებს მოახმარეო—გესლიანათ მითხრა ერთმა უფროსთავანმა, როდესაც ჩემ ატესტატზე მივუთითე...

გამიჭირდა საქმე მშიერი ვკვდებოდი. დავიწყე პატრიოტობა, ლექსების წერა, გავერიე ჩვენ მოსაქმეთა შორის. ვიფიქრე, იქნება, ამან მაინც გასჭრას-მეთქი. ცოტ-ცოტაობით, ხუმრობის გარეშე, ქე შემიყოლია საზოგადო საქმეებზე ზრუნვამ და, მაშინ რო პატრონი გამჩენოდა, ან ცოტა რიგიანი საქმე მეშოვა რომელსამე ჩვენს დაწესებულებაში, იქნება ცოტათი მაინც გამოვკეთებულვიყავ. მაგრამ უბედურება ის იყო, რომ ჩვენი რედაქციები იმ დროს მარტო უნიჭოებსა ჰკვებამდნენ, თუმცა, მართალი მოგახსენოთ, თითონაც ბევრი არა ჰქონდათ რა. ბანკში ხომ ისედაც ბევრი იყო „პენსიონერი“. დანარჩენი საზოგადოებანი ყველა საქველმოქმედო იყო და მკვდარი ხომ მკვდარს არ ავეკიდებოდი. კარგია ქველმოქმედება, ხოლო, როდესაც შენ თითონ საქველმოქმედოთა გაქვს საქმე გამხდარი, მაშინ?...

მართალი მოგახსენოთ, გამორკვეული აზრი ცხოვრებაზე და მიმართულება თავისდღეში არა მქონია, ვინაიდან თვით ჩემი სწავლა და ცოდნა აბდა-უბდური,

უშინაარსო იყო. მაგრამ ერთი რამ კი მწამდა (თუ არ ვიცი, იმდროს ისე ვიყავ მომართული, რომ უნდა მერწმუნა). ეს რწმენა გახლდათ ნდობა პატრიოტებისადმი.

ჩემდა თავათ არაოდეს არა ვყოფილვარ გულ-ქვა: ხელ-მოკლე და, ასე გასინჯეთ, ქკუა მოკლევც კი, ყოველთვის მებრალებოდა ხოლმე, რა ტომისაც უნდა ყოფილიყო იგი. მაგრამ თუ ზოგიერთი ჩვენი „პატრიოტები“ ჩემზე უფრო გულკეთილები არ იქნებოდნენ, ეს კი აღარ მეგონა!.. ამიტომ დიდის რიხითა და გაბედულობით მივმართე ცნობილ პატრიოტებს, ვისაც პტყელ-პტყელის ლაპარაკისა და ქველ-მოქმედების დროს თვალსაჩინო ადგილი და ქონება შეეძინათ. თქვენც არ მომიკვდეთ, მე ვერას გავხდი.

რის პატრიოტობა, რა პატრიოტობა... ჯერ ძილო და მერე სიზმარო, — ჯერ ქონების შეძენა, ჯერ ფუფუნება და განცხრომა და მერე პატრიოტობაო, — მესმოდა აქეთ-იქიდგან.

— რა ვუყოთ, რო ქართველია. ცოტა სულები, ქართველია ქვეყანაზე? რითი დაიმსახურა ყურადღებო? და სხვა ამგვარები ათასობით მითხრეს და შემომითვალეს ჩვენმა პატრიოტებმა.

— ბატონებო, ხელი მოგვიმართეთ, დაგვაყენეთ გზაზე ახალგაზდები და მაშინ თავის გამოჩენა, დამსახურებაც მოგვთხოვეთ-მეთქი, — ვეუბნებოდი მეც პასუხათ. მაგრამ ყოველთვის სიტყვები სიტყვებათ რჩებოდნენ და მე კი კუჭი შიმშილით მიხმებოდა!..

გაშიძალდა ყოფნა... ჩავუკვირდი ყველას მოქმედებას და... იცით, რა დასკვნას დავადექი? მაპატიეთ კი,

მაგრამ პატრიოტობა ჩვენში ცალიერი სიტყვა ყოფილა! ჩვენში პატრიოტობს მარტო ის, ვისაც არა აქვს-რა, ვისაც შინ ძალლი არას შეუჭამს და გარეთ—კატა. დანარჩენები კი მარტო ამ სახელით სარგებლობენ და მეტსა და მეტ განცხრომა-დიდებას ეძლევიან.

აბა, სადა გვყავს ჩვენ პატრიოტები? პატრიოტები რომ გვყავდეს, ერთ დღეს საქართველოში იმდენი ფული შეიკრიბებოდა, რომ ჩვენი გულა-მშიერა ლიტერატორები, ჩვენი თეატრი და აქტიორები, ჩვენი უსაქმურათ მოხეტიალე ახალგაზღობა—ყველანი საზღოს და საქმეს იზოვნიდნენ. რაც თვითოეული ჩვენთაგანი ერთ დღეს უბრალოთ ფულს დახარჯავს, იმის მეოთხედი საზოგადო საქმისათვის რო გადასდოს, აქამდის ჩვენ ბედს ძალლი არ დაჰყეუდა... მაგრამ სიტყვები, სიტყვები, სიტყვები და ისევ სიტყვები. მადლობა ღმერთს, რომ ენას ძვალლი არა აქვს... მე ვიცნობდი ისეთ პატრიოტებს, რომელთაც ათ თუმნობითა და ოც თუმნობით უხარჯავთ სადილ-ვახშამზე, იმიტომ რომ ჩინი და „დიდება“ ეშოვათ, და ქართული გაზეთის გამოსაწერათ კი კაპეციკ არ გაუმეტნიათ... მე ვიცნობდი ისეთებსაც, რომლებიც შვილებს სტუქსავდნენ ქართულის ლაპარაკისათვის და თავისი ქართველობისა სცხვენოდათ თავისს უფროსებთან. მართლა რომ; სირცხვილი იმათ! მაგრამ აბა, გაგებდნათ და გეთქვათ: თქვენ მატყუარები ხართო! თავს შუაზე გაგიხეთქდნენ და თავის დამქაშების მეოხებით შენვე ჩაგთვლიდნენ სამშობლოს მოღალატეთ...

აი, ასეთი პატრიოტები გახლდათ ჩემ დროს და რას ვეწეოდი? გულიანათ შევუკურობე ყველას და მეც მივა-



ნებე თავი გუდაფშუტა პატრიოტობას!.. ისევ განზე დავიწყე ყურება, ისევ გადამიტრიალდა გუნება...  
ოხ ღმერთო!..

თავის დაცვის უფლება ყველასა აქვს, და მეც ამიტაცა ამ სურვილმა. გმირი არ გახლდით, რომ რაიმე საგმირო საქმე ჩამედინა და სხვათრივ კი ვერას ვხდებოდით...

იმ გონებრივის სალაროთი, იმ უმადურის ცოდნით, რომელიც სასწავლებელმა მომცა და რომელიც რამდენსამე ხნის შემდეგ მარტოოდენ ქალაქის თარატინათ გარდაიქცა (ვაი დაკარგულო დროვ!), იმ ხაოსით, რომელიც ჩემს თავსა და გულში ტრიალებდა, იმ მეშხანურის იდეალით, რომელიც გულის ფიცარზე მეწერა, ვერავის ვერც წინამძღვრობას და ვერც წინააღმდეგობას ვერ გავუწევდი... ცხოვრება კი მწყუროდა, მწყუროდა ისე, როგორც ნაიალადარ ხარ-ირემს მოსწყურდება ხოლმე ცივი ან კარა წყალი. რა მექნა სად წავსულიყავ, ვისთვის მიმემართნა? როგორ შეგრძნობინებინა ვისთვისმე, რომ მეც ადამიანი ვიყავ, მეც მშობიდა, მწყუროდა. განა მაძლარს ყურები ასხია, გული აქვს?

დაღონებულ-დაძმარებული ოხვრით ვათენებდი ღამეს და ოხვრითვე ვაღამებდი დღეს. ქალები, მათრ უკან დევნა, მათზე ოცნება თითქმის დავიწყებას მივეც. არის ისეთი გარემოება კაცის ცხოვრებაში, როდესაც მას ყველაფერი ავიწყდება, ყოველგვარი გრძნობა ეხშობა და მხოლოდ ერთად-ერთი გრძნობა თავის დაცვისა-და ახელმძღვანელებს მას. მეც ისეთ მდგომარეობაში ჩავვარდი.

კაცი მეგონა ჩემი თავი და ძალათაც არავინ მაგდებდა! საითაც მივიხედავდი — პროტექციასა მთხოვდნენ, სა-

დაც ფეხი შევდგი, არ მიმიღეს—არ გიცნობთო. სადაც დავაკვირდი, ყველგან ნათელ-მირონობა, მეგობრობა, საყვარლები, ქრთამი და შინაურები დამიხვდნენ გაბატონებულინი. შემძაგდა ხალხი, შემძაგდა ჩემი თავი და გულში სიბოროტე დამისადგურდა: რაც ცუდს იზამს კაცი, ყველა სამართლიანი იქნება-მეთქი—გავიფიქრე და... ის იყო, შევდექ კიდეც ძველებურ გზაზე...

ერთ დღეს, გულის გასართობათ, შევედი ერთ საზაფხულო ბაღში. ერთი აბაზის მეტი ჯიბეში გროში არ მეგდო. მოვიკითხე ზელტერის წყალი, მოვუჯექი მაგიდას და დავიწყე ხალხის თვალთვლება. ლამაზათ მორთულ-მოკაზმულნი ჭამათ გარდაქცეულიყვნენ. ანადგურებდნენ აუარებელ სანოვანებს, სვამდნენ ზღვა-ღვინოს, ხარჯავდნენ ბლუჯა-ბლუჯა ასიგნაციებს. მუსიკა თავ-გამოდებით უკრავდა, ელექტრონი გულ-გრილათ ციმციმებდა, ხეები შრილობდნენ, ლაქიები დარბოდნენ, ბაღის პატრონი სიაშოვნებით დნებოდა, ნახევრათ გატიტვლებული ქალები კასკასობდნენ. ჰაერში საჭმლისა და ღორ-მუცლობის სუნნი ტრიალებდა. ვუყურე, ვუყურე ამ ხალხს და მე იგინი შევადარე მშრომელ ხალხის სისხლის-მსმელ, გაუმაძღარ წურბელებს.

— საიდან შოულობენ-მეთქი ამდენ ფულს? დავეკითხე ჩემ თავს და ეს ხროვა ხალხისა წარმომიდგა ბნელ ორმოდ, სადაც ყოველგვარ ქვეწარმავალს მოეყარა თავი. აქ პატიოსნებას ადგილი არა ჰქონდა. აქ სუფევდა ფულებათ ქცეული ცრემლი უბედურთა, საჭმლათ ქცეული გულ-ღვიძლი გულ-უბრაცვილო მშრომელთა, ღვინოთ ქცეული სისხლი იმ უკუღმართ მონათა სინიღისისა, რომელიც სიწმინდითა და მორჩილებით ფიქრობს ქვე-

ყნის ხსნას, მშვიერი კუჭის გაძლომასა, ადამიანურ ცხოვრებასა!!... არა, პატიოსან კაცს ამ ხალხში ჯერ არ ეცხოვრება!...

ჩემ გვერდით, მაგიდას შემოსხდომოდნენ ორი ახალგაზდა ინჟენერი ბჟყვრიალა პეტლიცებით და ორი აპუხტივით შავი და ამღვრეულ თვალებიანი ცილინდროსანი. მაგიდაზე ათასფერი საჭმელი, ათასგვარი ღვინის ჭურჭელი, ბაკლები, ჭიქები ელაგათ. რომელი რომელს ატყუებდა—ინჟენერები ფოდრაჩიკებს (ნამდვილათ, გამდიდრებული კროები იყვნენ), თუ ფოდრაჩიკები ინჟენერებს— ეს კია, რომ ერთმა ცილინდრთსანმა ამოიღო ვეებერთელა საფულე, გახსნა იგი და ამოაფრიალა ერთი აბ-თუმნიანი... ღმერთო, რამდენი აბ-თუმნიანები ჰქონდა, ამ ცინგმულიანს მდიდრულ ევროპიულ ტანისამოსში გამოწყობილ ტრუკს! საიდან, საიდან იშოვა ამდენი. სიმდიდრე, რომ ათასობითაც კი ჯიბით დაათრევს-მეთქი? პატიოსნებით? კიდევ დავეკითხე ჩემ თავს და გამეცინა, — რათაც, თქვენ კარგათ. მიხვდებით, ჩემ გულუბრყვილობას მევე დავცინე.

ცილინდროსანმა მოითხოვა ლაქია, გაუსწორდა, საიდუმლოებით სავსე ღიმილით ჩაუკრა თვალი ინჟენერებს, გამოეთხოვა, გაიმძღვარა მეორე ცილინდრიანი და ბარბაცით გასწია. თითო მის ხელის აქნევაზე ბრილიანტის ბეჭდები გზას უნათებდა...

მაგიდასთან დარჩა მარტო ორი ინჟენერი, ერთმა მალე ჩაქინდრა თავი, დააყრდნო იგი მაგიდაზე დადებულ მკლავს— და... ხვრინვა ამოუშვა. ხოლო მეორე აღარ ისვენებდა და რაღაზედაც ჭინჭყოლობდა.

ამ დროს გამოიარა ვილაც გაბლენძილმა კაცმა და,

სკამებს შუა რომ ვერ გამოეტია, ანჩხლ ინჯენერს დაე-  
ჯახა.

— Ахъ! свинья! გაუჯავრდა მსუქან კაცს, რომე-  
ლიც ზარხოშათ ბრძანდებოდა და მკედლის საბერველივით  
ქშინამდა.

— Ты сама свинія! დაჰბლუვლა ვაჭარმა (ძლიერ  
მდიდარი ვაჭარი გამოდგა) და გამობრუნდა.

ინჯენერმა დაავლო ქიქას ხელი და ბექებში სდრუ-  
ზა. გაანჩხლებულმა ვაჭარმა ჯოხი უთავაზა კისერში.  
შეიქმნა ერთი ჩოჩქოლი ვაი-უშველებელი. გამოღვიძებუ-  
ლი მეორე ინჯენერი უფრო გულანჩხლი გამოდგა და  
ვიდაც მშველელს ერთი ლაზათიანი სილა გააწნა. შეიქმნა  
ხელ ჩართული ჩხუბი. ვაჭარს ვაჭრები მიეშველნენ ინ-  
ჯენერს ვიდაც ჩინოვნიკები. მიდამოს ზანზარი გაჰქონდა.  
ხალხი წამოიშალა, ქურქელ-საინი დაიმტვრა. და ბო-  
ლოს ერთი ხელმარჯვე ახალგაზდა ცილინდრისანი  
ეცა ერთ-ერთ ინჯენერს, წაუჭირა. კისერში ხელი და,  
აღრჩობდა. ამის მნახველმა მე ველარ მოვითმინე და,  
რადგანაც გულმოსული ვიყავ ამ მუქთახორა ხალხზე,  
მეც გავშალე ხელი. მოვიგონე ჩემი ძველებური კრივი...  
ვეფხივით გადავხტი მოჩხუბარებისაკენ, დავუშინე თავსა  
და პირში ცილინდროსან-ღიპიანებს და ბუზებივით დავ-  
ფანტე. ძირს წაქცეული ინჯენერი წამოვაყენე. მივაყუდე  
კედელთან და წინ ჩავუდექი, ვინც კი მოდიოდა მის  
დასაკრავათ, ერთი აღარ მოუშვი. ამასობაში ათი ხუთ-  
მეტი გოროდოვოი, სამი თუ ოთხი ოკოლოდოჩნი და  
პრისტავიც ჩამოგვესია. ხალხი გაჰფანტეს, დამნაშავეთ  
პროტოკოლი შეგვიდგინეს და ბალიდან გამოგვიყვანეს...

ბალის გარეთ ინჯენერებსა და ზოგიერთ ვაჭარს

სთხოვეს სახლში წაბრძანებულიყვნენ, ხოლო მე და რამდენსამე სხვას პოლიციაში წათრევას გვიპირობდენ...

— ეგეც გამოუშვით ჩემთან... ეგ ჩემი ნათესავია... მე ვარ პასუხის მგებელიო, — უთხრა ჩემ შესახებ ერთმა ინჟინერმა პრისტავს, რომელიც მცირე ყოყმანის შემდეგ დაეთანხმა, მერე ჩამისვა ინჟინერმა ფაიტონში და სადღაც წამიყვანა... გზაზე მაღლობით გამათავა. თქვენ რომ არა ყოფილიყავით, მომკლავდენო... მელულლულდებოდა ნაცემნაბეგვი და ნასვამი ენას ვეღარ იბრუნებდა.

— ყველას მოვალეობაა კაცი გაჭირებიდან დაიხსნას-მეთქი! — მეც ვუპასუხე.

ჩვენი ეტლი ერთ მდიდრულ კარებთან გაჩერდა. მე გადმოვხტი ეტლიდგან, ინჟინერი გადმოვსვი, ხარისხი და, როდესაც დერეფანში მოსამსახურე გამოჩნდა — გამოთხოვება დავაპირე.

— აჰ, არ იქმნება... ჩემ ცოლს, ჩემ ჟენიას უნდა ვაჩვენო ჩემი მხსნელიო — დაიძახა და მომებლაუჭა.

— პროტექტორი, პროტექტორიო. — ჩამესმა ამ დროს ერთის გამოთაყვანებულ ბებრის ხმა, რომელიც ლენერლის ხარისხით ერთ-ერთ დაწესებულებას უფროსობდა. მე გავილიძე, შევუჯექ მხარში პატივ-ცემულ ინჟინერს და კიბეს შევუდექი.

მდიდრულის ნოხით დაფენილი მარმალილოს კიბე, ყვავილებ ჩამორიგებული და ძალუმათ განათებული, სწორეთ სამოთხის გზას მოგაგონებდათ. კიბის თავზე, ცოტა მარჯვნივ, ოთახში. შესავალ კარებთან იდგა ძვირფასი ტართუმა (სარკე) რომლის პირდაპირ ჩამოკიდებული იყო მდიდრული ლამპარი. ამ სარკეში მე და ინჟინერი თავით ფეხამდის გამოვჩნდით. მხოლოდ მაშინ შევამჩნიე, რომ

იმას მუნდირის ღილები სულ მთლათ დაწყვეტილი ჰქონდა და კბილებში სისხლი წამოსდგომოდა. მეც კი ცალი თვალი ცოტა გამლოურჯებოდა.

— ჟენია, დუშკა... აი, ჩემი მხსნელი—ყვიროდა ინჟინერი. კლუბიდან მოვდიოდით... ჩემი მტრები დამიხვდნენ... მოკვლა მომინდომეს და, აი, ამან დამიხსნა, ამან... ამან გადაგარჩინა უდროვოდ დაქვრივებასა. ხა, ხა, ხა! — ხიხინებდა ლოთი-ფოთურათ ალექსანდრე ალექსანდროვიჩი (ასე ერქვა ინჟინერს) და თან ბარბაცებდა.

მე ჯერ განცვიფრებიდან არ გამოვოკვეულიყავ ინჟინერის სიცრუვისა გამო, რომ ჟენია—სწორეთ რომ კალმით ნახატი, მედიდურის სახისა და ახოვანის ტანის, მკერდ მაღალი ქალი—სავარძელში გადავარდნილიყო და ისტერიკა მოსვლოდა... ხან მწარეთ ქვითინებდა ჟენია, ხან იცინოდა და მხრებსა და მკერდს ბნედიანივით ათამაშებდა... როგორც სჩანდა, სახლში ერთის მოსამსახურისა და ჟენიას მეტი ამჟამათ არავინ იყო, რომ არავინ გამოგვეშველა. სხვა გზა არ იყო, მე უნდა მივშველებოდი ჟენიას და დამემშვიდებინა. ალექსანდრე ალექსანდროვიჩიც ვითომ ამშვიდებდა—ათას რალაცაებსა ბოდავდა... როგორც იყო მოვაბრუნე ჟენია. მსახურისაგან მოტანილი წყალი პირზე შევაპკურე, მკერდი გავუხსენ, ყურები დავუსრისე და ქალი ფეხზე წამოდგა.

დღესაც არ ვიცი სიბრაზით მოუვიდა ქალს ისტერიკა, ქმარის სიკვდილის შიშით, თუ ყაჩაღების გაგონებაზე. ეს კი კარგათ მახსოვს, რომ იმ ღამეს ვახშმათ აღარ გამომიშვეს და, რაც საზაფხულო ბაღში დამაკლდა, აქ შევისრულე.

ჩემი უბედურება მარტო ის იყო, რომ ნაცნობებს ძნელად ვმოულობდი. ხოლო, თუ ვისმე გავიცნობდი ხოლმე, უექველათ მოვხიბლავდი ჩემის მოხერხებულის ლაპარაკით, ზრდილობიანობით და თვალთ-მაქცობით. ასევე მოვხიბლე ალექსანდრიჩი, მისი ცოლი და სიდედრი, რომელიც, ძვირფასს თივთიკ-ბუმბულში რომ არა ყოფილიყო ჩაფლული, მინდვრის ბაყაყი გეგონებოდათ.

მეორე დღეს დანიშნულ საათზე რომ მივედი, ინჟენერს ძლიერ გაეხაოდა, ცოლს ესიამოვნა, სიდედრი კი მხოლოდ მაშინ გავიცანი... ყავაზე ალექსანდრიჩმა ლაპარაკი ჩამოაგდო თავისს სამსახურის შესახებ. აღმოჩნდა რომ იგი გაუვალ მთებში გზის გამკეთებელი კომისისს თავმჯდომარე ყოფილა და თვეში ათას მანათზე მეტი ჯამაგირი ჰქონია. აბა ამაზე უკეთეს პროტექტორს სადლა ვნახავდი, ან რაღა პროტექტორი მინდოდა, ჩემისთანა წვრილფეხობა მსხვილ ფეხა ალექსანდრეს ყოველთვის დასჭირდებოდა. ამიტომ მეც ჩამოვუგდე საუბარი უსაქმურათ: მოხეტიალე ყმაწვილ და განათლებულ კაცებზე, გავზერე, გავაზვიადე საქმე და ბოლოს გამოვუტყდნი, რომ მეც ერთი იმათგანი გახლავართ და. გთხოვთ, რაიმე ადგილი მიშოვოთ-მეთქი. ამ სიტყვებით სერთუკის უბიდან ჩემი ატესტატი ამოვაცოცე და გავუწოდე.

— დიდის სიამოვნებით! რომ არსად იყოს ადგილი, თქვენთვის შევქმნიო. — მითხრა ალექსანდრემ და ატესტატი არც კი ჩამომართვა.

— საშა, გეთაყვა, ღირსეული ადგილი უშოვნე ბატონ ფიჩხაშვილსაო, — შეეხვეწა ცოლიც.

სიდედრმა კი ლორწეტი აიფარა თვალებზე და თვალთმობა დამიწყა. ისეთი სასაცილო ბებერი იყო

ეს შლიაპოსანი თუ ჩეფჩიკოსანი, რომ კინალამ არ წავი-  
ფრუტუნე. თავის შესაკავებლად ზალას თვალი შემო-  
ვავლე. ღმერთო, რა სიმდიდრე იყო ამ ზალაში! იმისი  
მორთულობა სამოციანთას პატიოსან და წელში ცხრათ  
მოხრილ მშრომელს იყიდდა და გაჰყიდდა!..

ერთი კვირის შემდეგ ალექსანდრე ალექსანდრეს ძემ  
მე დამნიშნა თავის მდივნად „ЛИЧНЫМЪ СЕКРЕТАРЕМЪ“  
— რუსები რომ ეძახიან—და თვეში რვა თუმანი აღმი-  
ქვა. ახლა კი გაკეთდა ჩემი საქე! ერთი კვირის შემდეგ  
ფულები ავანსით გამოვართვი ჩემ საშას — მოდი ასე და-  
ვუძახებ—მოვირთე, მოვიკაზმე უკანასკნელ მოდაზე, წელ-  
ში გავსწორდი, უღვაშები გადავიგრიხე, ნელ-საცხებ-  
ლობით გავითხუპნე და ასე შევეცურდი ცხოვრების მო-  
რევში.

სამუშაო ბევრი არა მქონდა-რა. ხშირად საშასთან  
ვიყავი ხოლმე და სამმართველოდან მოტანილ ქალაღებს  
ვუკითხავდი მდიდრულ სფვარძელში გადაჭიმულ საშას,  
ათასში ერთ ქალაღზე მოკლე პასუხს ვაძლევდი, მერე  
საშასა და ჟენიასთან ყავასა ვსვამდი, დედაბერს—მატრიო-  
ნა პეტროვნას—ვაცინებდი ხოლმე და შინ ვბრუნდებოდი.

ორი თვის შემდეგ საშას ცოლს მეც ისე თამამად  
ვუძახდი ჟენიას, როგორც თვით ალექსანდრე ალექსან-  
დრეს ძე, და ჩავვარდი ქერის ორმოში... როცა საშა სახლ-  
ში გაღეშილი ეგდო ხოლმე (გადაკვრა ძალიან უყვარდა),  
ან სახლში არ იყო, ჟენიას ხშირად აერეოდა ხოლმე  
ვზა და, ქმრის კაბინეტის მაგივრად, ჩემ სამუშაო ოთახში  
შემოდებოდა და მთელი საათობით ვსტკებობდით ხოლმე  
სიცოცხლით... სიამოვნებით...



ბარაქალა ჩემო მარჯვენავ, ისევ უენ გახდი ჩემო პროტექტორი, მაგრამ ხალხი რომ დღევანდლამდის თვალფმაქცია, ამას ნეტა როდისღა ეშველება!

გაიგეს თუ არა, ბატონო, რომ მე რიგიანი სამსახური ვიშოვე, ნაცნობი და უცნობი ჩემ ქებაში იყო. მე ვხედავდი მათ სიფლიდეს, ვხედავდი მათ ვერაგობას, მათ სისულელეს, მაგრამ, რომ ადგილი შემეგრჩინა და უფრო საფუძვლიანად მომეწყო ჩემი საქმე, მეც ვფლიდობდი, მეც ქვეყანას ვატყუებდი, იმ გარჩევით, რომ თუ კი ხელი მიმიწვდებოდა ხოლმე, გაჭირვებულთ ყოველთვის ვშველოდი.

რვა თვის შემდეგ საშას გაცნობისა, სხვათა მრავალთა შორის, მისისავე მეოხებით, გავიცან ერთის სახელმწიფოს დაწესებულების უფროსი, მისი ცოლშვილი და რვა თუმნიდან თორმეტ თუმნიან ადგილზე გადავცოცდი... დიდი წარმატებაც მომელოდა, იქმნება, სასარგებლო კაციცა ვყოფილიყავ, მაგრამ ყალბმა ცხოვრებამ კვლავ ჩამითრია, ხოლო ქალებმა კვლავ ტვინი ამირიეს...

ასეა, ფუქსავატი ცხოვრება ფუქსავატობამდის მიყვანს ადამიანს!

როცა სამსახურში ფეხი მოვიმაგრე, როცა სავსები გავიჩინოვნიკდი და გავერთე წარჩინებულ მოხელეთა ცხოვრებაში, ერთიც კიდევ დავაჯახე თავი სიყალბეს. ეს დაჯახება უკანასკნელი იყო ჩემ ცხოვრებაში. ჩემი ცხოვრების ნავი შთაინთქა, ჩემი ბედის ვარსკვლავი მოსწყდა ცის კამარას. აღბად იმანაც თავი მოაბეზრა სხვა ვარსკვლავებს!...

ერთ პოლკოვნიკის ქალს გადავეკიდე. ლამაზი არ

იყო მაგრამ ისეთი ეშხი და მიმზიდველობა ჰქონდა, რომ კინალამ ჭკუიდან შევიშალე. ბევრი ვუარე გარშემო, მაგრამ ვერ შევაცდინე და ვერა. მგონი, ქალს ერთგვარი ალლოუნდა ჰქონდეს, რომლის მეოხებითაც იგი მომავალ საქმროს წმინდანად ეჩვენება. მთელი ჩემი-მჭერ-მეტყველება, მთელი ჩემი გამოცდილება, მთელი ჩემი ძალღონე მოვიშარჯვე, მაგრამ, რაც უფრო ვცდილობდი, მით უფრო იგი ხელიდან მისხლტებოდა კალმახივით და შორი-ახლოდან მალიზინებდა... შეიძლება, იმედი სულ მთლად გადამეწყვიტა და მოვშორებოდი კიდევ სამუდამოდ, მაგრამ ჩემი გაზვიადებული გულის-თქმა ვერ დავიმორჩილე და, რაც დღე გადიოდა, მით უფრო მეტლალებოდა თვით-მოყვარეობა და ეს კი ჯოჯოხეთის ცეცხლს მიკიდებდა გულ-ღვიძლზე. მით უფრო სამაცდურო იყო ჩემი წადილის აღსრულების სურვილი, რომ იგი ქალი აღერსს, არშიყობას არ მიშლიდა, თვითვე სცდილობდა ხოლმე, რომ ჩემთან მარტოკა დარჩენილიყო, იმის ნებაც კი მომცა, მარცხენა ლოყაზე რომ მშვენიერი ხალი ჰქონდა; იგი გადამეკოცნა, მაგრამ სხვა-ფრივ კი თავი წმინდანივით ეჭირა და მით უფრო მაგიყებდა.

„გზა სიარულმა დალია,

სიზი ქვა წყალთა დენამა.

გოგო და ბიჭი დალია

ერთმანეთისა ცქერამა“-მეთქი.

მალი-მალ ვუმღერდი ხოლმე, მაგრამ ჩემი სიმღერა სიმღერათვე რჩებოდა და მე მუდამ პირში ჩალა მევლებოდა,

— თუ გნებავთ, ცოლად შემირთეთ—მითხვა ერთხელ დარომ—ასე ერქვა იმ ეშმაკის ფეხს—და გამშორდა. იმ დღიდან აღარ დამნახვებია, მე სულ მთლად გა-

დავირიე. თუ სიყვარული ისეთი ხან-მოკლეა, როგორც ჩემთვის იყო—მე იგი შემიყვარდა, შემიყვარდა თავდავიწყებამდის. ლამაზ ქალთა გამოფენაზე რომ წავეყვანეთ, დაროსთან შედარებით ყველა ჯოჯოდ მეჩვენებოდა. მთელი ქვეყნის ფილოსოფოსი ქალები რომ შეგეკრიფათ, მე ყველა იმათ იდიოტებს დავუძახებდი—ისე მომწონდა, ისე მიღირდა დაროს ენა-ჩლოუნგი ლაპარაკი!—სამსახურზედაც გული ავიყარე.

ორი კვირით გავინთავისუფლე თავი და შევეუდე დაროს კვალს. ყოველ ღამე სათითაოდ მოვივლიდი ხოლმე კლოუბს, საერთო ნაცნობთა სახლებს, მაგრამ მას ვერსად ვხედავდი. სახლში კიდევ აღარ მიღებდა. ერხელ ბარათიც კი მოეწერა. „ჩვენსა ნულარ მოხვალ, თორემ საქვეყნოდ დაგითხოვ სახლიდანაო!“ გამაბა წყეულმა მახეში!.. თავი ველარ შევიკავე და მამა მისს ვთხოვე დაროს ხელი. ცოლშვილიანობას ყოველთვის შიშითა და ძრწოლით ვუყურებდი, მაგრამ ახლა იგი უზენაესს ნეტარებად მომეჩვენა.

დაროს მამა დიდის სიამოვნებით დამთანხმდა, —თუ, რასაკვირველია, დაროც მოისურვებს შენს მეუღლეობასაო.—მითხრა პოლკოვნიკმა მორცხვი ყმაწვილივით მისწინ თავ-დახრილს, მერე მხარზე ხელი დამკრა და დაუმატა.

— *Желаю успѣха!*—ო. მე სულ კანკალი დავიწყე. მეშინოდა, უარი არ მომსვლოდა.

გამითენდა ბედნიერი დღე. დაროს ბარათი მომივიდა—ჩვენსა მობრძანდითო.

სუფთად გამოვეწყე, როგორც მორწმუნე მაზიარებელი, და მოვუსვი დაროსაკენ. დარო ზალაში დამხვდა—

აქვე იყვნენ მამა მისი, დედა, დეიდა და ორი-სამი კიდევ სხვა.

დარომ მორცხვად ჩამომართვა ხელი და ისეთის ალერსიანის თვალით შემომხედა, რომ მე ნიბლია ჩიტით გულმა ფართხალი დამიწყო.

— აბა, კირილე იაკინთეს ძეგ—სთქვა პოლკოვნიკმა—შეეკითხე დაროს—სურს თუ არა შენი შეუღლება. მე და ივლიტამ,—მიმითითა თავის ცოლზე—ბევრი რჩევის შემდეგ გადავწყვიტეთ, უარი არ გითხრათ.

— მე ვთხოვლობ თქვენ ხელს, ნუ თუ ახლაც უარს იტყვი-მეთქი—შევძახე დაროს და, სანთელივით ანთებულნი,—წინ გამოვეჭიმე.

— მეც თანხმა ვარო.—ძლივს დაიღუღლულა დარომ და ხელი ხელში ჩამიდო. აღტაცებით დავეკონე მისს ხელს. დედმამამ დაგვლოცეს და იმავ დღესვე ქორწილის თავდარიგს შევუდექით.

ერთი კვირის შემდეგ ჩემს ახალ ბინაზე გაჩაღებულნი ქორწილი მქონდა. მთელი ჩვენი მოხელეები თავისის ცოლშვილით, აღექსანდრე აღექსანდრეს ძე ეენიათი, ნაცნობები და მეგობრები თავს დაგვტრიალებდნენ მე და დაროს და გაბედნიერებას გვილოცავდნენ. სუფრაც მალე გაიშალა. სამხედრო მუსიკამ დაიგრიალა. სტუმრებმა ჭიქები აიღეს ხელში და ერთხელ კიდევ დაგვლოცეს. სამადლობელის დაღვევის დროს გადავხედე სუფრას და გავიციინე. სტუმრებმა ეს ჩემის ბედნიერებისაგან გამოწვეულ სიცილად მიიღეს და თითონაც სიცილი ასტეხეს. რა იცოდნენ საბრალოებმა, რაზე ვიცინოდნი. მე იმაზე გამეცინა, რომ ჩემ ქორწილში მყოფ ქალთა შორის ერთი ათი იმისთანა მაინც ერია, რომელ-

თანაც მე ძლიერ დაახლოვებული ვიყავი... მათი რქოსანი ქმრები კი გულუბრყვილოდ ხარხარებდნენ.

არ ვიცი, რას ფიქრობდნენ ჩემი მეგობარი ქალები, გვირგვინ-ქვეშ რომ მხედავდნენ, მაგრამ მე კი ახლა კარგად ვიგრძენ, რა ზომამდისაც არის დამცირებული რქოსანი ქმარი.

პირველი ორი-სამი თვე მე და დარომ ბედნიერად გავატარეთ. მე თითქმის სულ მთლად გამოვიცვალე და დარწმუნებულიც ვიყავ, რომ ამიერიდან ერთგული მეოჯახე შევიქნებოდი. მაგრამ, როცა პირველი გატაცება გამინელდა, თითქო თვალები ამეხილაო—უცბად გული შემეცვალა დაროზე. მე იმან მომატყუა, მომხიბლა, ჯინი აღმიძრა, გონება დამიბნელა და ძალად შემომამჩიხა თავი! მე რა საცოლვე კაცი ვიყავ-მეთქი!—გავიფიქრე ერთ დღეს და დაროს ბედნიერება პირქვე დავამხე...

დავიწყე ძველებური, ჩემებური ცხოვრება, მაგრამ, რადგან თავისუფალი აღარ ვიყავ, უფრო ღვინოში და სასტუმროებში ვიხილობდი თავს. მთელი დღე-ღამეობით სახლში აღარ შემოვდიოდი. დარო ერთხან სწუხდა, სტიროდა, მიჯავრდებოდა, მაგრამ მალე იმასაც მოსწყინდა ჩემი ჯავრობა და მოლბა... ამან უარესად გამახელა! მე, როგორც გაცვეთილი კაცი, ქალებს არ ვენდობოდი და ამ უნდობლობის ექვემ დაროს შესახებაც შემიპყრო რათ მოლბა? იქნება, გაიჩინა ვინმე და მეც ისევე დამადგა რქები, როგორც მე არა ერთისა და ორისათვის დამიდგია-მეთქი?—გავიფიქრე და წუმწუმასავით ავენთე. მე სხვა კაცებს არა ვცემ პატივს, მაგრამ ჩემი თავი კი ძლიერ მიყვარს და ვაი ჩემ შეურაცხმყოფელსა, ვაი მა-

შინ ჩემ ცოლსა-მეთქი ჩავინერგე გულში და ყოველ მხრიდან თვალი მეჭირა. ესე გასინჯეთ, ჩემი სახლის ფანჯრების დარაბებიც კი სხვისთვის შეუმჩნეველ ადგილას გავხვრიტე, რომ—სხვაგნიდან დაბრუნებულს—ლამ-ლამეობით ჩუმად დამეთვალთვლებინა სახლის შინაგანი და მერე ისე გამეღვიძებინა დარო ოთახის კარების გასაღებათა (ეზოს გასაღები კი ყოველთვის ჯიბით დამქონდა). არც თუ ვინმე დაიარებოდა ჩვენსას, მაგრამ ჩემი მოსამსახურე ბიჭი (ასე 20—21 წლისა) მაინც მოვისყიდე და ვსთხოვე თვალ-ყური ედევნებინა დაროსათვის. ქვეყანაზე იშვიათად ვისმე ვენდობოდი ხოლმე, მაგრამ ბიჭი ხომ ჩემი ტოლი არ იყო, რომ ამაზედაც კი ეჭვი ამეღო. ასეთ დამცირებას არც დაროსაგან მოველოდი. თუმცა ჩემთვის-კი თავის დროზე გოგო და ქალბატონი ორივე ერი იყო ხოლმე.

ერთხელ პროვინციაში გამგზავნეს, სამსახურისა გამო. არ ვიცოდი, რამდენს ხანს დავრჩებოდი და ამიტომ—დაროს დავუბარე წამოსვლის დროს დეპეშას მოგწერ და ვაგზალზე დამხვდი-მეთქი. დარომ დიდის მწუხარებით გამაცილა ვაგზალზე და სულ იმას მეხვეწებოდა:—შენი ქირიმე არ დაიგვიანო, თორემ ჯავრით მოვკვდებიო. ამაღამ კი პაშას (ჩვენი სახლის ბატონის ქალი იყო) დავიწვევ ჩემთან და, ხვალ საღამომდი რომ არ მოხვიდე, ამას ნუ იზამო...

გადაქარბებული ალერსი ცოლ-ქმრის შუა ერთგვარი სიფლიდეთა, მაგრამ იმეამად, როცა დარო ასე ზედმეტის ალერსით მეღაპარაკებოდა, მე ეს არ მიფიქრნია.

საქმე ისე მოხდა, რომ იმავე დამესვე მომიხდა დაბრუნება. აქედგან მიმავალი მატარებელი იქიდგან მო-

მავალ მატარებელს რომ შეხვდა ჩვენი ქალაქიდგან რამდენიმე სადგურს იქით, ბუფეტში ჩვენი მოხელე ვნახე, რომელსაც ის ქალაქდები უკვე მოჰქონდა, რომლის გულისათვისაც მე გამგზავნეს. დავბრუნდი უკანვე და ქალაქში შუა ღამისას ჩამოვედი. გული დახურული მქონდა, ამხანაგთან ვახშობაზე უარი ვსთქვი და პირდაპირ სახლისკენ გამოვეწიე.

ფრთხილათ გამოვადე სახლის ეზო, თითის ფრჩხილებზე შემდგარი შევიპარე აივანზე და ჩვეულებისამებრ ჩემ მიერ გამოქრილ ქუჭრუტანებიდგან დავიწყე ზვერა... ზალაში და სასტუმრო ოთახში ღამრები აღარ ენთო, მაგრამ საწოლ ოთახში კი... მაგიდასთან ხელი-ხელ გადახვეულნი ისხდნენ ჩემი ცოლი და... ჩემი ბიჭი. დაროს გულ-მკერდი მოღებლილი ჰქონდა, საღამური ფართო კაბა ეცვა და თმები აწეწილი ჰქონდა, ჩემი ბიჭიც ახალუხ წამოსხმული წითელ მოვის პერანგის ამარა იჯდა და დაროს შიგ პირში შეჰლიჯლიჯებდა. მაგიდაზე სუფრა იყო გაშლილი, ღვინითა და ხორაგეულობით სავსე...

მგონი ნაღველა გამისკდა გულ-ღვიძლში. რალაც საშინელმა ბრაზმა დამკრა თავში, გული გამიღადრა, ერთი საშინლათ დავიგმინე და, რაც ძალი და ღონე მქონდა ფანჯრის დარაბა დავარახუნე...

აღარ მახსოვს, მერე რა დამემართა, როგორ შევედი შინ... გონზე რომ მოვედი, დავინახე, რომ ტანისამოს შემოხეული დარო იატაკზე გაშხლართულიყო, ცხვირ-პირიდან სისხლი სდიოდა და მომაკვდავივით ხრიალებდა. მეც სულ სისხლში ვიყავ მოთხუპნული...

იმ დღიდგან ამ დღემდე, ვიდრე ანდრომ—ამ სახლები-  
ბის პატრონმა და ჩემმა ძველმა ნაამხანაგარმა — ქუჩიდგან  
ავათმყოფი არ ამიყვანა და თავის ჭერ ქვეშ არ მომცა  
ბინა, თავი აღარ მახსოვს. ვიცი მხოლოდ, რომ დარო  
ხელში არ შემომკვდომია. იგი მეორე დღეს მობრუნდა,  
მაგრამ ისე იყო დაჩეჩქვილი, რომ ჩავარდა ლოგინათ და  
რამდენისამე თვის შემდეგ მოკვდა. ჩემი ბიჭიც გაიქცა ამ  
ქალაქიდან და დღესაც არ ვიცი, სად არის. მეც გავ-  
ყიდე, რაც რამე მეზადა და... გავექეცი ჩემ თავს, ჩემ ყო-  
ფილ სიცოცხლეს, ჩემ მოგონებათ, ჩემ გულის ტკი-  
ვილს— მივყე ლოთობას ხელი და მთელი ორი წლის  
განმავლობაში მთვრალი ვეგდე ხოლმე ტრახტირებში,  
თავშესაფარებში, ქუჩებში. ქუჩყიანს, დაგლეჯილ, და-  
ფლეთილს, სახე-ჩალოურჯებულს ველარავინ ველარ მი-  
ცნობდა და მეც აღარავისა ვცნობდი...

აჰა გავათავე ჩემი თავ-გადასავალის აღწერა. მე ვი-  
ცი, რომ ბევრი ჩემის ამბავის გამგონეთაგანი საფლავ-  
შიაც არ მომასვენებს და საძაღლ-ლორეთ გახდის ჩემ  
სახსენებელს, მაგრამ მე რა? ჩემს იქით თუნდა ქვა-ქვა-  
ზედაც ნუღარ ყოფილა, იმ ერთი ქართველი ქათალი-  
კოზისა არ იყოს. მე მწყუროდა სიცოცხლე და იგი თავის  
დროზე ვერ შევიგნე, მე მინდოდა სიამოვნება და  
სამზღვარი ვერ მოვუძებნე, მე მწამდა მოქმედება და აღ-  
ლო ვერ ავუღე, მე ადამიანი მინდოდა გყოფილიყავ და  
ცხოვრებამ კი მხეცად გარდამაქცია. და ახლა, როდესაც  
სიკვდილი თავში მიკაკუნებს, როდესაც ამ ცოტა ხანში  
მტვრათ, არარაობათ ვიქცევი, გული ჩემი შესწყვეტავს  
მგრძნობიარობას და ტვინი ჩემი— აზროვნებას, თქვენ,  
ცოცხალნო ადამიანნო, რაც გინდა ბრძანეთ, მხოლოდ ნუ



დაგავიწყდებათ, რომ თქვენც წმინდანი მაშინა ბრძანდებით, როდესაც სხვასა სჯით, სხვას ასამართლებთ!! მე კი ამჟამათ არავის განსჯა არ მინდა, მე თვითონ მინდა ვიყო მსაჯული ჩემის თავისა, რადგანაც ვერც ერთი ძე-ხორციელი ვერ მიმიხვდება იმ სულის ტკივილს, რომელსაც მე ვგრძნობ ახლა, ვერ წარმოიდგენს იმ სინანულს, რომელიც გამოიწვია ჩემში სიკვდილის მოახლოვებამ. ოხ, სიცოცხლე, სიცოცხლე ჯანმრთელის, შესმენილის და თავისუფალის ადამიანისა, რა კარგი რამ უნდა იყო!

მე კი? ნახევრათ დადამბლავებული, გარყვნილობით დაუძღურებული ვგდივარ ამ სარდაფში და მოგიწვევებ, შენ, შავო სიკვდილო! ჰა, წაიღე ჩემი ხორცი და აქციე მტვრათ, ნაცრათ!.. მე სასიცოცხლო აღარა ვარ, თუმცა ახლა უფრო ძალუმათ მიყვარს მზე და მთვარე, შემკული ბუნება ჩემის სამშობლოსა, მიყვარს ჩემი თავიც, რადგანაც გამოვფხიზლდი და... მაგრამ ეჰ, იქნება ეს დროებითი სულის კვეთება იყოს იმ საშინელის ორ-ფეხისა, რომელიც საადამიანოთ შეუქმნია ბუნებას, მაგრამ სიკვდილის უკანასკნელ ჟამადის ისევ მხეცათ დარჩენილა!..

ოხ, ნეტა შემეძლოს ჩემის წარსულის ცხოვრების წარხოცვა, ნეტავ შემეძლოს დაბრუნება ჩემის ჯანსაღობისა, ნეტავ შემეძლოს წარსულ წელთ გამოვეკიდო, წავავლო დროთა სრბოლის ჩარხს ხელი, უკან გადმოვატრიალო და დავსჭყვივლო, — დამიბრუნდით უკან, განვლილნო წელნო, მე გავიცან ჩემი ხავი, მე ვიგრძენ ფუქსავატობა ჩემის ცხოვრებისა, მე მსურს ისევ თავიდან დავიწყო ცხოვრება და ვიცხოვრო ადამიანურათ, შესმენილათ!.. მაგრამ... ვაი რომ არაფერი შემეძლიან?! ვაი

რომ სიკვდილის შიშით შეძრწუნებული ჩემი გულის თქმა გვიან-ლა მორჯულდა! დღეს თუ ხვალ დამფქვავს, ჭკუიდგან შემშლის ეს უკუღმართი სენი, შეძენილი ჩემის გარყენილობით, და მოვკვდები უცხო ქალაქში უცხოთა შორის. ერთი ადამიანიც არ იტყვის: საწყალი იტანჯა და მოკვდაო. არა, იტყვიან: ადრე ყოფილა ჩასაძალღებელი და გვიან ჩაძალღებულაო! რათა, რისთვის?

იმიტომ რომ მე არა ვმაღავ ჩემს ვინაობას, მე მინდა გულახდილი, გულწრფელი ვიყო, მე მინდა ქვეყანამ იცოდეს, რომ მარტო მე არა ვარ დამნაშავე, რომ ჩემ გახრწნაში თვით ხალხს, საზოგადოებას უღევს წილი; ამ საზოგადოებას, რომლის თითოეული წევრი შეიძლება ჩემზე ბევრით არ იყოს კარგი, თუმცა ყველა ტუჩს აიბზეკავს ამ ამბის წაკითხვის დროს და თვის ცოდვებს სხვას გადააბრალებს“...

კირილე იაკინტეს ძე ფიჩხაშვილი.

## VI

კარგა გათენებული იყო, ფიჩხაშვილის რვეულის კითხვა რომ გავათავე. მაგრამ ზამთრის სუსტი მზე ვერ მოერიდა იმ შავ-ფიქრებს, რომელიც მე აღმიძრა ამ რვეულის წაკითხვამ და დიდხანს, დიდხანს თავზარ-დაცემული კიდევ ვიჯექი მაგიდასთან.

ბევრია იმისთანა კაცი, რომელიც არამც თუ სხვას, გარეშე ვისმე, არ გაანდობს თავისს გულის-პასუხს, არამედ თითონვე ერიდება თავის წარსულ ცხოვრების გათვალისწინებას, აწმყოისა და მომავლის დაკვირვებას. ერთი იმათგანი მაშოსთან შეხვედრისა და ფიჩხაშვილის თავგადასავლის წაკითხვამდის მეც ვიყავ. მაგრამ მაშოსთან ცხოვრებამ თვალი ამიხილა, ხოლო ფიჩხაშვილმა კი განმი-

მტკიცა ის რწმენა, რომ მეც ბევრში მატყუარა, ფლიდი და მშიშარა ვყოფილვარ.

კმარა, კმარა ამდენი დამცირება-მეთქი—წამოვიძახე თვალ-ცრემლიანმა და საწერ-კალამი მოვიმარჯვე და ათრთოლებულის ხელით მივწერე მაშოს:

„მაშო, მე და შენ ერთად უბედურები, ქვეყნის ამომგდები ვიქმნებით. დროა—გავადამიანდეთ. აქამდისაც გვეყო ზნეცობა. გიგზანნი ფიჩხაშვილის რვეულს, წაიკითხე, დაუკვირდი და შეადარე შენი გულის-თქმა... ჩემგან კი შორს სამუდამოდ!“ ეს წერილი ჩავდე რვეულში, რვეული გავაკეთე პაკეტში, დავაკარი მარკები და ბიჭს გავატანე მაშოსთან.


ჯერ ბიჭი არ დაბრუნებულყო, რომ ფოშტალიონმა მაშოს წერილი შემომიტანა. ათრთოლებულის ხელით გავხსენი წერილი და წავიკითხე:

„ალექსი! ჩემთან თავის დღეში აღარ მოხვიდე. მე ხვალ-ზეგ ერთ ბებერ პოლკოვნიკზე ვთხოვდები, რომელიც გადარეულია ჩემის სიყვარულით. ოხ, რა ბედნიერი ვარ! მაშა“.

გული მომიკვდა, სისხლი თავში ამივარდა. ერთხანს მზად ვიყავ გავქცეულიყავ მაშოსთან, რომ... მაგრამ გული გავიმაგრე და რამდენისამე დღის უკან გამოვეშურე, რომ აქ, ჩემ მყუდრო ბინაზე, დიადი ბუნების ცქერით ნერვები დავიმშვიდო, სულოთ ავმალლდეო“.

ასე დაასრულა თავისი უცნაური მოთხრობა ალექსი კაკალაშვილმა და მწარედ ამოიოხრა.

ია კაკალაძე-



# ხალხის წარმომადგენლობა და საარჩევნო უფლება

## I

### ხალხის წარმომადგენლობა.

„ჩვენი ქვეყანა დიდი და მდიდარია, მაგრამ წესრიგი აკლია; მოდით და გვეუფლებით“. ასე მიმართეს ამ ათასიოდ წლის წინად ძველ რუსების წარმომადგენლებმა უცხო ტომის ბატონებს.

„ჩვენი ქვეყანა გაჭირვებაშია, მიგვიღეთ და გვიპატრონეთ“. არა ერთ-გზის მიუმართავთ ამ სიტყვებით ქართველებს უცხოეთის მეფეებისათვის.

მაგრამ ვერც რუსებსა და ვერც ქართველებს უცხოელმა ბატონებმა სასურველი წეს-რიგი და კეთილ-დღეობა ვერ მოუპოვეს.

დიდ გასაჭირშია დღესაც ჩვენი ქვეყანა; წეს-რიგი აკლია რუსის ხალხსაც. მაგრამ არც ერთი და არც მეორე პატრონსა ზე მოწესრიგეს უცხოეთში აღარ ეძებს, რადგან დღეს ორივე ცხადად გრძნობს და აშკარად აღიარებს, რომ თვისი პატრონი და ბატონი ხალხი თვითონვეა, რომ ყოველ საზოგადო საქმეს ხალხი თვითონ უნდა განაკებდეს და აწეს-რიგებდეს.

ეს ყოველ ხალხის, ყოველ ადამიანის ძირითადი უფლებაა.

ამ ქეშმარიტების უარ-ყოფა არც ერთს შეგნებულსა და პატიოსან სადამიანს არ შეუძლია.

სწორედ ამ უფლების ძალით, უწინდელს სახელმწიფოებში საზოგადო საქმეებს ყველა სრულ-წლოვან მოქალაქეთაგან შემდგარი სახალხო ყრილობა განაგებდა. ასე იყო, მაგალითად, ათინის რესპუბლიკაში; ასე იყო ძველ ნოვგოროდში; ასევე იყო ამ ასის წლის წინად ჩვენის მთის ხალხის თემებშიაც.

მაგრამ მაშინ ხალხის ცხოვრება შედარებით მარტივი იყო, — და მოქალაქეს საკმაო მოცალეობა ჰქონდა — სახელმწიფოს მართვაში ჰირდაჰირი მონაწილეობა მიეღო. ამასთანავე, უწინდელი დემოკრატიული სახელმწიფო ვრცელი და ხალხმრავალი არ ყოფილა. მისი მცხოვრებნი მუდამ ერთად იყვნენ და საერთო საქმისთვის შეკრება არ ეძნელებოდათ. დასასრულ, თვით ეს საერთო საქმეც არ იყო მეტად რთული და ძნელად გადასაწყვეტი.

სულ სხვაგვარს მდგომარეობაშია ეხლანდელი ხალხი და სახელმწიფო.

დღეს, არა-თუ მთელი ერისა და სახელმწიფოსი, კერძო კაცის ცხოვრებაც-კი იმდენად გართულდა, გაძნელდა და დაიხლართა, რომ ყოვლად შეუძლებელია, მოქალაქეებმა ერთსა და იმავე ღრმს თვისს კერძო საქმეებსაც მოუარონ და სახელმწიფოს მართვაშიაც ყველა ერთად ჰირდაჰირი მონაწილეობა მიიღონ.

ხალხის ყრილობა დღეს მარტო შვეიცარიის ოთხს კანტონში აღგენს კანონებს და ირჩევს მოხელეებს. მაგრამ ესეც მხოლოდ იმის გამო ხერხდება, რომ თითო ამ კანტონთაგანი სივრცითა და ხალხის სიმრავლით ჩვენებურ სასოფლო საზოგადოებას არ აღემატება.

დასავლეთ ევროპის სხვა სახელმწიფოებსა და შვეიცარიისავე დანარჩენ კანტონებში კი ზირდჰაიმის ადგილი წარმომადგენლობამ დაიჭირა.

ჩვენი დროის ვრცელ სახელმწიფოთა მოქალაქეებს პრაქტიკულოდ შეძლება არა აქვთ—საზოგადო საქმეების გასარჩევად ყველანი ერთად შეიკრიბონ და ითათბირონ. ამიტომ თვის შორის იგინი ირჩევენ საგანგებო კაცებს, —ანუ დელეგატებს—რომელნიც ხალხს თვისი სურვილისა და ინტერესების წარმომადგენლებად მიაჩნია და საზოგადო საქმეების განსჯა-გადაწყვეტას ანდობს.

დღეს რუსეთისთვისაც სწორედ ასეთი წარმომადგენლობა შეიქმნა საჭირო, და ყველაზე უწინ—ამ წარმომადგენლობის საძირკველი—საყფველთაო დამფუძნებელი კრება.

ამ კრებამ უნდა შეიმუშაოს ის ძირითადი კანონები, რომელნიც სახელმწიფოს მომავალს მართვა-გამგეობას საფუძვლად დაედება და მოქალაქეთა უფლებას განსაზღვრავს.

რა თქმა უნდა, ეს კანონები იმდენად უფრო მტკიცე, სასარგებლო და ყველასათვის სანდო იქმნება, რამდენადაც მათს დამფუძნებელს კრებაში მთელი ხალხის უფრო მეტი სამღვიდი გულშემატკივარი და საქმის მცოდნე წარმომადგენელი მოხვდება, მაშასადამე, აუცილებელია ვიცოდეთ, თუ რა არის საჭირო, რომ დამფუძნებელ კრებაში ხალხის ინტერესთა ნამდვილი წარმომადგენლები გაიგზავნონ.

ამის პასუხს მეორე თავში მივიღებთ.

II.

არჩევნების შემზადება.

ეხლანდელის წყობილების მეოხებით, რუსეთის ქვე-შევრდომთა უმრავლესობა სახელმწიფოს გამგეობას დაშორებულია და მოქალაქობრივად ძლიერ სუსტად განვითარებული. სოფლის ხალხს არა-თუ სახელმწიფო საქმეებისა არა ესმის-რა, ზოგან თვისი კლასობრივი ინტერესიც კი ცხადად წარმოდგენილი არა აქვს.

უეჭველია, ამგვარს ხალხს პირველხანად ძლიერ გაუჭირდება თვისს ნამდვილ ანტერესთა დამცველი აირჩიოს და დამფუძნებელ კრებაში წარმომადგენლად გაგზავნოს. ცხადია, აქ მას მცოდნე პირების დახმადება დასჭირდება. ამიტომ აუცილებლად საჭიროა—ხალხის ყოველ „მეგობარს“ და მისი ინტერესების მოსარჩლეს ნება მიეცეს ხალხში თავისუფლად გავიდეს, სადაც მოახერხებს, ყრილობა და საუბარი გამართოს და შეუგნებელს მისი მდგომარეობა შეაგნებინოს. მაშინ ხალხი თვითონვე მიხვდება, თუ ვის შესტკივა მისთვის გული და ვინ გამოდგება მის წარმომადგენლად.

ერთი სიტყვით, საჭიროა წასვლას-წამოსვლისა, შეკრებისა და სიტყვის სრული თავისუფლება. მაშასადამე, საჭიროა, ეგრედ წოდებული, „პასპორტები“ მოისპოს და პოლიციას ნება აღარ ექმნეს—ხალხის თათბირში ჩაერიოს, მოსაუბრეს სიტყვა გააწყვეტინოს, ან კრება დაშალოს და სხვა. ხალხს უფლება უნდა მიეცეს, სადაცა და როდესაც სურს, კრება მოახდინოს და, რაზედაც სურს, ისაუბროს.

საჭიროა, დაუყოვნებლივ მოისპოს, ეგრედ-წოდებული, გაძლიერებულ დაცვის წესი, რომლის ძალითაც პო-

ლიციას დღეს სრული უფლება აქვს, ვინც არ მოეწონება, დაატუსაღოს, საპრობილეში ჩაადოს ან სხვარამ დასჯელი დაადოს. დამნაშავის დატუსაღება მხოლოდ მას შემდეგ უნდა შეიძლებოდეს, როდესაც ამას ხალხისაგან არჩეული ნაფიცი მსაჯულები გადაწყვეტენ. საჭიროა ჰიროფების ხელშეუხებლობა.

საჭიროა, ხალხს ყოველგვარი კავშირებისა და წრეების სრული თავისუფლება მიეცეს, რადგან მოქალაქეებს მხოლოდ ამგვარ კავშირებსა და წრეებში შეუძლიან თავისი მდგომარეობა და საჭიროებანი თართოდ, ყოველმხრივ და სისტემატიურად განსაჯონ და გაითვალისწინონ.

ზემოდ ჩვენ სიტყვა ხალხის „მეგობრებზე“ ჩამოვადეთ. როგორც ვიცით, ხალხის მეგობართა მეტი ნაწილი დღეს „პოლიტიკურ დამნაშავედ“ გამოცხადებულია და ბნელ ციხეებში ჩამწყდებული, ან-და სადღაც შორეულ გუბერნიებშია გადასახლებული. საჭიროა ამათ ყველას დაუყოვნებლივ „დახაშული“ ეპატიონ და ნება მიეცეთ, სადაც მოისურვებენ, იქ იცხოვრონ და იმოქმედონ.

მაგრამ არჩევნების შესამზადებლად ყველაზე უფრო საჭიროა ჟურნალ-გაზეთებისა და, საერთოდ, ბეჭდვითი სიტყვის სრული თავისუფლება. კრებაში მოსაუბრის მოსმენა, სულ ბევრი, ხუთას ან ათას კაცზე მეტს არ შეუძლია, წიგნი და გაზეთი კი ხუთი და ათი-ათასობით ვრცელდება და მთელ მხარეს ეფინება. ამას გარდა, ხშირად მოხდება, რომ კრებაზე მოსაუბრე თავის აზრს სავსებით ვერ განმარტავს ან ჯეროვანად ვერ დაასაბუთებს. ბეჭდურ სიტყვას კი შეუძლია, ეს ნაკლი თვალ-



საჩინოდ შეავსოს და მკითხველს საგნის სრული განხილვა წარუდგინოს.

ერთი სიტყვით, საჭიროა, ეგრედ წოდებული, ცენზურა მოისპოს და ჟუნალ-გაზეთების რედაქტორებსა და წიგნების გამომცემლებს სრული თავისუფლება მიეცეთ — თვისი გამოცემანი ხალხში დაუბრკოლებლად გაავრცელონ. რაღა თქმა უნდა, ის წესიც უნდა გაუქმდეს, რომლის ძალითაც პოლიციას უფლება აქვს კერძო ბიზნესკანსაგანს და ნება-დაურთველი წიგნები „დაატუსალოს“.

საჭიროა კერძო ბიზნის ხელშეუწყებლობა.

როდესაც ნაჩვენების გზით ხალხის მომზადება დასრულდება, მაშინ უკვე შესაძლო შეიქმნება თვით არჩევნების თადარიგს შევუდგეთ.

აქ თავდაპირველად საჭიროა მთელი მხრის საარჩევნო ოლქებად დაყოფა. მაგრამ ამას მესამე თავში განვიხილავთ.

### III.

#### საარჩევნების წინ.

საარჩევნო ოლქების რიცხვი იმაზეა დამოკიდებული, თუ რამდენი წარმომადგენელი უნდა გაიგზავნოს ამა თუ იმ მხარეში დამფუძნებელ კრებაში. ვსთქვათ, საქართველოდან რვა წარმომადგენელი მოითხოვეს. მაშინ, მცხოვრებთა რაოდენობის მიხედვით, მთელი საქართველო რვა საარჩევნო ოლქად უნდა გაიყოს.

ეს ოლქები ზოგიერთ ალაგას შეიძლება უკვე არსებულ ოლქებსა და მაზრებს უღრიდეს, ზოგან კი არა. მაგრამ საზოგადოდ კი აუცილებლად საჭიროა, რომ მცხოვრებთა რიცხვი უკუღა საარჩევნო ოლქებში თანასწორა იქმნეს.

ვსთქვით, 150-ათას-სულიანს რომელსამე ქალაქსაც ერთი საარჩევნო ოლქის უფლება მისცეს და, იქვე, 100-ათასიანი მაზრაც ცალკე საარჩევნო ოლქად გამოაცხადეს. უეჭველია, აქ საარჩევნო უფლების თანასწორობა დაირღვევა, რადგან ხალხ-მრავალსა და პროგრესიულ ქალაქსაც ერთი წარმომადგენელი ეყოლება დამფუძნებელ კრებაში და ხალხ-მცირე და კონსერვატიულ მაზრასაც.

ასევე დაირღვე უფლების თანასწორობა, თუ რომ იმავე ქალაქს ორ საარჩევნო ოლქად გავყოფთ, ე. ი. ორი დეპუტატის უფლებას მივცემთ, 100-ათასიან მაზრას კი იმავე მდგომარეობაში დავტოვებთ.

აი, ამისთვის არის საჭირო, რომ ამა თუ იმ მხრის ოლქებად დანაწილებას მცხოვრებთა რიცხვის თანასწორობა დაედოს საფუძვლად.

ამას გარდა, საზოგადოებრივ კლასთა ინტერესებსაც ყურადღება უნდა მიექცეს. მაგალითად, დანაშაული იქმნება მუშათა კლასის წინაშე, რომ ტფილისის სამი უბანი: დიდუბე, ნაძალადევი და ხარფუხი, სადაც მუშა-ხალხი ბლომად სცხოვრობს, ერთმანეთს დააშორონ და საარჩევნო მხრით ტფილისისა, თიანეთისა და დუშეთის მაზრებს მიაწერონ, სადაც სოფლის უკან ჩამორჩენილი წვრილი მესაკუთრე გაცილებით უფრო ბევრია ამ მუშებზე. რა თქმა უნდა, არჩევნების დროს მუშები ვერც ერთს თავის კანდიდატს ვერ გაიყვანენ, რადგან მათს ხმას აქ სოფლის წვრილი ბურჟუაზიის უმრავლესობა დაჰფარავს დი მნიშვნელობას დაუკარგავს.

სწორედ ასეთი წესი შემოიღო გერმანიაში ცნობილმა კანცლერმა ბისმარკმა და სახელად „საარჩევნო გეოგრაფია“ უწოდა. როგორც ვხედავთ, ეს „გეოგრა-

ფია“ სოფელს ბევრს ვერაფერსა სძენს, მუშათა კლასისთვის კი დიდად მავნებელია.

ამიტომაც საარჩევნო ოლქთა შემოფარგვლის დროს მხოლოდ ხალხის რიცხვითა და თვით ოლქის ადგილმდებარეობით უნდა იხელმძღვანელონ და არა ისეთის მოსაზრებით, რომელიც ერთს კლასს დაჩაგრავს, მეორეს კი სარგებლობას ვერ მოუტანს.

როდესაც მთელი მხარე ოლქებად დანაწილდება, თვითეულ ოლქისათვის ამომრჩეველთა სია უნდა შესდგეს, ე. ი. ნუსხა იმ პირებისა, რომელთაც უფლება აქვთ არჩევნებში მონაწილეობა მიიღონ.

დასავლეთ ევროპაში ამ სიებს ზოგან მთავრობა ადგენს, ზოგან კი განსაკუთრებული კომისიები. აქ ვერ გამოვუდგებით იმის გარჩევას, თუ ამ წესში რომელი უმჯობესია. ვიტყვით მხოლოდ, რომ აღნიშნულ სიების შედგენა უსათუოდ ისეთს პირს ან დაწესებულებას უნდა მიენდოს, რომელიც ამ საქმეს პირნათლად შეასრულებს.

სიები უნდა დაიბეჭდოს და მთელს ოლქში ისეთს ადგილას გამოიკიდოს, სადაც ხალხი ბლომად მიდი-მოდის და იკრიბება, რათა ყოველ ამომრჩეველს შეეძლოს დარწმუნდეს, რომ იგი სიაში გამოტოვებული არაა, ხოლო, თუ გამოტოვებულია, სიის შემდგენელს დროიანად მიმართოს და შეცდომა გაასწორებინოს.

წინდაწინვე უნდა დაინიშნოს დრო და ადგილი, სადაც არჩევნები მოხდება. ამ საქმის შესრულებას და აგრეთვე თვით არჩევნების გაძლოლასაც დასავლეთ ევროპაში, ჩვეულებრივ, განსაკუთრებულ დაწესებულებას ანდობენ, რომელსაც საარჩევნო ბიურო ეწოდება.

თუ ოლქი პატარაა, ერთი ბიუროც ეყოფა. მაგრამ

როცა ოლქი შორს მანძილზეა გაშლილი, მაშინ ბიუროებიც მეტია საჭირო, რომ არჩევნების დროს მიკერძებას და სხვა ბოროტ-სარგებლობას ადგილი არ ექნეს, საჭიროა ბიუროს წევრებად ყველა საზოგადოებრივ პარტიისა და კლასის წარმომადგენლები დაინიშნონ.

დროიანად უნდა გამოცხადდეს სასაჩქვე კანდიდატების, ე. ი. იმ პირების ვინაობა, რომელთაც არჩევნების დროს მთელი ოლქი კენჭს უყრის.

კანდიდატის წამოყენება ყოველ ჯგუფს, ყოველ კლასსა და პარტიას შეუძლია. დაბასა და სოფელსაც ნება აქვს კანდიდატი დაასახელოს.

როცა კანდიდატი დასახელებულია, მან მთელი საარჩევნო ოლქი უნდა შემოიაროს, ყოველგან საუბარი გამართოს და ხალხს თვისი შეხედულება, მიმართულება და მომავალ მოქმედების გეგმა გააცნოს.

დასასრულ, ყოველ ამომრჩეველს მის სახელზე გაკეთებული პატარ-პატარა ბარათი (სასაჩქვე ბარათი) ჩამოურიგდება, რომელიც არჩევნების დროს ბიუროში უნდა წარმოადგინოს. არავის ნება არა აქვს, ეს ბარათი სხვას გადასცეს, გაყიდოს ან გაასაჩუქროს.

აქ თავდება არჩევნების წინასწარი მუშაობა და იწყება თვითონ არჩევნები. მაგრამ, სანამ ამ უკანასკნელთა აღწერას შევუდგებოდეთ, საჭიროა გავითვალისწინოთ, თუ ვისა აქვს უფლება არჩევნებში მონაწილეობა მიიღოს, ე. ი. სხვა აირჩიოს ან თვითონ არჩეულ-იქნას.

ამის პასუხს საარჩევნო უფლების განხილვა მოგვცემს.

IV.

**საარჩევნო უფლება.**

საარჩევნო უფლება ორ-გვარია: აქტიური და პასიური.

აქტიურს იმ უფლებას ეძახიან, რომლის ძალითაც ყოველ სრულ-წლოვან მოქალაქეს ნება აქვს—სხვა აირჩიოს.

ხოლო, როდესაც იმავე მოქალაქეს შეუძლია—სხვისგან არჩეულ იქნას, ეს კი პასიური უფლებაა.

ჯერ-ჯერობით აქტიურ საარჩევნო უფლებაზე გვექნება საუბარი.

დღეს ყველგან გვესმის და თითქმის ყოველ გაზეთში ვკითხულობთ, რომ საარჩევნო უფლება საყოველთაო, თანასწორი, პირდაპირი და ფარული უნდა იყოსო.

აფხნათ, რას ნიშნავს ეს სიტყვები.

V.

**საყოველთაო საარჩევნო უფლება.**

თავისთავად იგულისხმება, რომ სიტყვა საყოველთაო იმას კი არ ნიშნავს, თითქო ყოველს ძუძუ-მწორებავშვს, შეშლილს, აშკარა დამნაშავეს ან ნაფიც მსაჯულთა-მიერ ღირსება-ახდილს პირს უფლება ჰქონდეს არჩევნებში მონაწილეობა მიიღოს.

როდესაც საყოველთაო საარჩევნო უფლებას თხოულობენ, ამით მხოლოდ იმისი თქმა სურთ, რომ არჩევნებში მონაწილეობის მიღება უნდა შეეძლოს ყოველ მამაკაცსა და დედაკაცს, რომელსაც სრულ-წლოვანობამდე მიულწევია და ზემოდ დასახელებული ნაკლი არა აქვს.

საყოველთაო საარჩევნო უფლებას ბევრი მოწინააღმდეგე ჰყავს. იგინი გაიძახიან:

„როგორ შეიძლება, მდაბიო ხალხსაც ისეთივე უფლება მიეცეს, როგორც მოქალაქობრივად მომწიფებულ კლასებს ეძლევაო. თავდაპირველად საჭიროა, მდაბიო ხალხი იმ ზომამდე განავითაროთ, რომ სახელმწიფო მართვა-გამგეობის აზრი შეიგნოს, და მერე მისცეთ საარჩევნო უფლებაო“.

მაგრამ, როგორც მოგეხსენებათ, „სანამ პავლე მოვიდოდეს, პეტრეს ტყავი გააძრესო“; და, ამასთანავე, აღნიშნული საბუთი იმ ბატონების მსჯელობას მოგვაგონებს, რომელნიც ერთს დროს ამერიკაში მონათა განთავისუფლების წინააღმდეგ გაიძახოდნენ: „სანამ მონებს გავანთავისუფლებდეთ, ჯერ განათლება უნდა მივსცეთ, თორემ ეხლანდელი მონები თავისუფლების სიკეთით ვერ ისარგებლებენო“.

მაგრამ, კაი ხანია, მონები განთავისუფლდნენ და, არა მარტო მოქალაქობრივ თავისუფლებით, პოლიტიკური უფლებებითაც კი ჩინებულად ისარგებლეს.

ყველგან და ყოველთვის, როდესაც მდაბიო ხალხს საარჩევნო უფლება ეძლეოდა, იგი სწრაფად ცნობიერდებოდა და აღნიშნულის უფლებით არისტოკრატიულ კლასებზე ნაკლებ არა სარგებლობდა.

კიდევ უფრო კარგად სარგებლობდა ხალხი საარჩევნო უფლებით, როდესაც იგი ბრძოლით ჰქონდა მოპოებული.

ხალხს ბევრი ჩიჩინი არ სჭირია, რომ თვისი ინტერესი შეიგნოს. ხოლო დეპუტატის ასარჩევად ეს სრულიად საკმაოა.

ესევე უნდა ითქვას იმ პირების წინააღმდეგაც, რომელნიც ქალთა საჩუქრებს უფლებას უარჰყოფენ ან ნაადრევად სთვლიან.

ყველამ იცის, რომ ეხლანდელ საზოგადოებაში ქალები უფრო დაჩაგრულნი არიან, ვინემ კაცები. როგორც სახელმწიფოში, ისე საზოგადოებაში და ოჯახშიაც ქალი მოკლებულია იმგვარს უფლებას, რომელსაც მამაკაცს არაფერია ეცილება.

მთელ საუკუნეთა განმავლობაში ქალი უუფლებოდ რჩებოდა და, ამის გამო, რაღაც მივიწყებულ და მშიშარა არსებად იქცა, რომელსაც ძალა არ შესწევს, თვისი ღირსება და ინტერესი მტკიცედ დაიცვას.

რა თქმა უნდა, თუ დედა მონურის გრძნობებით გამსჭვალულია, შვილსაც ამგვარს გრძნობებს ჩაუნერგავს. თუ ცოლს არ გაეგება ის ბრძოლა, რომელსაც მისი ქმარი ეწევა, უეჭველია, ქმრის ხელის-შემშლელი იქნება და ცრემლ-საყვედურით სიცოცხლეს მოუწამლავს.

აუცილებლად საჭიროა, ქალებიც მოქალაქეები გახდნენ და უკეთეს ცხოვრებისათვის მამაკაცებთან ერთად იბრძოლონ. საამისოდ კი საჭიროა უუფლებო მდგომარეობიდან გამოვიდნენ და საზოგადო საქმეებში მონაწილეობა მიიღონ.

რუსეთის კანონით, მოქალაქობრივი სრულწლოვანების დასაწყისად 21 წელი ითვლება.

თავისთავად იგულისხმება, რომ ის პირი, რომელმაც ქვეყნის მართვაში მონაწილეობა უნდა მიიღოს, აზრ-შეხედულებითაც მომწიფებული უნდა იყოს. მაგრამ დიდი შეცდომა იქნება, აქედან ის დასკვნა გამოვიტანოთ, თითქო მოქალაქობრივი სიმწიფე უსათუოდ წელთა სი-

მრავლებზე იყოს დამოკიდებული, და, ამ დასკვნის თანახმად, იმ ქვეყნებს წავბაძოთ, სადაც საარჩევნო სრულწლოვანობის დასაწყისად 24, 25 და 30 წელია მიღებული.

არ უნდა დავივიწყოთ, რომ დღეს ცხოვრება შეიცვალა და მასთან ერთად ახალთაობაც შედარებით უფრო ადრე ვითარდება, ვინემ ეს ამასისა ან ორმოცდაათის წლის წინად იყო. ამიტომ საბუთი არა გვაქვს; 20 წლის მუშა-მოქალაქე უფრო ნაკლებ მომწიფებულად ჩავთვალოთ, ვინემ სოფლად დაბადებული და აღზრდილი 25 წლის გლახი.

კერძოდ, კავკასიელების შესახებ ისიც შეგვიძლიან დავუმატოთ, რომ, ადგილობრივი ჰავის წყალობით, აქაური ქალი და კაცი ადრე მწიფდება სქესებრივად, რასაც ფრჩხილად დიდი გავლენა აქვს ადამიანის საზოგადო მომწიფებაზედაც. თუ რუსეთის შიდა-გუბერნიებში სქესებრივი მომწიფების ხანად 17—18 წელია მიღებული, ჩვენში ამავე მდგომარეობის დასაწყისად 13—15 წელი ითვლება.

რუსთათვის სქესებრივ და მოქალაქობრივ სრულწლოვანობის განსხვავება სამი წელია ( $18+3=21$ ). ამის კვალობაზე, კავკასიელთათვისაც მოქალაქობრივი სრულწლოვანობის დასაწყისად 18 წელი ( $15+3=18$ ) შეგვიძლია ჩავთვალოთ, ე. ი. სწორეთ ის წელი, რომელიც შვეიცარიის ზოგიერთ კანტონში საარჩევნო სრულწლოვანობის ხანადაა მიღებული.

ჩვენ წინააღმდეგი არა ვართ, სრულწლოვანობის დასაწყისი ოც წლამდე ავსწიოთ, მაგრამ ამას იქით მომატება კი სასურველად არ მიგვაჩნია.

არ უნდა დავივიწყოთ, რომ ადამიანი ახალგაზდო+



ბისას უფრო გულწრფელად ეძლევა საზოგადო საქმეს, თანაც საკუთარ სარგებლობას ივიწყებს, ვინემ 25—30 წლისა და მეტის ხნის ვაჟკაცი, რომელიც, ხშირად, რაკი ცოლშვილში ჩავარდა, იძულებული ხდება—ერთსა და იმავე ადგილს (სამსახურს ან სამუშაოს) მაგრად ჩაებლაუჭოს და, მისი დაკარგვის შიშით, ამ ქვეყნის ძლიერთა წინაშე მეტად მომთმენი და დამთმობი შეიქნეს.

ამრიგად, საყოველთაო საარჩევნო უფლება მოითხოვს, რომ ყოველ ქალსა და კაცს, რომელსაც დაბადებიდან 20 წელი მაინც შესრულებია, ნება ექნეს, არჩევნებში მონაწილეობა მიიღოს.

ეს უფლება არ უნდა იქნეს შეზღუდული არც ქონებით, არც წერა-კითხვის ცოდნით არც ბინადრობით და არც სხვა მრავალ-გვარ ხელშემშლელ პირობებით, რომელთაც ეხლავე შევეხებით

რა თქმა უნდა, სულ სხვაა, როდესაც ამბობენ: „საარჩევნო უფლება ყველა სრულ-წლოვანს მოქალაქეს აქვსო“, და სულ სხვაა, როდესაც ამ სიტყვებს შემდეგს კუდს მიაბმენ: „საარჩევნო უფლება აქვს ყოველ სრულ-წლოვანს მოქალაქეს, რომელიც ხაზინას ამდენსა და ამდენს ზირდაზირ გადასახადს ეძლევის, ოჯახისთავად ითვლება, წერა-კითხვა იცის და საარჩევნო ოლქში ერთი ან ორად წელი მაინც უცხოვრობიაო.“

აქ საყოველთაო უფლებიდან სანახევრაც აღარა რჩება. განვმარტოთ ეს აზრი.

დასაველეთ ევროპაში ხშირი მაგალითია, რომ საარჩევნო უფლება „უგულა“ სრულ-წლოვან მამაკაცს ეძლევა, მაგრამ მარტო მაშინ, როცა იგი ხაზინის სასარგებლოდ ზირდაზირ გადასახადს იძლევა. ცხადია, იქ ლარობ-

ლატაკსა და უმიწა-წყლო მუშას ხმის ამოდება არა აქვს, რადგან იგი „პირდაპირს გადასახადს“ არ იხდის, თუმცა არა-პირდაპირი გადასახადები, სხვადასხვა-გვარი ბაჟის სახით, მასაც იმნაირათვე აწევს კისერზე, როგორც ყველა სხვა მოქალაქეს.

სოფლის გლეხკაცობა პირდაპირ გადასახადს იძლევა. მაგრამ ზოგჯერ მასაც ეუბნებიან: თქვენ შორის მარტო იმ მამაკაცებს შეუძლიანთ არჩევნებში მონაწილეობა მიიღონ, რომელნიც ოჯახის თავებად ითვლებიანო. როგორც ვიცით, მთელს ოჯახში თავი კაცი მარტო ერთია. მაგრამ ხშირად იმავე ოჯახში სხვაც ბევრი სრულწლოვანი კაცი და ქალია. უეჭველია, თუ აღნიშნული პირობა მივიღეთ, ეს უკანასკნელნი საარჩევნო ხმის გარეშე დარჩებიან.

ზოგჯერ საარჩევნო უფლების აუცილებელ პირობად წერა-კითხვის ცოდნას სთვლიან და საყოველთაო საარჩევნო უფლებას ასე გამოხატავენ: „არჩევნების უფლება აქვს ყველა სრულწლოვანს, წერა-კითხვის მცოდნე მოქალაქესაო“.

მაგრამ ჩვენში 100 სრულწლოვან ქალსა და კაცზე წერა-კითხვის 10 მცოდნეც ძლივს უწევს. მაშასადამე, დანარჩენი 90 კაცი და ქალი უხმოდ დარჩება. ცხადია, ვერც ერთი ჰკვათა-მყოფელი გლეხი და მუშა ამგვარს „საყოველთაო“ უფლებას ვერ დასთანხმდება, რადგანაც მათ შორის წერა-კითხვა ყველაზე უფრო ნაკლებ გავრცელებულია და, მაშასადამე, აღნიშნულ წესით სხვებზე უფრო მეტად იგინი დაიჩაგრებიან.

ძლიერ ცუდია, როდესაც სრულწლოვან მოქალაქეს მარტო მაშინ აძლევენ საარჩევნო უფლებას, როცა

მას ამა თუ იმ ალაგას ერთი ან ორი წელი მაინც უცხოვრია. ამგვარი წესი ყველაზე უფრო მუშა-ხალხს ავიწროებს, რადგან იგი ხშირად თავის საცხოვრებელს მამა-პაპეულ მიწა-წყალს მოწყვეტილია და დღიურ ლუკმა-პურისთვის ასსა და ათას ვერსზეა წასული, თანაც იძულებულია მეტის ხელფასის ძებნაში ადგილი ხშირ-ხშირად გამოიცვალოს.

ცხადია, ამისთანა მუშა აღნიშნულ „საყოველთაო“ უფლებით ადვილად ვერ ისარგებლებს, რადგან მისთვის ძნელია ორი-სამი დღით სამშობლოსკენ გაისეირნოს, არჩევნებში მონაწილეობა მიიღოს, შემდეგ უკან დაბრუნდეს და თავის დამქირავებლისაგან კვლავ სამუშაო იშოვოს.

დასასრულ, საყოველთაო საარჩევნო უფლებისთვის თვით ასეთს უბრალო გარემოებასაც-კი დიდი მნიშვნელობა აქვს, როგორც, მაგალითად, ღრმად და ადგილია, სადაც არჩევნები უნდა მოხდეს.

საკმაოა, მაგალითად, არჩევნები უსათუოდ კვირ-უქმეობით ინიშნებოდეს, როდესაც თათქმის ყველა მოცლილია.

უკანასკნელ, თუ საარჩევნო ბიურო ხალხისათვის დასახმარ ალაგას არ იქმნა გამართული, წვრილ-შვილისა და ოჯახობის პატრონი ხელ-მოკლე კაცი და ქალი ადვილად ვერ მოახერხებს—ოჯახი ღვთისანაბარად ტატოვოს და მთელის დღით ან მეტის ხნითაც შორს ბიუროში გაემგზავროს. უეჭველია, იგი იძულებული გახდება კენჭის-ყრაზე ხელი აიღოს.

ამიტომ აუცილებლად საჭიროა, როცა საარჩევნო

ოლქი ვრცელია, ბიურო ისეთს ადგილას გაიმართოს, სადაც ხალხს მისვლა-მოსვლა ყოველ მხრიდან ადვილად შეუძლია.

## VI.

### თანასწორი საარჩევნო უფლება.

ყოველ ამომრჩეველს იმდენი ხმა უნდა ექმნეს, რამდენიც თვითეულს დანარჩენს აქვს. ან, როგორც ინგლისელები ამბობენ: „ერთი კაცი—ერთი ხმა“, არც მეტი, არც ნაკლები.

ზოგიერთ ქვეყნებში ყოველ სრულ-წლოვანს მამაკაცს თითო კენჭი აქვს მიცემული. მაგრამ, ამას გარდა, მდიდარსა და განათლებულ პირებს კიდევ ზედმეტი ხმაც ეძლევათ—თანხისა, ადგილ-მამულისა და სასწავლებლის მიხედვით.

როგორც ვიცით, მდიდარი და განათლებული კაცი, სიმდიდრისა და განათლების წყალობით, ერთი ხმითაც უკედ ისარგებლებს, ვინც სხვა გაუნათლებელი და ღარიბი მოქალაქე. მაშ, რაღა სამართალი იქმნება, რომ მდიდარსა და განათლებულს კიდევ ზედმეტი ხმაც მიეცეს.

დიდს უთანასწორობას გამოიწვევს, აგრეთვე: რომ მთავრობამ გამოაცხადოს:

„ყველას თანასწორი საარჩევნო უფლება აქვს, მაგრამ თვითეულმა წოდებამ თავისი დებუტატი ცალ-ცალკე აიწიოს“, ე. ი. ყოველმა საარჩევნო ოლქმა იმდენი დებუტატი გამოგზავნოს, რამდენიც წოდება არისო.

ვიცით, გლეხკაცობა ყველაზე უფრო მეტი წოდებაა. ვსთქვათ, ოლქში ხუთი ათასი ამომრჩეველი გლეხია

და ათასი—აზნაური. პირველნიც ერთს დეპუტატს გაგზავნიან და მეორენიც. რას ნიშნავს ეს?

ეს იმას ნიშნავს, რომ 1000 აზნაურის ხმასაც იმდენი ძალა ექნება, რამდენიც 5000 გლეხისას, ანუ, სხვანაირად რომ ვთქვათ, გლეხის ხმა ხუთჯერ სუსტი და ნაკლები იქნება აზნაურისაზე.

ამიტომაც დღეს ყოველი შეგნებული ხალხი თხოულობს, რომ საარჩევნო უფლება თანასწორი იყოს, განუჩრჩევლად წოდებისა და მდგომარეობისა.

ზემოდ, მესამე თავში, უკვე დავინახეთ, თუ რადენად ვნებს საარჩევნო უფლების თანასწორობას, ეგრედ წოდებული, „საარჩევნო გეოგრაფია“.

ამაზე ნაკლებ მანვებელი არ არის რე-პატიანია მართვა-გამგეობის წესიც.

ვეროპის ზოგიერთ სახელმწიფოში კანონმდებლობის საქმე ორს პალატას ანუ ორს კრებულს აქვს მიწოდებული. ჩვეულებრივ, ერთს ზემო-პალატა ეწოდება, მეორეს — ქვემო-პალატა.

თუ ზემო-პალატამ არ შოიწონა, ისე ვერც ერთი ქვემო-პალატაში შემუშავებული კანონი ვერ გავა.

ქვემოპალატის წევრებს მთელი ხალხი ირჩევს, მათ შორის შეძლებული კლასებიც. ზემო-პალატის წევრებს კი მარტო შეძლებული კლასები ირჩევენ, ზოგან თვითონ მეფე ნიშნავს.

ცხადია, კენჭის «თანასწორობა» აქაც ფუჭი სიტყვაა, რადგან შეძლებულ კლასებს რეი კენჭის უფლება აქვს (დეპუტატებს ორსავე პალატაში ირჩევენ), დანარჩენებს კი — მარტო ერთისა.

ამასთანავე, ორ პალატიან მართვა-გამგეობის დროს,

შედლებულ კლასების ხმასაც მეტა ძალა აქვს, ვინემ დანარჩენ ხალხისას, რადგან, როგორც ვთქვით, ვერც ერთი კანონი ისე სისრულეში ვერ მოვა, თუ იგი ზემოპალატამაც არ მოიწონა. მაშასადამე, საკმაოა, ამ ერთმა მუქა-კრებულმა ქვემო-პალატის-მიერ შემუშავებული კანონი დაიწუნოს, რომ ხალხის უმრავლესობის წარმომადგენელთა ნამოქმედარს ყოველი პრაქტიკული მნიშვნელობა დაეკარგოს.

ასეთია ორ-პალატიანი წესის უკუღმართი მხარეები.

ამიტომაც დღეს ყოველი მოწინავე პარტია თხოულობს, რომ ხალხის წარმომადგენლობა იყოს ერთი და გაწეფილი.

თანასწორობის პრინციპს არღვევენ ის ქვეყნები, რომელნიც შეძლებულ პირებს უფლებას აძლევენ, არჩევნებში ყველგან მონაწილეობა მიიღონ, სადაც-გი უძრავი ქონება მკუზავებათ.

ვთქვათ, რომელსამე მემამულეს ოთხს საარჩევნო ოლქში აქვს მიწა-წყალი. ცხადია, ამ წესის ძალით, იგი ოთხსავე ოლქში აირჩევს წარმომადგენელს, ე. ი. სხვებთან შედარებით ოთხჯერ მეტი კენჭი ექნება.

ამიტომ, აუცილებლად საჭიროა, ერთ გაცეს მარტო ერთ საარჩევნო ოლქში ექნეს კენჭის ყრის უფლება, სულ ერთია, რა შეძლების პატრონიც გინდა იყოს.

ესევე უნდა ვთქვათ სხვადასხვაგვარს — ამხანაგობასა, კომპანიასა და საზოგადოებაზე, ანუ, ვგრედ წოდებულ, „იურიდიულ პირებზე“. კენჭი მხოლოდ „ფიზიკურს პირს“ უნდა ეკუთვნოდეს და არა რომელსამე დაწესებულებას.

წინააღმდეგ შემთხვევაში მოსალოდნელია, ერთმა და იმავე პირმა ერთსა და იმავე ოლქში პირველად თავის მაგივრად ჩაადგოს კენჭი, მეორედ—როგორც რომლისამე ქარხნის რწმუნებულმა, მესამედ—როგორც მადნების წარმომადგენელმა, მეოთხედ—როგორც წარმომადგენელმა ხე-ტყის წარმოებისამ და სხვა.

ცხადია, ამგვარი წესი თანასწორობად ვერ ჩაითვლება. ამიტომ საჭიროა, არავითარს „იურიდიულ პირს“ საარჩევნო უფლება არ მიეცეს.

## VII.

### პირდაპირი საარჩევნო უფლება.

პირდაპირი საარჩევნო პრინციპი მოითხოვს, რომ ამომრჩევლებმა პირდაპირ იმ დაწესებულებისათვის აირჩიონ წარმომადგენლები, რომელმაც კანონები უნდა შეიმუშაოს.

მაგრამ არის, ეგრედ წოდებული, ორ-გვერდი საარჩევნო წესი, რომელიც აღნიშნულ პრინციპს ვერ ეთანხმება.

ამ წესის ძალით, ხალხი პირდაპირ დეპუტატს კი არ ირჩევს, არამედ დეპუტატების ამომრჩევლებს, რომლებმაც შემდეგ თვითონ უნდა აარჩიონ ხალხის წარმომადგენლები.

მაგრამ ხანგრძლივმა გამოცდილებამ დაამტკიცა, რომ ეს წესი ზოგიერთ შემთხვევაში სრულიად ზედმეტი და უაღაგოა, ზოგიერთში კი—პირდაპირ მავნებელი.

ზედმეტია, რადგან, სადაც ეს წესი არსებობს (მაგ. ამერიკაში), ხალხი თვის-მიერ არჩეულ ამომრჩევლებს ვალად უდებს—უსათუოდ ის დეპუტატი აირჩიონ, რომელიც თვითონ ხალხსა სურს. ასე რომ, ბოლოს და ბოლოს, თუ არჩევნები სინდისიერად წარმოებს, დეპუ-

ტატების ამომრჩეველი იგივე ხალხი გამოდის და არა მისი რწმუნებულები.

მაგრამ უფრო ხშირად ამ წესით მდიდრები და გავლენიანი პირები ბორჯტ-სარგებლობენ ხოლმე.

მართლაც, სანამ დეპუტატების არჩევანი მთელი ოლქის ხელშია მანამ ვერც ერთი გავლენიანი პირი ვერ შესძლებს, ამომრჩეველთა უმრავლესობა თავის მხარეზე გადაიყვანოს. მაგრამ, როცა დეპუტატის ამომრჩეველად 50 ან 100 რწმუნებული გამოდის, მაშინ კი, ძნელი დასაჯერებელია, მოსყიდვას, შეშინებას, ბრძანებასა და ძალდატანებას ადგილი არ ექნეს.

სწორედ ამიტომ, საარჩევნო წესი პირდაპირი ანუ ერთ-კეცი უნდა იყოს და არა ორ-კეცი ან მრავალკეცი.

### VIII.

#### ფარული საარჩევნო უფლება.

უკანასკნელ, საარჩევნო უფლება უნდა იყოს საიდუმლო ანუ ფარული, ე. ი. ვერავინ ვერ უნდა გაიგოს, თუ სახელდობრ რომელმა ამომრჩეველმა ჩაუგდო კენჭი ამა თუ იმ დეპუტატს.

ამგვარად ჩაგდებულ-კენჭს დახურული კენჭი ჰქვია.

დახურული კენჭი იმისთვისაა საჭირო, რომ ამომრჩეველს თავისუფლად შეეძლოს სწორედ ის კაცი აირჩიოს, რომელიც სურს და სასარგებლოდ მიაჩნია.

მაგრამ, როცა კენჭი ახდიდა, ყველა ამომრჩეველი თავისუფლად ვერ მოქმედობს. ზოგს მთავრობისა ეშინია, ზოგს ნათესავის ხათრი აქვს; მუშას დამჭირავებლისა ეფიქრება, მოხელეს—უფროსისა და სხვა.

ამის წყალობით, ხშირად მოხდება, რომ ამომრჩევე-



ლი იმას კი არ ირჩევს, ვინცა სურს და სასარგებლოდ მიაჩნია, არამედ იმას, ვინც მისს უფროსსა ან დამქირავებელს მოსწონს, ან კიდევ ვისაც მთავრობა უბრძანებს.

დახურულ კენჭის დროს კი ძნელი წარმოსადგენია ვისსამე შიშსა და მოხატრებას ამომრჩევლის გულში ადგილი ექნეს.

მართალი, თვით ისეთი პატივცემული მოაზრეც კი, როგორც ჯონ-სტიუარტ მილლი იყო, დახურულ კენჭის ყრას ეწინააღმდეგებოდა და ამბობდა: „ვინც სახელმწიფოს მართვაში ერევა, გამბედაობაც უნდა ჰქონდეს და თავისი შეხედულობის გამოქვეყნებისა არ უნდა ეშინოდეს“.

მაგრამ, სამწუხაროდ, ამ გმირ მოაზრის საბუთით მის დროსვე ბევრმა სრულიად არა-გმირმა არსებამ დაიწყო სარგებლობა თავის მოწინააღმდეგე ამომრჩეველთა ასალაგმავად. ამის გამო, 1872 წელს, ინგლისის ლიბერალურმა სამინისტრომ სამუდამოდ უარ-ჰყო ახდლი არჩევნები და დახურული კენჭის ყრა შემოიღო.

დახურული კენჭის ყრა არის მიღებული დასავლეთის ყველა მოწინავე სახელმწიფოში (საფრანგეთსა, შვეიცარიასა, გერმანიაში, პრუსიის გარდა, და ჩრდილოეთ ამერიკაში).

ცხადია, ამ გონივრულ წესს უნდა დაადგეს ჩვენი ქვეყანაც.

## IX.

### პასივური საარჩევნო უფლება.

როგორც ზემოდ გავარკვიეთ, აქტიური საარჩევნო უფლება უნდა იყოს: საყოველთაო, თანასწორი, პირდაპირი და ფარული.

საყოველთაო და თანასწორი უნდა იყოს პასივური უფლებაც, ე. ი. ყოველს 20 წლის კაცსა და ქალს უნდა შეეძლოს დეპუტატად არჩეულ-იქნას.

ნურავინ იფიქრებს, თითქო 20 წლის კაბუკს არ შეეძლოს დეპუტატობა მოახერხოს.

მართალია, ოცი წლის ყველა კაცი და ქალი დამფუძნებელი კრების წევრად ვერ გამოდგება ისე, როგორც ვერც ყველა ოცდა-ხუთ და ოცდა-ათ წლოვანი მოქალაქე გამოდგება ამ საქმისათვის, მაგრამ დეპუტატს ხომ ხალხი ირჩევს და, მაშასადამე, დიდი უნდობლობა უნდა ჰქონდეს კაცს ხალხისადმი, რომ იფიქროს, თითქო ხალხი თავისს წარმომადგენელს აჩქარებითა და დაუკვირვებლად აირჩევსო. თუ იმ პირობას შევასრულებთ, რომელიც მეორე თავში მოვიხსენეთ, ხალხს აგრე რიგადაც არ გაუჭირდება დამფუძნებელ კრებისთვის შესაფერი კანდიდატი აირჩიოს.

რაც საყოველთაო და თანასწორ აქტივურ უფლებების შესახებ ვთქვით, პასივურ საარჩევნო უფლების შესახებაც იგივე უნდა ითქვას,—მისი შეზღუდვა არ უნდა შეიძლებოდეს, არც ეროვნებით, არც სქესით, არც ქონებით, არც განათლებით, არც დიდი ხნოვანებით და არც სხვა მსგავსი პირობით.

პასივური უფლებაც იგეთივე უნდა იყოს, როგორიც აქტივურია. ყოველგვარი შეზღუდვა აქ საგანს მხოლოდ გაართულებს და არჩევნებს გააძნელებს; საქმეს კი ბრჩხილის ოდნადაც წინ ვერ წასწევს.

მაგრამ, ვთქვით, რომელმამე ოლქმა ქონებრივად ხელ-მოკლე დეპუტატი აირჩია, რომელიც ოჯახს საკუთარ შრომით ინახავს. შესძლებს კი ასეთი დეპუტატი,

თვისს საქმეზე ხელი აიღოს, ოჯახი ულუკმა-პუროდ მიატოვოს და შორს დამფუძნებელ კრებაზე წავიდეს, სადაც, ვინ იცის, რამდენ ხანს მოუხდება ცხოვრება?

ცხადია, იგი იძულებული იქნება დეპუტატობაზე უარი განაცხადოს და ხალხს არჩევანი გაუცრუოს.

ამიტომ აუცილებლად საქიროა, ყოველ დეპუტატს ხაზინიდან საკმაო ჯამაგირი დაენიშნოს.

მართალია, ზოგიერთი სქელ-ჯიბა „ფილოსოფოსი“ იტყვის და მასთან სხვაც ბევრი გაიმეორებს, რომ დეპუტატობა საზოგადო საქმეა და ნუ თუ ყოველი პატიოსანი მოქალაქე ვალდებული არაა საზოგადო საქმეს უსასყიდლოდ ემსახუროს.

მაგრამ ამ თავისთავად სიმპატიურ აზრს სარჩული ყოველთვის სიმპატიური როდრი უძევს, ხოლო შედეგი ხშირად ძლიერ სამწუხაროა. ამიტომ დეპუტატს უსათუოდ გადაჭრილი ჯამაგირი უნდა მიეცეს. ვისაც არ სურს და ქონება ნებას აძლევს, შეუძლია სადეპუტატო ჯამაგირზე უარი სთქვას, მაგრამ კანონით კი ყოველ დეპუტატს უნდა შეეძლოს თავის გასამრჯელოდ დაწესებული ჯამაგირი მიიღოს.

ამით ვათავებთ საარჩევნო უფლების შესახებ საუბარს და თვით არჩევნებზე გადავდივართ.

## X.

### არჩევნების წარმოება.

საარჩევნო ბიუროსაგან დანიშნულ დღეს ყველა სრულწლოვანი მოქალაქე ვალდებულია ბიუროში გამოცხადდეს და საარჩევნო ბარათი წარადგინოს. როცა ბარათის პატრონი კენჭის ყრას გაათავებს, ამ ბარათზე ბიურო დააწერს, რომ აღნიშნულმა ამომრჩეველმა ერთ-

გან უკვე კენჭი ჰყარა, და მასაც ნება აღარ ექნება სხვა ბიუროში სხვას ვისმე კენჭი უყაროს.

თვით კენჭის ყრის წესი (არჩევნები) ორგვარია: ა) თვითეული კანდიდატისა ცალ-ცალკე და ბ) რამდენისამე კანდიდატისა ერთად. პირველს ინდივიდუალურს ანუ სათვითოლო არჩევანს ეძახიან, მეორეს კი „სიათ არჩევანს“ (Scrutin de liste), რადგან ამ უკანასკნელ შემთხვევაში რამდენისამე კანდიდატის სახელი ერთ სიაზეა დაბეჭდილი და, თუ ამომრჩეველმა ერთი მათგანი აირჩია, უსათუოდ დანარჩენებიც უნდა აირჩიოს. ხოლო როცა ინდივიდუალური კენჭის ყრაა, მაშინ, სიაში თუნდ ათი კანდიდატის გვარიც იყოს ჩაწერილი, ამომრჩეველი მარტო ერთს მათგანს ჩაუგდებს კენჭს, დანარჩენებს კი წაშლის.

ცხადია, როდესაც საარჩევნო ოლქიდან მარტო ერთს დეპუტატს თხოულობენ, მაშინ მხოლოდ პირველ-გვარი, ანუ ინდივიდუალური არჩევანია მოსახერხებელი.

მაგრამ მოხდება, რომ მთავრობა მთელ მხარეს ახალ საარჩევნო ოლქებად არ დაჰყოფს, არამედ უკვე არსებულს თვითეულ გუბერნიას სამს ან ოთხს დეპუტატს მოსთხოვს. ამ შემთხვევაში ყოველი ჯგუფი და ყოველი პარტია მოვალეა სამი ან ოთხი კანდიდატი წამოაყენოს და ყველანი ერთ სიაში მოათავსოს. როცა კენჭის ყრა დაიწყება, ამომრჩეველს ყველა ჯგუფისა და პარტიების სიებს მისცემენ ხელში, და შემდეგ თვით მათგან და მოკიდებული, თუ რომელ სიას მიიღებს (კენჭს ჩაუგდებს) და რომელს უარჰყოფს.

ამგვარს კენჭის ყრას უმეტესად მაშინ მიმართავენ ხოლმე, როდესაც აზრად აქვთ საერო კრებაში, რამდე-

ნადაც კი შესაძლებელია, ერთ-გვარს დეპუტატებს მოუყარონ თავი. მართალია, ამგვარ კენჭის ყრას ზოგჯერ რეაქციონური დასები ბოროტად გამოიყენებენ ხოლმე, მაგრამ ვერც იმას უარ-ვპყობთ, რომ ამავე წესით პროგრესიულ დასებსაც ადვილად შეუძლიათ ისარგებლონ და საკანონმდებლო კრებაში უმეტესად პროგრესიული დეპუტატები გაგზავნონ.

ამ შემთხვევაში როგორც პროგრესიული, ისე რეაქციონური დასები შემდეგს ხერხს მიმართავენ ხოლმე. სიის თავში ყველა დასებისა და პარტიებისათვის სასურველს კანდიდატს მოათავსებენ, ხოლო ქვემოთ თავის საკუთარს, მაგრამ ნაკლებად ცნობილს კანდიდატებს მიაყოლებენ. უეჭველია, როცა გამოუცდელი და გულუბრყვილო ამომრჩეველი ასეთს სიას აიღებს, ჯერ პირველი კანდიდატის გვარს ამოიკითხავს; იფიქრებს, შესაძლოა, დანარჩენი კანდიდატებიც ამისთანანი იყონო, და მთელ სიას კენჭს ჩაუგდებს.

მართალია, ეს ერთგვარი ოინია, მაგრამ ოინი — ზოგჯერ მარგებელი, ზოგჯერ მავნებელი. სუსტი მხარე ამ წესსაც ბევრი აქვს და ინდივიდუალურ არჩევანსაც. ამიტომ ჯერ-ჯერობით საბოლოოდ გადაჭრილი არ არის, თუ ამ ორ წესში რომელია უმჯობესი. სწორედ ამავე მიზეზით ჩვენც აქ მათს შედარებას აღარ გამოვუდგებით. ცხოვრება და გამოცდილება თვითონ გვიჩვენებს, თუ ამ ორ წესში რომლის რომელი გამოდგება და ხალხმა რომელს უნდა მიმართოს.

დასასრულ, ვიკითხოთ: როგორ უნდა მოიქცნენ ის პირები, რომელთაც წერა კითხვა არ იციან? კენჭი ხომ უსათუოდ დახურული უნდა იყოს?

ამ კითხვაზე ორ-გვარ პასუხს იძლევიან.

ზოგნი ჰფიქრობენ: კენჭის ყრის საილუმლოება ისე მტკიცედ უნდა იქნეს დაცული, რომ იმ დროს, როცა ამომრჩეველი კანდიდატების სიას ათვალთვრებს და ასარჩევ კანდიდატის გვარს ეძებს, იმისი მოწმე თვით უახლოესი მეგობარ-ნათესავიც კი არ უნდა იყოსო.

ამისდა მიხედვით, ესენი ურჩევენ: ყოველმა პარტიამ თავისი კანდიდატის სახელი და გვარი განსაკუთრებულ ფერის ქაღალდზე უნდა დაბეჭდოს და ამომრჩეველებს წინდაწინვე გამოუცხადოს, რომ ამა-და-ამ პარტიის კანდიდატის სახელი ამა-და-ამ ფერ ქაღალდზეა დაბეჭდილიო.

ვთქვათ, რომელსამე ამომრჩეველს სურს, კენჭი ნაციონალისტების კანდიდატს ჩაუგდოს. იგი მიდის საარჩევნო ბიუროს წევრების წინ, მაგიდასთან, მიიღებს ყველა პარტიის ფურცლებს, შედის იქვე ცალკე ოთახში და, მოწმის დიუსწრებლად, იღებს იმ ფერის ქაღალდს, ვსთქვათ მწვანეს, რომლის შესახებაც წინდაწინ გამოცხადებული იყო: ნაციონალისტთა კანდიდატების გვარი ამფერ ქაღალდზეა დაბეჭდილიო. შემდეგ ამ ქაღალდს იქვე სქელ კონვერტში ჩასდებს, გამოდის საარჩევნო მაგიდასთან, სადაც ბიუროს წევრები სხედან, და კონვერტს საარჩევნო ყუთში ჩააგდებს. ამას ჰქვია კენჭის „ყრა“.

ცხადია, ამ შემთხვევაში კენჭი დაფარული იქნება, რადგან, სქელ კონვერტის გამო, ვერც ერთი იქ დამსწრე ვერ გაიგებს, თუ ამომრჩეველმა რომელ პარტიის კანდიდატს ჩაუგდო კენჭი.

მაგრამ ამგვარი ხერხი მხოლოდ მანამდეა გამოსადეგი, სანამ ასარჩევ კანდიდატების რიცხვი ხუთს ან ექვსს არ აღემატება, თორემ როცა კანდიდატი ბევრია,

მაშინ, უეჭველია, საარჩევნო ფურცლებიც მრავალ-ფერი იქნება და ძლიერ საეჭვოა—ამომრჩეველმა ყველა ეს ფერები ზეპირად დაიხსომოს და სხვადასხვა პარტიის კანდიდატები ერთმანეთში არ გარიოს.

ამიტომ, სანამ მთელი ხალხი წერა-კითხვას ისწავლიდეს, საჭიროა მეორე აზრსაც გავეცნოთ.

ამ აზრის მიმდევარნიც პრინციპიალურად თანახმა არიან, რომ კენჭის ყრა დახურული უნდა იყოს. მაგრამ, დასძენენ, დიდი უსამართლობა იქნება ამ საბუთის ძალით ამომრჩეველთა სიიდან ყველა ის პირები გამოვრიცხოთ, რომელთაც წერა-კითხვა არ იციანო. უმჯობესია, ამ შემთხვევაში კენჭის საიდუმლოება მცირეოდნად დაირღვეს, ვინემ ხალხის დიდი ნაწილი უხმოდ დარჩესო.

სახელდობრ, დიდი ცოდვა არ ჩქნება, რომ, ვინც წერა-კითხვა არ იცის, საარჩევნო ფურცლები თავის ერთგულ მეგობარს და სანდო პირს წააკითხოს, ან წერა-კითხვის მცოდნე თავისი შვილი მოიხმაროსო. მართალი რომ ვთქვათ, ეს კენჭის საიდუმლოების დარღვევაც არ იქნება, რადგან კენჭის საიდუმლოება მხოლოდ მაშინ ირღვევა, როცა ყველა შეიტყობს, თუ ვის ჩაუგდო კენჭი ამომრჩეველმაო. ერთსა და ორს თავის ერთგულს მეგობარს კი, ჩვეულებრივ, არც ის ამომრჩეველები უმაღავენ ხოლმე თვისს მოქმედებას, რომელთაც წერა-კითხვა იციან და კენჭის ყრას სრულ საიდუმლოებით ასრულებენო.

უკანასკნელ, როცა კენჭის ყრა გათავდება, ბიუროს წევრები კენჭის თვლას შეუდგებიან. რომელ კანდიდატსაც მეტი კენჭი აღმოაჩნდება, ის იქნება არჩეული.

ვთქვათ, საარჩევნო ყუთში 1000 კენჭია. ამ ათას კენჭში ერთს კანდიდატს, შოთას, 200 კენჭი რგებია, მეორეს, ვახტანგს — 350, მესამეს ლუარსაბს — 450. აქ ყველაზე მეტი ლუარსაბის კენჭია (450). მაშასადამე, არჩეულიც ის იქმნება.

მაგრამ ზოგიერთ ქვეყნებში არჩეულად მხოლოდ იმ კანდიდატს სთვლიან, რომელსაც ყველა კენჭების ნახევარზე მეტი რგებია, ე. ი. 1000-იდან ხუთას-ერთი, ხუთას ორი და სხვა; ხოლო 2000-იდან ათას-ერთი, ათას-ორი და სხვანი.

კენჭის ანუ ხმის პირველ-გვარს უმეტესობას უბრალოდ უმეტესობას ეძახიან, მეორე გვარს-კი — აბსოლუტურს.

თვით იმ ქვეყნებშიაც კი, სადაც აბსოლიუტური უმეტესობაა მიღებული, ხშირად მოხება, რომ პირველ კენჭის ყრის დროს არც ერთს კანდიდატს არ ერგება აბსოლიუტური უმეტესობა, ე. ი. ყველა კენჭების ნახევარზე მეტი. მაშინ გასწავრებათ კენჭის უნაინიშნება, მაგრამ განმეორებით კენჭს ყველა კანდიდატს კი არ უყრიან, არამედ ორს უკანასკნელ კანდიდატს, რომელთაც დანარჩენ კანდიდატებზე უმეტესი კენჭი რგებიათ. მაშასადამე, თუ ზემოდ დასახელებულ მაგალითს ავიღებთ, განმეორებით კენჭი ვახტანგსა და ლუარსაბს უნდა ეყაროს.

ამ შემთხვევაში დიდი მნიშვნელობა ექნება იმას, თუ რომელი კანდიდატის მხარეს დაიჭერენ პირველ კანდიდატის (შოთას) ამომრჩევლები, სულ 200 კაცი.

ვთქვათ, ვახტანგის მხარე დაიჭირეს. მაშინ ვახტანგს



550 (350+200) კენჭი ერგება და, მაშასადამე, არჩეულიც ის დარჩება, თუმცა პირველ შემთხვევაში უმეტესობა (უბრალო) ლუარსაბისა იყო.  
ასეთია არჩევნების წეს-რიგი.

გორგასლოძე.



ი 383 ზ  
1905

საპოლიტიკო და სალიბერალური გაზეთი

„ი ვ ე რ ი ა“.

1905 წ.

გამოდის ყოველ-დღე.

წლის განმავლობაში რედაქცია დაურიკებს ხელის-მომწერლებს

**პრემიალ 12 წიგნს.**

საერთო სათაურით: „ივერიის ბიბლიოთეკა“, რომელშიაც მოთავსებული იქნება: ბელეტრისტული და სამეცნიერო თხზულებანი და წერილები ქართველ და უცხო მწერალებსა.

გაზეთსა და საპრემიო წიგნებში მოთავსებული იქნება სურათები და ილუსტრაციები.

გაზეთის ფასი: 1 იენისიდან წლის დამლევამდებ მან., რომლის გადახდა ნაწილ-ნაწილადაც შეიძლება. ცალკე ნომერი გაზეთისა ღირს 3 კაპ.

რედაქცია იმყოფება ფრეილინის ქუჩაზე, № 5.

საფოსტო ადრესი: Тифлис, Редакция жур. „Иверія“.

სტამბა ამხანაგობისა „მრომა“.